



FEED THE FUTURE

The U.S. Government's Global Hunger & Food Security Initiative



QONNA MANDUUBEE OOMISHTUMMAA GUDDISU IJAARU KAROORA BARNOOTAA

Feed the Future Ethiopia Livelihoods for Resilience - Oromia



USAID
FROM THE AMERICAN PEOPLE

**CRS**
CATHOLIC RELIEF SERVICES



Saxaxa Golga-kitaabaa: Solveig Bang

Maxxansaan kun gargaarsa arjoomaa uummanni Ammeerikaa karaa Dhaabbata Gargaarsa Misooma Idil-Addunyaa Mootummaa Ameerikaa (USAID) tiin godhaniin kan dhugoome dha. Qabiyyee maxxansichaatiif itti gaafatamummaa kan fudhatu Dhaabbata Gargaarsaa Kaatoliikii (CRS) yommuu ta'u, ilaalcha USAID yookiin kan Mootummaa Ameerikaa calaqqisiisuu dhiisuu ni danda'a.

Qopheessitooni: Vaalarii Roo'ee Deeviis fi Teklegennet Taammiruu
Oogummaa Barreeffamaa fi Tamsaasa: Bang Magnusson
Daawwit Xilaahun: Qopheessaa Fakkiwwan Fuula 3, 11, 17-20, 24, 26, 27, 28, 34, 46,
48, 52, 57, 77, 84, 89 and 103 irratti argamanuu



Catholic Relief Services is the official international humanitarian agency of the United States Catholic community. CRS' relief and development work is accomplished through programs of emergency response, HIV, health, agriculture, education, microfinance and peacebuilding. CRS eases suffering and provides assistance to people in need in more than 100 countries, without regard to race, religion or nationality.

Copyright © 2019 Catholic Relief Services. Any reproduction, translation, derivation, distribution or other use of this work is prohibited without the express permission of Catholic Relief Services ("CRS"). Please obtain permission from pqpublications@crs.org or write to:

Catholic Relief Services
228 West Lexington Street
Baltimore, MD 21201-3443 USA
1.888.277.7575
crs.org

GALATA

Barruuun leenjii kun Dhaloota Egeree Sooruu Itoophiyaatti, Sagantaa Madda Galii Ittiin-jirenya Dandamanna- Pirojekti Oromiyaa (Feed the Future Ethiopia Livelihoods for Resilience – Oromia) jedhamuun qophaa'e. Qophii barruu qajeelfama leenjichaatiif deeggarsa oogummaa kan kennan Valerie Rhoe Davis, Qonna, Dhimma Koornayaa fi Sirna Nyaataa irratti Gorsaa Oogummaa Ol'aanaa, Taklagannat Taammiruu, Dgaabbata Gargaarsaa Kaatoliikii Itoophiyaatti Hojii-gaggeessaa ol'aanaa SBCC. Taarikuu Anaggaa qabiyyee barruu qajeelfamichaa akkasumas leenjistootaa yaaliidhaaf godhame Afaan Ingilffa irraa gara Afaan Oromootti hiike.

Pirojektichi deeggarsa Hojii-geggeessitoonnii fi Ogeessonni Damee Bulchiinsa Kaatoliikii Maqii (Emmisiyiyes) yaalii jalqabaa qabiyyee barumsa kanaa gabbisuuf godhame irratti kennaniif baayyee galateeffachuu barbaada. Namoonni kunneenis: Solomoon Kabbadaa, Saafayoo Ashutaa, Tizaazu Guddataa, Hasan Mahaammad, Wandasan Bagaashaaw, Afarraahu Taklee fi Bisiraat Tesfaayee. Qaama mootummaa Itoophiya irraa ammoo gumaachi ogeessa qonaa (agronomist) aanaa Adaamii Tulluu Jiddoo Kombolchaa kan ta'an obbo Nagaash Hedaa daran guddaa dha. Dadammaqsitooni Hawaasaa (Sii'ee) fi Haala Mijeessitooni Hawaasa Adda-duree (LCFs) leenjii yaaliidhaaf godhame irratti hirmaannaa cimaa gochuun akkasumas yaada fooyya'insaa kennuudhaan adeemsa calallii qabiyyee barruu leenjii kanaatiif baayyee murteessaa ture.

Sagantaa Dhaloota Egeree Sooruutti (FtF) Hoogganaan ol'aanaa Laaroo (LRO) obbo Iyaan Dilaarozaa (Ian de la Rosa), qophii maanuwaalii kanaa keessatti qajeelfamaa fi deeggarsa kenuun gumaacha guddaa godheera.

WAA'EE BARRUU QAJELFAMA KNAA

Barruuun leenjii kun hojjettooni dirree kanneen akka Hojjettoota Misoomaa, Dadammaqsitoota Hawaasaa (community animator) fi Hojjettoota Eekisteenshinii Fayyaa akkaataa ijaarsaa fi itti-fufiinsaan itti fayyadamuu qonna manduubee irratti miseensota hawaasaatiif leenjii akka kennanuuf kan qophaa'e dha. Barruuun leenjichaa yookiin maanuwaalichi kuufama meeshaalee qonna manduubee Dhaabbata Gargaarsa Kaatoliikii (CRS) kan barruulee kanneen akka Qajeelfama Qabeenya Qonna Manduubee, Qajeelfama Hojimaata Pirojktii fi Qajeelfama Hoji-gaggeessaa Sagantaa jedhaman of keessatti qabatu irratti hundaa'a. Kaalaandariin waqtii nyaataa barruu leenjii kana keessatti hammatame meeshaalee sagnataa mootummaa Itoophiyaa 'Rakkoo Hanqina Nyaataa Itti-ufiinsaan Xiqqeessuu' (Sustainable Undernutrition Reduction (SURE) yookiin 'shuur' jedhamuun beekamu irraa fudhatame.

Barruuun leenjii kun boqonaa barumsaa 8 kanneen shaakalawwan garaagaraa waliin deeggraman of keessatti qabata. Isaanis, 1) kaayyoo fi bu'aa kan jedhurra osoo faayidaa ta'ee woyya qonna manduunbee 2) shoorawwanii fi murteewwan qonna manduunbee 3) biyyee fayya-qabeessa qopheessuu 4) qonna manduubee bishaan hobaasuu obaasuun gaha dhugiisuun osoo badee dansaa dha 5) gosoota qonna manduubee filataman (fakkeenyaaaf, qonna manduubee siree ol ka'aa, qonna manduubee siree dhidhimaa, qonna maduubee qaawwaa furtuu fi qonna manduubee dhaabbataa) 6) sanyii facaasuu/biqiltuu dhaabuu 7) qonna manduubee ilbiisota farra midhaanii fi dhibeewan/dhukkuboota irraa eeguu akkasumas 8) hojiawan yeroo sassaabbii fi sassaabbii boodaa.

Tokkoon tokkoon kutaa barumsichaa hojjettooni sadarkaa dirree miseensota hawaasaa yeroo leenjisanutti hordofuu qaban qajeelfama gulantaa gulantaadhaan dhiyaate of keessatti qabata. Kana malees, tokkoon tokkon barnootaa daqiiqaa 45 haga 150 kan fudhatu yommuu ta'u, guutummaa barruu leenjii kanaa xumuruudhaaf yoo xiqqate saatii 9 barbaachisa. Yeroon itti xumuramuu qabu lakkofsa gosoota qonna manduubee barsifamuu fi sadarkaa beekumsa misensota hawaasaa irratti hundaa'uudhaan dheerachuu ni mala. Leenjiin yeroo waqtii barbaachisaa fi hojii irra oolchuuf mijataa ta'etti yoo kennname gaarii dha.

BAAFATA

Barnoota 1: Kaayyoo Fi Faayidaawwan Qonna Manduunbee	I
Edaasa 1: Nyaataawwan Albuudaan Badhaadhan: Maal akka ta'an, yoom akka barbaachisanuu fi Maalirraa akka argman.....	5
Barnoota 2: Shoorawwanii Fi Murteewwan Qonna Manduubee	10
Barnoota 3: Biyyee Fayya-Qabeeessa Qopheessuu	14
Edaasa 2: Waraqaa Qajeelfama Bu'uuraa.....	23
Edaasa 3: Unkaa Hojjettoota Dirree	30
Barnoota 4: Qonna Manduubee Bishaan Hobaasuu	31
Barnoota 5: Gosoota Qonna Manduubee Filataman	36
Edaasa 4: Unka Hordoffii Qonna Manduubee	67
Barnoota 6: Sanyii Facaasuu/Biqiltuu Dhaabuu	74
Barnoota 7: Qonna Manduubee Keessan Ilbiisota Farra Midhaanii Fi Dhibeewan/Dhukkuboota Irraa Eeguu	82
Edaasa 5: Meeshaalee/Wantoota Waa'ee Ilbiisota Farra Midhaanii Fi Dhibeewanii Ilaalchiseee Hojjettoota Dirreetaif Barbaachisan	91
Barnoota 8: Hojiwwan Yaroo Sassaabbii Fi Sassaabbii Boodaa	97
Edaasa 6: Rakkoowwan Sassaabbii Boodaa Fi Mallattoowwan Bilchaatinaa.....	105
Edaasa 7: Shunkurtii Fi Qullubbii Adii Gogsuu	106

GABAAJEEWWAN

ATJK	Adaamii Tulluu Jiddoo Kombolchaa
CA	community animator Dadammaqsituu Hawaasaa
CRS	Catholic Relief Services Dhaabbata Gargaarsaa Kaatoliikii
CU2	children under 2 Ijoollee Wagga 2 gadii
DA	development agent Hojjetaa Misoomaa
IYCF	Infant and Young Child Feeding Daa'immanii fi Ijoollee Sooruu
MCS	Meki Catholic Secretariat Damee Bulchiinsa Kaatoliikii Maqii
NSA	nutrition-sensitive agriculture Qonna Sirna Nyaataaf Deebii kennu
PLW	pregnant and lactating women Dubartoota Ulfaa fi Hoosisiftoota (DUH)
SURE	Sustainable Undernutrition Reduction in Ethiopia Ittisa Hanqina Nyaataa Itti-fufiinsa Qabu kan Sagantaa Itoophiyaa
USAID	United States Agency for International Development Dhaabbata Gargaarsa Misoomaa Idil-Addunyaa Mootummaa Ameerikaa

KAAYYOO FI FAAYIDAAWWAN QONNA MANDUUBEE

Maal akka ta'e: Karoorri barumsaa kun kaayyoo/barbaachisummaa qonna manduubee jajjabeeffamaa iruu (pirojektiidhaan deeggaramaa jiruu) ni ibsa; miseensonni garee madda galii ittiin jireenyaa sadarkaa gos-hedduummaa/addaa addummaa/qabiyee nyaataa isaanii akka hubatan ni deegara; akkasumas, qonnawwan manduubee akkamitti gos-hedduummaa nyaataa isaanii akka deeggaruu danda'an isaanitti ni agrsiisa.

Maaliif barbaachise: Qonnawwan manduubee ijaaruudhaan akkasumas itti fufsiisuudhaan argama nyaatawwan madaalawaa albuudaaan badhaadhani miseensota garee madda galii ittiin jireenyaa fooyeesuudhaaf isaan waliin hojjechaa akka jirru miseensonni madda galii ittiin jirenyaa hubachuun isaanii barbaachisaa dha; keessattuu, daa'imman xixiqqoof, dubartoota ulfaa fi hoosiftootaaf-nyaata madaalamaa akka argataniif.

Akkamitti raawwatama: Hirmaattonni gaaffiwwan wal duraa duubaan dhiyaatanii manduu' itti dabalamuu qaba wal qabatan irratti ni mariyat. Hanqina nyaataa addaa addaa waggaa keessati mul'atu hubachuudhaaf hawaasa ni fayyada yoo ta'e, shaakalli dabalataa akka filannootti dhihaatee kan waa'ee hanqina nyaata madaalawaa waggaa guutuu keessatti mul'atu ilaallatus fayyadamuun ni danda'ama.

Shaakala dabalataa akka filannootti dhihaatee madaqsuu: Shaakalli akka filannootti dhihaa'chuudhaan barumsa kana keessatti hammatame kun shaakala kaalandarii waqtii nyaataa Ittisa Hanqina Nyaataa Itti-fufiinsa Qabu kan Sagantaa Itoophiyaa keessatti (SURE) "Barruu Leenji Daa'immanii fi Ijoollee Sooruu (IYCF) akkasumas Qonna Sirna Nyaataaf Deebii kenuu (NSA)" jedhaman irraa kan fudhatamee fi madqfame dha:

- Nyaatawwan kaalandarii waqtii nyaataa ijoollee waggaa 2 gadiin (IW2G) hin nyaatamne akkasumas/yookiin dubartoota ulfaa fi hoosiftootaan (DUH) kan hin sooratamne.
- Guutummaa waggaa keessatti madda/burqaaa nyaataa
- Yeroo nyaatni baayyinaan sooratamu
- Kuduraawwanii fi muduraawan kamfaan baayyiinaan akka isaan sooratan.

Hojjetaan misoomaa/dadammaksituun hawaasaa (CA) kanaan dura shaakala kana akkataa (SURE) keessatti ibsametti garee madda galii ittiin jirenyaa waliin hojjeteera yoo ta'ee fi odeeaffannoo kanaa of-harkaa yoo qabaatan, abbaanonni/bakka bu'oонни (agents) bu'aawwan shaakalawwan kanaan dura xumuramanii miseensota hawaasaa waliin irra deebi'anii xiinxaluudhaan hojiiwwan madaqsuu itti fufuu qabu. Kun ammoo yeroo shaakalaa kanaa xiqqeessuuf qooda ni qabaata.

<p>Karoora</p> <ul style="list-style-type: none"> ■ Kalaandarii waqtii nyaataa haala nannoo waliin walitti madaqsuu ■ Kalaandarii waqtii nyaataa fi suura maaddii nyaataa Itoophiyaa agarsiisu maxxansuu 	<p>Meeshaalee</p> <ul style="list-style-type: none"> ■ Gilgaala/waraqaa hojii/ kalaandarii waqtii nyaataa ■ Shaakalaaf, fakkii maaddii nyaataa/soorata Itoophiyaa ■ Qalama/irsaasii
<p>Yeroo</p> <ul style="list-style-type: none"> ■ Barnootaa shaakalawwan/gilgaalota akka filannootti dhiyaatan waliin: sa'atii 2 ■ Karoora barumsaa Shaakala madaqfame waliin: daqiqaa 90 ■ Karoora barumsaa Shaakala malee: daqiqaa 45 	

Gaafadhu

Gaaffiwwan armaan gadii yeroo gaafattu, ilaachawwan garaagaraa miseensota hawaasaa keessatti argaman hubachuudhaaf hirmaattotaa baayyee isaanii irraa deebii gaafadhu. Dhiiroonnii fi dubartoonni loogii malee deebii akka kennanu godhi. Gaaffiwwan kunneen waa'ee gos-heddumina nyaataa ilaachisee sadarkaa hubannoo miseensota hawaasaa beekuuf si gargaaru.



Gartuulee nyaataa jechuun maal jechuu dha? Nyaata gosa graagaraa/hunda irraa argachuun maaliif nama fayyada?

Deebiwwan baayyina nyaatawwan madaalawaa/albuudaan badhaadhanii/ kanneen akka pirootiinii, kaarboohaayidireetii, albuudota fi vaayitaaminootaa yookiin nyaatawwan wantoota gosa garaa garaa irraa qophaa'an kanneen akka nyaatawwan idilee (fakkeenyaaaf, qamadii fi boqqolloo), muduraa fi kuduraa, nyaatawwan akka baaqelaa fi ataraa akkasumas gosoota nyaataa horii ykn beellada irraa argaman kan ilaallatu isaan irraa dhaggeeffadhu.

Agarsiisuudhaan Ibsi

Erga garee kana keessatti wal arguu eegallee kaasee, kutaawwan baayyee waa'ee nyaata addaa addaa soorachuudhaan sirna nyaataa fooyessuu ilaallatan akka baranne ni yaadattu. Sababiinsaa nyaatawwan gosa addaa qabiyeyewwan gosa garaa garaa kannanuudhaan qaamni keessan jabaa fi fayyalessa akka ta'u waan isin gargaaranuuf.



Guyyaa guyyaatti tokkoon tokkoon gosa nyaataa irraa hagam nyaachuu qabna?

Deebiiwwan kanneen armaan gadiitiin wal fakkaatan kennuu isaanii dhaggeeffadhu: Nyaatawwan idilee (boqqolloo, qamadii) walakkaa kan ta'u yookiin dhibeentaa 50 (50%), kuduraa fi muduraa harka tokko sadaffaa ta'u (30%), faatiwwan tokko tokko (zayita nyaataa, abokaadoo) dhibbeentaa 10 (10%) ta'u; nyaata bu'aawwan horii ta'an (killee, annan, foon, qurxummii)/ midhaanota kanneen akka baaqelaa fi ocholoonii/lawuzii dhibbeentaa (10%).¹ Erga dhaggeeffattee booda madaalliiwwan/ qabiyyeewwan kunneen maaddii nyaataa irratti maal akka fakkaatan fakkii armaan gadii irraa itti agarsiisi.



Waggaa keessatti maatiin keessan kuduraa, muduraa fi nyaatawwan kanneen akka baaqelaa fi ataraa gahaa ta'an yeroon isaan itti hin sooranee/nyaanne ni jiraa? Deebiin keessan eeyyee yoo ta'e, yeroo jedhame kanatti sababni hin nyaanneef maali?

Deebiiwwan kanneen akka hanqina oomishaa, midhaan kunneen waggaa yeroo tokko tokkotti waan hin oomishamneef, maatii keessatti ramaddii gosoota nyaataa walqixxaataa hin taane, midhaan waan ariifatanii tortoraruuf yookiin shamanuuf, nyaatawwan kunneen gabaa keessatti waan hin argamneef yookiin ammoo sababoota biroo isaan irraa dhaggeeffadhu. Barnoota itti aanu keessatti furmaata itti kennuu akka dandeessutti yaadannoo deebiiwwan isaanii qabdhu.

I. Sustainable undernutrition reduction in Ethiopia (SURE) Programme. December 2015. *Training Manual on Infant and Young Child Feeding (IYCF) and Nutrition Sensitive Agriculture (NSA)*. Federal Democratic Republic of Ethiopia Ministry of Health & Ministry of Agriculture and Natural Resources.



Shaakala/Gilgaala akka filannootti dhiyaate (kan dirqama hin taane jechuu dha:

Edaasa I keessatti, shaakala/gilagaala ati miseensota hawaasaa waliin hojeettu kan gos-heddumina nyaataa maatii isaanii fi guutummaa wagga keessatti hanqina jiru hubachuuf isaan gargaaruutu jira. Shaakal filannoo kana hin hojettu yoo ta'e gara gaaffii marii miseensota hawaasaa itti aanuutti ce'uu ni dandeessa.



Qonna manduubee naanno manaatti hojechuun akkamitti gos-heddumina nyaataa fooyyessuu danda'a?

Deebiiwan kanneen akka baayyina nyaataa qabiyeye albuudaan badhaadhanii kanneen akka muduraa, nyaataawan kanneen akka baaqelaa fi ataraa akkasumas muduraa dabaluu, nyaataawan gosa garaagaraa fi kanneen qabiyeye albuudaan badhaadhan yeroo isaan gabaa irraa hin argamne keessatti baayyina isaanii dabaluu, argama nyaataawan dubartoonaaf fayyaa kennuu danda'an dabaluu, nyaataawan gosa hedduu biroo bituudhaaf madda galii guddisuu, kkf isaan irraa dhaggeeffadhu.



Nyaataawan gosa garaagaraa maatii keessatti argamuu malan irraa bu'aa argachuu akka hin dandeenyeef miseensota maatii tokko tokko kan daangessu maaltu jira?

Deebiiwan dhimmoota kanneen akka itti fayyadamaa fi too'anno oomishaa, oomishni akkamitti tajaajila kennuu akka danda'u irratti aango murtee kennuu, barmaatiilee aadaa, rmadii nyaataa maatii keessatti godhamu, aadaa amantaa (fakkeenyaa sooma) wal qabatan isaan irraa dhaggeeffadhu. Yaadanno qabadhuutii gara garee pirojktichaatti geessuudhaan akkamitti akka furmaataa fi murtee kennun akka danda'amu akka muryatamuu taasisi. Dhiibbaawan ilaachisee barnoonni gara fuula duraatti yoo jiraate isaaniif ibsi.



Gosa-heddumina nyaataa maatii keessanii dabaluudhaaf qonna manduubee ammaan dura qabdan fooyyeessuu yookiin ammoo qonna manduubee haaraa eegaluudhaaf fedhii ni qabduu?

Hirmaanna ho'aa gochuu isaaniitiif, miseensota garee madda galii ittiin jireenyaa galateeffadhu.

NYAATAWWAN ALBUUDAAN BADHAADHAN: MAAL AKKA TA'AN, YOOM AKKA BARBAACHISANUU FI MAALIRRAA AKKA ARGMAN

Waggaa keessatti nyaatawwan gosa akkamii nyaachuu aka qabnuub fi nyaatawwan kanneen akkamitti argachuu akka dandeenyu ilaalcissee hubannoo keenya caalaatti guddisuudhaaf mee amma shaakala yookiin gilgaala haa hojjennu.



Tokkoon tokkoon gareetiif miseensa hawaasa barumsa qabu addaan baasaa yookiin ammoo haala mijeessitooni deebiwwan miseensota irraa argaman guutuuf deeggarsa kennuu ni danda'u.

Gulantaa 1: Haala aadaa naannoo fi haala qabiyyee garee irratti hundaa'uudhaan, garee hirmaattotaa saala wal fakkaataa lamatti yookiin ammoo saala wal makaa tokkotti qooduudhaaf murteessi.

Gulantaa 2: Kalaandarii waqtii nyaataa fudhatame/madaqfame shaakala kanaaf fayyadamuudhaan, maatiin/abbaan warraa/ sun wagga keessatti tokkoon tokkoon gosa nyaataa yoom akka sooratu miseensota garee irraa odeeffannoo funaanaa/sassaabaa. Tokkoon tokkoon nyaataatiif, yoom akka sooratamu gaafachuudhaan ji'a/baatii irratti mallattoo "X" guutaa. Tokkoon tokkoon nyaataatiif, ji'a (ji'oota) kamfaa keessa maatichi baayyinaan nyaaticha akka sooratu gaafachuudhaan mallattoo X lama itti dabalaatii mallattoo "XXX" barreessuun agarsiisaa. Nyaata gosa hunda erga xumurtanii booda, nyaatawwan biroon kanneen isaan sooratn yoo hafan gaafadhaa. Nyaatawwan kanneen kalaandarii nyaatichaatti dabaluudhaan, akkamitti akka sooratan odeeffannoo sassaabaa.

Kalaandarii nyaataa shaakala kanaaf jecha akka fakkeenyaatti guutame

Garee Nyaataa	Gosa	Ful	Onk	Sada	Mud	Ama	Gur	Bit	Eebli	Caam	Wax	Ado	Hag	IW2G	DUH	
Nyaataaw-wan idilee	Boqqol-loo	X LM	X LM	XXX H	XXX H	XXX H	X H	X H	X H	X H	X LM	X LM	X	X	X	
	Qamadii	X LM	X LM	XXX H	XXX H	XXX H	X H	X H	X H	X H	X LM	X LM	X	X	X	
Nyaataaw-wan kan-neen akka Ocholoonii	Otong-oree/ lojoo	X LM	X LM	XXX H	XXX H	XXX H	XXX H	X H	X H	X H	X LM	X LM		X	X	
Kuduraa	Raafuu Baalaa	X H	X LM	X LM									XXX H	XXX H	X	X
	Raafuu maraa	X H	X LM	X LM	X LM	X LM	X LM	X LM	X LM	X LM	X LM	XXX H	XXX H	X	X	
Nyaata bu'aa horii	Killee/ hanqa-aquu/ buphaa	X	X	X	X	X	X	X	X	X	X	X				
	Aannan														X	

Gulantaa 3: Nyaataawan mucooliin/ijoolleen/ (umuriin isaanii ji'a 6 haga waggaa 2 ta'u) nyaachuu nyaachuu malan tarreeffama kana keessaa isaan kamfaa dha? Tokkoon tokkoon nyaataawan ijoolleen kunneen nyaachuu danda'aniff, tarjaa/naqaa IW2G jalatti mallatoo "X" barreessaa. Hin nyaatan yoo ta'e garuu bakka sana duwwaatti dhiisaa. Nyaataawan ijoolleen/mucooliin nyaachuu hin dandeenye yoo jiraatan, ijoolleen umuriin isaanii ji'a 6 haga waggaa 2 ta'e maaliif nyaataawan kunneen akka hin nyaanne gaafadhu. Dhimmoota barnoota gara fuula duraatiin deebii itti kennuu dandeessu addaan baafachuudhaan yaadanno qabadhu.

Gulantaa 4: Nyaataawan dubartoonni ulfaa fi dubartoonni harma hoosisan nyaachuu danda'an tarreeffama kana keessatti ni argamuu? Deebiin eeyyee yoo ta'e, nyaataawan kanneeniif toora/tarjaa DUH jalatti mallatoo "X" barreessaa. Hin nyaatan yoo ta'e garuu bakka sana duwwaatti dhiisaa. Nyaataawan dubartoonni ulfaa fi dubartoonni harma hoosisan nyaachuu hin dandeenye yoo jiraatan, dubartoonni ulfaa fi dubartoonni harma hoosisan maaliif nyaataawan kunneen akka hin nyaanne gaafadhu. Dhimmoota barnoota gara fuula duraatiin deebii itti kennuu dandeessu addaan baafachuudhaan yaadanno qabadhu.

Gulantaa 5: Tokkoon tokkoon yeroo nyaataawan sooratamnuu ilaachisee, abbaan warraa sun nyaaticha eessaa akka argatu qubeewwan armaan gadii ji'ota sirrii ta'an jalatti barreessuudhaan addaan baasaa:

- M: oomisha manaa
- O: Ollaa irraa kan argame
- GN: Gabaa naannawa manaa
- GG: Gabaa guddaa (regional market).



Ramaddiiwwan haala naannoo wajjin akka wal simatutti sirreessaa.

Gulantaa 6: Gareen lama uumameera yoo ta'e, garee lamaan walitti fiduudhaan kalaandarii isaanii akka dhiyeessanuuf gaafadhu. Maaltu akka wal fakkaatuu fi maaltu akka garaagarummaa qabu gaafadhu. Hirmaattonni sabababa garaagarummaa fide irratti akka mariyatan taasisi.

Gulantaa 7: Garee akkas jedhii gaafadhu: Waa'ee gosoota nyaataa garaagaraa maal hubattan?

Deebiiwwan yookiin argannoowwan cuunfuudhaan kaayyoo hojii qonna manduubee waliin wal qabsiisuuudhaan ibsa gababaa kenni. Kaayyoona hojii qonna manduubee argama nyaataa gosa addaa addaa fi albuudaan badhaadhaa ta'anii dabaluudhaan bu'aawan nyaata madaalamaa argamsiisuuf gumaacha taasisuu akka ta'e yaadadhu.

Shaakalicha yeroo xumurtu gara karoora barnootaatti cehi.

Caasaa Kalaandarii Waqtii Sirna Nyaataa kan Nyaataawwan Qabiyee albuudaa qabanii *

Garee Nyaataa	Gosa	Ful	Onk	Sada	Mud	Ama	Gur	Bit	Eebl	Caam	Wax	Ado	Hag	IW2G	DUH
Midhaan idilee	Xaafii														
	Garbuu														
	Daagujjaal														
	Bisingaa/ boobee														
	Boqqolloo														
	Qamadii														
Midhaanota akka ocholoo- nii	Missira														
	Baaqelaa														
	Ocholoonii/ lawuuzii														
	Shumburaa														
	Atara (Pigeon Pea)														
	Otongoree/ boloqqee														
Kuduraa	Qoosxaa														
	Dabaqaqla/ buqqee														
	Raafuu (maraa)														
	Raafuu Abraangoo fakkaatu														
	Kuduraawwan dabaqaqla fak- katan kanneen akka zukunii (squash)														
	Salaaxaa														
	Timaatimii/ ajaagaarii														
	Shunkurtii														
	Qullubbii														

Bu'aawwan horii	Buphaa/killee						
	Aannan						
	Foon						
	Qurxummii						
Muduraa	Muuzii						
	Maangoo						
	Burtukaana						
	Pappaayya						
	Zeeyitunaa/ roqaa						
Zayita/quyyisa	Zayita nyaataa						
	Abokaadoo						
	Midhaanota zaytaa						
Midhaanota Hidda	Dinnicha/ mosee (Irish potato)						
	Hundee di- imaa/dindaa						
	Camcamee/din- nicha mi'aawaa qolli isaa bif buurtukaanaa qabu						
	Kaarotii						

Madda: Sustainable undernutrition reduction in Ethiopia (SURE) Programme. December 2015. *Training Manual on Infant and Young Child Feeding (IYCF) and Nutrition Sensitive Agriculture (NSA)*. Federal Democratic Republic of Ethiopia Ministry of Health & Ministry of Agriculture and Natural Resources.

* Waqtii kalaandariichaatti madaksuu: Ji'oota irratti dabalataan, kalaandaricha fayyadamtoota waliin akkamitti akka walitti madaksuun (wal barsiisuun) danda'amuu fi yeroowwan garaa garaa wagga keessaatti argaman (yeroo roobaa, ayyana wagga, kkf) hubadhaa.

Toorawwan duwwaa nyaatawwan gabatecha keessaatti hin argamne itti dabaluudhaaf fayyadamaa.

BARNOOTA 2

SHOORAWWANII FI MURTEEWWAN QONNA MANDUUBEE

Maal akka ta'e: Barumsi kun sii fi miseensonni garee madda galii ittiin jirenyaa, abbaa warraa/ maatii keessaa enyu hojii qonna manduubee irratti akka hojjetu akkasumas dhimmoota hojii qonna manduubee fi bu'aawwan isaanii ilaachisee murtee kan kenuu danda'u enyu akka ta'e hubachuuf gargaara.

Maaliif barbaachise: Dubartoonni irra jireessaan itti gaafatamaa hojii qonna manduubee ti; haa ta'u malee, yeroo hundumaa isaanitti gatamuu akka qabutti ilaaluu hin qabnu. Dubartoonni hojii qonna manduubee harka caalmaa haa hojjetanu iyyuu malee, qonna manduubee fi bu'aawan isaa guutuumaan guutuutti hin too'atanu. Baayyina hojii qonna manuubee ilaachisee, shoora hojii madaalawaa ta'e mirkaneessuuf, miseensonni maatii addaa addaa akkamitti hojii qonna manduubee fi itti gaafatamummaa biroo irratti waliin hojjechuu akka qabanu mariyachuudhaaf carraan ni jira.

Akkamitti raawwatama: Suurawwan/fakkiwwan gargaaramuudhaan, qonna manduubee irrattii enyu maal akka hojjechuu qabu akkasumas hojjiwwan kanneen irratti enyu akka murteessaa ta'u qabu ilaachisee hojjettooni misoomaa fi dadammaqsitooni hawaasaa (CAs) miseensota hawaasaatiif deeggarsa ni kenuu.

Karoora: Suuraa qonna manduubee akkaataa qabatama naannootti madaqsuu

Meeshaalee:

Wataqaa gaggargalu kan fakkii/suura shoora addaa addaa of irraa qabu

Yeroo: Daqiqaa 45 haga 50

Gaafadhu

Gaaffiwwan armaan gadii yeroo gaafattan, ilaalchawwan garaagaraa miseensota hawaasaa keessatti argaman hubachuudhaaf hirmaattotaa baayyee isaanii irraa deebii gaafadhaa. Dhiiroonni fi dubartoonni loogii malee deebii akka kennanu godhaa. Gaaffiin kun miseensota maatii/abbaa warraa/ keessaa qonna mandubeerratti irra jireessaan itti gaafatamaan enyu akka ta'e hubachuudhaaf si gargaara.



Qonna manduubee qabdu yoo ta'e, qonnicha kunuunsuudhaaf maatii keessan keessaa eenyutu itti gaafatamaa isaa ti?

Gaaffiwwan kanneen gaafachuu fi marii jajjabeessuun booda, gara kutaa itti aanuutti darbi.

Agarsiisuudhaan Ibsi

GILGAALA/SHAAKALA

Qonna manduubee ijaaruun, itti fufsiisuu fi bu'aa irraa argachuun yeroo fudhachuu kan danda'u ta'ee, milkaa'uudhaaf galteewwanii fi hojii humnaa ni gaafata. Hojii qonna manduubee eenyu akka too'atuu fi kunuunsu gabaabinaan erga mariyannee jirra, amma immoo eenyu akka hojicha hojjetu fi hojicha ilaachisee eenyu akka murtee kenu akkasumas miseensonni maatii akkamitti akka wal gargaaran (yeroo hojiin qonaa ijoo facaafaman, itti fufsiifamanii fi sassabaman wajjin walduukaa), shoorawwan hojii qonna manduubeetiin wal qabatan haa ilaallu. Raawwii hojiin qonna manduubee fi itti fayyadama bu'aawwan isaa ilaachisee murteewwan godhaman baayyina nyaatawwan albuudaan badhaadhanii miseensonni maatii soorachuuf qaban irratti dhiibbaa ni qaba. Miseensota maatii keessaa eenyu hojii kana akka raawwatuu fi hojichaa fi itti gaafatmummaa isaa ilaachisee eenyu akka murteessaa ta'e mariyachuudhaaf fakkiwwan shoorawwanii fi itti gaafatmummaa addaa addaa qonna manduubeetti armaan gadiitti haa fayyadamnu.

Hojjetaan misoomaa/dadammaqsituun hawaasaa (CAs) tokkoon tokkoon fakkii jalatti deebii miseensota hawaasaa ni qabatu.

Qonna manduubee qopheessu, meeshaalee, sanyii fi xaa'oo bituu fi kkf; qonna manduubee itti fufsiisuu: facaasuu/dhaabuu, bishaan hobaasuu, aramuu, ilbiisota yookiin dhukkuboota too'achuu, sassaabuu; nyaata bilcheessuu /kuusu/ qindeessuu, gabaatti dhiyeessuu, galii.

 Miseensonni garee leenji ' Karoora fi Waliin mariyachuu fayyadamuun Gaayila fi Hiriyumaa Jajjabeessuu' kan sagantaa DOGATIB (SAMRT) keessatti kennname yookiin leenji hiriyummaa yookiin ammoo maree hawaasaa irratti hirmaatanii beeku yoo ta'e, barnoonni kun waaan isaan leenjiwwan kanneen keessatti baratan hojii irraa oolchuudhaan shoora hojii madaalawaa ta'e deeggaruudhaaf akkasumas qonna manduubee irraa akka gaariitti bu'aa argachuudhaaf akka isaan dandeessisu isaaniif ibsi.

 Garee keessan irratti hundaa'uudhaan, mariin kun garee saala wal-makaan keessaatti raawwachuu danda'u isaa, yookiin ammoo gareewwan lama saala gosa tokkoon tokkoon irraa uumaman wal cinaan mariyachuu yoo barbachisa ta'e murteessaa. Gareewwan addaa addaa lama saala wal fakkaataa irraa yoo uumaman, tokkoon tokkoon garee deebii isaanii dhiyeessuu qabu; kana maleess, garaagarummaa gareewwan lamaan gidduu jiru irratti maryachuun barbaachisaa dha.





Eenyu qonna manduubee hojjechaa akka jiruu fi eenyu waa'ee hojii qonna mandduubechaa murteessaa akka jiru maal hubattani?

Deebiwwan kanneen waa'ee miseensota maatii keessatti shoora hojii wal qixxaataa hin taane jiraachuu ilaallatan, yookiin shoora hojii wal qixxaataa miseensota maatii gidduutti argamu ilaallatan dhaggeeffadhu. Kana malees, qonna manduubee irratti hojjechuuf hojiin humnaa miseensota maatii gidduutti akkamitti akka qoodamu kan ilaallatu, miseensonni maatii akkamitti hojiiwwan kanneen akka wal gargaaran, akkasumas namoota hojicha hojjatanuu fi kanneen murtee kennan akkamitti akka addaan baasan kanneen ilaallatan yoo jiraatan dhaggeeffadhu. Galteewwanii fi meeshaalee ilaachisee, meeshaalee maatii keessatti argaman waliif qooduu, bituudhaaf gargaarsa barbaaduu, kkf ilaachisee eenyu akka murtee kennu yaada isaan kaasan yoo jiraate dhaggeeffadhu.



Miseensonni maatii kanneen armaan gadii akka raawwatan mirkaneesuuf tarkaanfii akkamii fudhattu:

- Baayyina hojii akka qooddatanuuf?
- Qonna manduubee oomishtummaa gaarii qabu hojjechuuf akkamitti galteewwan yookiin qabeenyawwan barbaachisaa ta'an argachuu akka danda'an?
- Akkaataa tumsa/gumaacha godhaniin hojii qonna manduubee irraa bu'aa akka argatanuuf?



Gahee hojii waliif qooduu irratti yeroo mariin godhamu, mareen dargaggoota dhiiraa fi shamarran mana barumsaa keessaa hambisuu akka hin qabne mirkanessi.



Hojii qonna manduubee hojii qonna ooyiruu isa kaan waliin wal-faana hojjenna waan ta'eef, karoora hojii akkasumas meeshaalee qonna manduubeetiif nu barbaachisan argachuu keenya irratti dhiibbaa ni fidaa? Ni fida yoo ta'e, akkamitti dhimma kanaaf furmaata kennuu dandeessu?

Deebiwwan kanneen akka qonna manduubee utuu roobni hin dhufin dura ijaaru, hojii qonna lamaaniif meeshaa barbaachisuu dursanii qopheessuu, waqtii tokko keessa sassaabuudhaaf yeroon barbaachisuu isaa dursanii hubannoo keessa galchuu. Kana malees, ooyiruu isa biraa irratti deeggarsi cimaan barbaachisuu isaa fi qonni manduubee yeroo sirriitti faca'uun qabaachuu isaa hubachuu.



Hojiiwwan kana yaalii akka hin gooneef wanti isin daangessu maal ta'uu mala?

Deeggarsa oogummaa fi tajaajilawwan qindoominaa pirojektichi kennuu danda'aauu ilaalcissee deebii isaan kennuu malan dhaggeeffadhu. Kana malees, dhimmoota saalan wal qabatanuu fi kanneen itti fayyadamaa fi too'annoo qabeenyaa, baayyina gahee hojii akkasumas aangoo murtee kennuu irratti dhiibbaa fiduu malan deebii isaanii keessaa dhaggeeffadhu.

Hiirmaanna cimaa fi ho'aa isaan godhaniif hirmaattota galateeffadhaa.

BIYYEE FAYYA-QABEESSA QOPHEESSUU

Maal akka ta'e: Krrorri barumasaan kun waa'ee biyyee qonna manduubeetiif oolu danda'uun caalatti hubannoo argachuudhaaf, qorannoo biyyee afur salphaa kan ta'e, ofii hojjechuun kan danda'amu isiniif qooduudhaaf gargaaran. Kana malees muuxannoowwan addaa addaa fayyummaa biyyee fooyyessuuf gargaaran ilaalchisee odeeffannoo ni kenna.

Maaliif barbaachise: Biyyeewan qonna manduubee bakkeewwan lafa qonaa garaa garaa irratti hundaa'uudhaan addaa addummaa qaba. Biyyeen lafa manduubee rakkina kam irraa iyyuu bilisa ta'e jira jechuun nama rakkisa. Kanaafuu, fayyummaa biyyee fi akkamitti akka sadarkaa gabbina/qulqullina isaa fooyyessuun akka danda'amu beekuun qonnaan bultooni hojii qonna manduubee irratti bobb'anii jiran oomishtummaa isaanii akka guddisanuuf akkasumas yeroo yerootti jijiirama biyyee isaanii irratti mul'atu hordofuu akka danda'antuuf isaaan garagaara.

Akkuma namoota qonna manduubee irratti hojjetanuu garaagarummaa qabu. Yoo qonni manduubee haaraa ta'e, yookiin ammoo iddo haaraa ta'etti yoo oomishame, waa'ee biyyee sanaa beekuun addumaan baayyee barbaachisaa dha. Carraan qonni manddubee rakkina biyyee irraa bilisa ta'uu baayyee dhiphaa dha. Fayyummaa biyyee ofii beekuun, gosa qonna manduubee filachuudhaaf akkasumas caasaa qonna manduubee qopheessuudhaaf namoota hojii qonna manduubee irratti hojjetan ni gargaara. Kana malees, namoonni qonna manduubee irratti hojjetan kunneen qulqullina/gabbina biyyee eeguudhaafi fooyyessuudhaaf yeroo hojii eegalanis ta'e, guutummaa turtii qonna manddubechaa keessatti maal hojjechuu akka qaban isaan ni qajeelcha.

Akkamitti raawwatama: Qorannoowwan biyyee gosa afuran miseensota hawaasaa waliin shaakaluu fi hojiwwan addaa addaa fayyummaa biyyee fooyyessuudhaaf gargaaran akka gaariitti ibsuu.

Karoora

- Meeshaan suursagalee/viidiyoo ittiin agarsiisan yoo jiraate, viidiyoo agarsiisudhaaf qopheessaa. Miseenonni hawaasaa kunneen sagalee dhagahuu karaa itti dandanda'an qabaachuu isaanii mirkaneeffadhu
- Barumsa isaaniif kennuudhaan dura qorannocha shaakaluudhaaf yaada dhiyeessiif
- Miseenonni hawaasaa eegumsa biyyee ilaachisee shaakala isaan qanabuu irratti odeeffannoo sassaabbadhu. Muuxanno kunuunsa biyyee tokkollee fayyadamaa hin jiran yoo ta'e, odeeffannoo fi shaakalawwan waraqaa odeeffannoo ijoo irraa fudhachuun barnoota kana irratti ida'auudhaan fooyyessi.

Yeroo: Daqiqaa 45 haga 50 (Hojiiawan fooyaainsa biyyee itti agarsiisuu utuu hin dabalatin)

Meeshaalee

Qorannoo Biyyeetiif: Akaafaa, moofaa halluu adii / waraqaa yookiin baaldii (shenkelloo), bishaan, sarartuu, hordaa mallttoo gochuuf gargaaru, irsaasii, saatii/yeroo lakkooftuu bilbila irraa.

Shaakalawwan biyyee fooyyessuu: Shaakalawwan yeroo ammaa raawwatamaa hin jirre yoo addaan hubatte, waraqaa qajeelfama bu'uuraa dubbisuudhaan meeshaalee akkamii akka si barbaachisu murteessi.

Videos

- Qorannoo gad fageenya biyyee baqqaana irra-keessaa, Qorannoo raammoo yookiin lubbo qabeeyyi biyyee keessa jiraatuu (earthworm test): https://www.youtube.com/watch?v=XU6_IqCzxf0
- Qorannoo cimmisa biyyee (qorannoo dandeettii bishaan of keessa dabarsuu) : <https://www.youtube.com/watch?v=e6VV6OU3ssA>
- Cuunfuu/jabeessanii cabbaxuudhaan ilaaluu: <https://youtu.be/5Wlu-AnMUz0?t=51>
- Koompoostii: <https://www.youtube.com/watch?v=byNnJIKRWDU>

Gaafadhu

Gaaffiawan armaan gadii yeroo gaafattu, ilaachawwan garaagaraa miseensota hawaasaa keessatti argaman hubachuudhaaf akka dandeessuf, hirmaattotaa baayyee isaanii irraa deebii gaafadhu. Dhiiroonnii fi dubartoonni loogii malee deebii akka kennanu godhi.

Gaaffiawan kunneen miseenonni hawaasaa qulqullina biyyee isaanii hagam akka beekan akkasumas qulqullina yookiin gabbina biyyee isaanii akkaataa kamiin beekuu akka danda'an ilaachisee sadarkaa hubannoo miseensota hawaasaa yeroo ammaa beekuuf si gargaaru.



- Sadarkaa qulqullina biyyee kan qonna manduubeetiif ta'uun malu ibsuu ni dandeessuu?
- Kanneen isin caqastan sadrkaa qulqullina biyyee ta'uun isaanii akkamitti beekuu dandeesan?

Yaadawwan yookiin deebiwwan kanneen akka 'biyyeen kiyya dafee bishaan of keessa dabarsa, yookiin suuta suutaan bishaan of keessa dabarsa, yeroo harkaan walitti cuunfamu booca kubbaa ni uuma yookiin hin uumu, ilbiisota lubbu qabeeyyii baayyee of keessaa qaba yookiin hin qabu, oomisha baayyee hin kenu, cirracha of keessaa qaba, jabaataa dha/suphee fakkaata, salphaatti gargae caccaba, kkf dhaggeeffadhu.

Agarsiisuudhaan Ibsi

Biyyeen gosa afur jiraachuu isaanii hin dagatinaa: Isaanis, cirracha, suphee, timaa fi kootcha jedhamuudhaan beekamu. Qonna manduubeetiif biyyeen baayyee mijataan biyyee kootichaa yommuu ta'u, cirracha dhibbeentaa 40, biyyee timaa dhibbeentaa 40 akkasumas biyyee suphee dhibbeentaa 20 of keessatti qabata. Biyyee kootichaa hin qabdan jechuun garuu qonna manduubee hojjechuu hin qabdan jechuu miti. Haa ta'u malee, fayyummaa yookiin gabbina biyyee keessanii fooyyeessuu akka qabdan isin yaadachiisa jechuu dha. Gosa biyyee kamiin lafa qonnaa keessanii irraa akka qabdan addaan baaftanii beekuun, biyyeen keessan bishaan hagam of keessa akka dabarsu, yeroo gogiinsaa bishaan hagam akka of keessatti qabatu akkasumas xaa'uummaan isaa ol'aanaa yookiin gad'aanaa ta'u isaa beekuuf baayyee isin gargaara.

Har'a biyyee keenya sirriitti beekuu akka dandeenyuuf, qorannoo biyyee salphaa gosa afur shaakalla:

1. *Qorannoo dandeettii bishaan of keessa dabarsuu*
2. *Gad fageenya baqqaana biyyee gubbaa (irra keessaa)*
3. *Qorannoo raammoo biyyee keessa jiraatuu yookiin qorannoo baayyina ilbiisota lubbu-qabeeyyii biyyee keessa jiraatanuu*
4. *Harkaan walitti cuunfuun/cabbaxuun ilaaluu*

Kana malees, sadarkaa gabbina biyyee keenya fooyyeessuuuf muuxannoowwan nama gargaaruu danda'an muraasa ni shaakalla.



Tokkoon tokkon gulantaa faana bu'uuf kan gargaaru waraqaan odeeffannoo ijoon (tip sheet) edaasa keessa jiraachuu isaa hin dagatinaa

Shaakalaaf gara dirree deemuu keessaniin dura, suursagaleewwan yookiin viidiyoo qorannoo biyyetiin wla qabatan hunda itti agarsiisi.

- Qorannoo biyyee manatti godhamuu fi kan meeshaalee hin: [Home Soil Test - No Equipment Needed](#). Smilinggardener.com (topsoil depth and live organism test)
- Qorannoo amala bishaan of keessa dabrsuu: [Soil Percolation \(perc\) Test](#). Horticultureguy.com. (Soil drainage test)
- Harkaan walitti cuunfuun/cabbaxuun ilaaluu: [Work out your Soil Type with the 'Squeeze'](#). HuwsNursery (Squeeze and feel test)

SHAAKALA

QORANNOO BIYYEE

Gulantaa I: Qorannoo biyyee baqqaana gubbaa lafaa yookiin irra-keessaa

Namoonni fedha qabeessa ta'an sadii boolla sadii iddoowwan garaagaraa sadii irratti akka qotanuuf gaafadhaa. Tokkoon tokkoon boolla sanaa bal'ina saantima 30 (inchii 12), dheerina saantima 30 (inchii 12) fi gad –fageenya saantima 30 (inchii 12) qabaachuu qaba. Tokkoon tokkoon hirmaataa biyyee boollawwan keessaa qotame sana baaldii yookiin moofaa/waraqaa adii/ keessatti naquu qaba.



Qorannoo biyyee irra keessaa: Suphee, Cirracha fi Biyyee Kooticha (bitaa irraa gara mirgaatti)



- Yeroo biyyecha qottan, qotuudhaaf ulfaataa moo salphaa ture?
- Biyyechi halluu/bifa akkami qaba?

Yoo ulfaataa fi walitti qabatee kan ba'u ta'e, yookiin yoo biyyechi daalachaa'aa ta'e harka caalmaa biyyee suphee ta'uu isaa agarsiisa. Qotuudhaaf salphaa yoo ta'e, akaksumas:

- Bifa adii daammii yoo ta'e, harka caalmaa biyyee cirraachaa ta'a
- Halluun isaa daammii gurraachaa fi salpaatti kan gargar caccabu yoo ta'e ammoo baayyinaan biyyee kootichaa ta'a

Gulantaa 2: Qorannoo amala bishaan of keessa dabarsuu



Amma qorannoo amala bishaan of keessa dabrsuu eegalla. Dandeettii bishaan of keessa dabarsuu qorachuudhaaf boollawan silaa keessaa tokko fayyadamna. Hordaa/damee mukaa qajeelaal/ boollicha keessa dhaabaa. Boollichatti bishaan guutuudhaan, muka sana irratti bakka bishaan gahe mallattoo godhaa. Yeroo lakkooftuu (timer) bilbila keessan irraa fayyadamuudhaan bishaan gad seenuudhaaf yeroo hagamii akka fudhate ilaala.

■ **Amala bishaan of keessa dabarsuu sirrii:** sa'aatii tokko keessatti saantima yookiin seentiimeetira 2.5 haga 5 yookiin inchii 1 haga 2

■ **Amala bishaan of keessa dabarsuu baayyee saffisaa:** sa'aatii tokko keessatti saantima 2. 5 yookiin inchii 2 ol

■ **Amala bishaan of keessa dabarsuu dadhabaa:** sa'aatii tokko keessatti saantima 2.5 yookiin inchii 1 gadi

Yeroo bishaan keessa gadi seenutti, gaaffiwwan armaan gaii gaafadhu:



Bishaanichi saffisaan yoo xuuxame/gad seene maal agarsiisa?

Deebiiwwan kanneen deebisuu isaanii dhaggeeffadhu: biyyeen sun cirracha baayyee qaba, waqtiiwwan roobaa gidduutti bishaan of keessatti qabachuu hin danda'u, roobaan waan dhiqamuuf, qabiyyeen albuuda isaa gad aanaa dha. Deebbiwwn kanneen akkasii hin goodamne yoo ta'e, ofii keetii caqasi.



Bishaan suuta of keessa dabarsuun, corroqa yookiin dhoqqeetti jijiiramuun maal garsiisa?

Deebiiwwan kanneen deebisuu isaanii dhaggeeffadhu: Biyyechi carraan tima yookiin suphee irraa uumamuusaa baayyee dha. Bishaan of keessatti ni qabata garuu, qilleensaaf bakka hin qabu; hojjechuudhaaf ulfaataa ta'u ni mala; albuudaan badhaadhaa ta'u ni danda'a, garuu biqiltooni albuudota isaa fayyadamuuf isaanitti ni ulfaata. Deebbiwwn kanneen akkasii hin goodamne yoo ta'e, ofii keetii caqasi.

Gulantaa 3: Qorannoo raammoo biyyee keessa jiraatuu



Haga biyyeen bishaan of keessa dabarsuu isaa eegnutti, qorannoo ilbiisota lubbu qabeeyyii/ raammoo biyyee keessa jiraatuu mee haa shaakallu. Biyyeen fayya qabeessi ilbiisota xixiqqoo fi ijaan mul'atan kanneen akka raammoo biyyee keessa jiraatuu fi rimmaa (kanneen baqqaana lafaa jala jiraatanuu fi hojjetan) baayyee of keessaa qaba. Ilbiisonni lubbu qabeeyyiin baayyee yoo keessa jiraatan, biyyeen keenya fayyalessa ta'uu isaa agrsiisa. Mee biyyee balfaa tuullaa addaa addaa sadii kan baaldiitti yookiin ammoo waraqaal/moofaatti naqame haa ilaallu. Baayina lakkofsa raammoo biyyee keessa jiraatuu/rimmaa tokkoon tokkon tullaan sanaa lakka'aa.



Raammoo biyyee keessa jiraatuu fi rimma dabalachuun ilbiisota lubbu qabeeyyii meeqa tuullaa biyyee balfaa sana keessatti arginee turre?

Mee lakkofsa baayyina giddu-galeessa raammoo biyyee keessa jiraatuu haa fudhannu: Lakkoofsa ilbiisota lubbu qabeeyyii yookiin raammoo biyyee keessa jiraatuu tokkoon tokkoon tuullaa hunda walitti ida'udhaan 3f hiraa. Deebiin isaa meeqa? Hirmaattonni deebii argametti akka hiika kennanuuf isaan deeggari:

Gabatee: Bu'aa Qorannoo Raammoo biyyee keessa jiraatuu hiikuu

Baayyina giddugaleessaa ilbiisotaa	Fayyummaa biyyee
10 fi isaa ol	Biyyee baayyee fayyalessa
6 haga 9	Biyyee haga tokko fayyalessa
5 fi isaa gadi	Biyyee rakkina qabaachuu malu: baayyee asiidaawaa yookiin alkaalawaa, xaa'oo uumamaa xiqqoo, biyyee ulfaataa (amala bishaan of keessa dabarsuu dadhabaa), keemikaalota callaa guddistuu ammaan ol kan itti naqame, garmalee walqabataa.

Mee amma biyyee baayyina wal qixxaataa qabu boollawwan sadan irraa fudhachuudhaan bakka tokkotti tuulaa (baaldii keessaatti yookiin ammoo huccuu moofaa irratti walitti qabaa). Biyyee balfaas sana sirriitt waliin makaa, biyyee wal qabataa ta'e caccabsaa, hidda mukaa fi dhagaa keessaa baasaa gataa.

Gulantaa 4: Qorannoo harkaan walitti cuunfuu



Amma ammoo qorannoo walitti cuunfuu raawwanna. Tokkoon tokkoon hirmaattotaa biyyee jiidhina xiqqoo qabu harka tokko akka qabatan godhaa (baayyee jiidhaa ta'uun hin qabu). Yoo barbaachise harka keessatti bishaan itti naqaa. Biyyee jiidhina muraasa qabu sana jabeessitanii erga walitti cuunfitanii booda harka keessan banaa.



Yeroo biyyee sana walitti cuunfitanii harka keessan deebiftanii bantan booca akkamii uume yookiin maal fakkaate?

Biiyechi booca kubbaa fakkaatu yoo uumuu dide, biyyee cirrachaati.

- Ciiracha nama quqquuqu yoo isinitti dhagahame, cirracha baayyee fi dhagaa xixiqqoo of keessaa qaba.
- Paartikiloota yookiin suudota isaa yoo ijaan sirriitti arguu dadhabdan, biyyee cirrachaa ti.
- Dhagaa xixiqqoo yoo qabaate, biyyee korata qabu dha.
- Biyyechi booca kubbaa yoo uume, horfaa ilaala. Yoo addaan caccabe (gargar baba'e), biyyee kootichaati. Biyyechi booca kubbaa yoo uumee fi:
 - Booca isaa kan hin gadhiifnee fi walitti qabataa yoo ta'e; suphee baayyina gahaa ta'e ni qaba
 - Booci kubbichaa gara booca bofaa furdaatti jijiiramuu yoo danda'e, suphee daran baayyatu of keessaa qaba
- Yoo akka saamunaa fakkaatee isinitti dhagahaame yookiin mucucaataa yoo ta'e, tima of keessaa ni qaba.

Mee bu'aa qorannoo amala bishaan of-keessa dabarsuu haa ilaallu

Mee amma gara boolla sila amala bishaan of keessaa dabarsuu biyyee qorachuudhaaf jecha bishaan itti naqneetti haa deebinu. Yeroo lakkooftuu saatii yookiin mobaayili keessaniin qabattan amma dhaabaatii yeroo hagamii akka ta'e galmeeffadhaa. Irsaasi fayyadamuudhaan, ulee ittiin safartan sana irrattii bakka amma bishaan gahetti mallattoo godhaa. Sarartuu fayyadamuudhaan, gargaarummaa ulee safartuu sana irraa safaraa. Bishaan hagamiitu yeroo hagamii keessatti biyyee keessa seene?



Saffisa fi amala bishaan of keessa dabarsuu biyyee fi gabbina yookiin qulqullina biyyee ilaachisee odeeffannoo armaan olitti kenname yaadadhaa.

Hirmaattonni bu'aawwan qoranoo kana beekuu isaanii akkasumas qoranoo kana hojii qonna manduubee isaanii irratti raawwachuudhaaf wanti isaan rakkisu yoo jiraate hubachuudhaaf gaaffiwwan armaan gadii gaafadhu.



- Waa'ee biyyee guyyaa har'aa qorattanii ilaachisee maal barattani?
- Kun maalifi barbaachisa ta'a jettanii yaaddu?
- Qonna manduubee keessanii irrattii kana raawwachuu akka hin dandeenyef maaltu isin daangessuu danda'a?



Qabiyeen barnootaa kun hirmaattonni ammaan dura leenjii eegumsaa fi itti fayyama qabeenyaa uumamaa akka fudhatanitti yaaduudhaan kan qophaa'e dha. Haa ta'u malee, miseensonni hawaasaa odeeffannoo dabalataa yoo barbaadan, waraqaan odeeffannoo ijoo edaasa keessatti argamu tokkoon shaakalaatiif qajeelfama kennuu ni danda'a.

Qorannoowwan biyyee keenyaa biyyeen fayyalessa ta'uu isaa hin agarsiisan yoo ta'e, shaakalawwan afur fayyadamuudhaan biyyee qonna manduubee keessaii fooyyessuu ni dandeessu. Hojiwwan kenneenis:

1. Koompoostii
2. Baalawwan biqiltootaa goggogaa lafa irra afuu (mulching)
3. Faltii horii shame/tortore
4. Midhaan wal jijiiranii facaasuu (crop rotation)



- Hojiwwan kanneen keessaa kamfaa durumaanuu fayyadamaa jirtu? Kanneen caqasatn maaliif fayyadamtu?
- Hojiwwan amma itti fayyadamaa hin jirre, maaliif fayyadamu dhiifatan?

Deebii isaanii sirriitti dhaggeeffachuudhaan, hojjetaan misoomaa yookiin Dadammaksituun hawaasaa maal maal raawwachuuudhaan shakaalawwan kanneen hojii irra oolchuuf akka gargaaruu dand'an addaan baafadhu.



Gochaawan/shaakalawwan kamfaa qonna manduubee keessan irratti yaalii gochuuf barbaaddu? Hojiwwan kanneen yaalii gochuu akka hin dandeenyef wanti gufuu isinitti ta'uu malu maa'i dha?

Deeggarsa oogummaa yookiin hojii/ifaajjee qindoominaa pirojektiin kun dhiyeessuu danda'u yoo jiraate dhaggeeffadhu. Dhimma saalaa itti fayyadamaa fi too'annaa qabeenyaa akkasumas baayyina hojii fi aangoo murtee kennuu wajjin wal qabatu deebii isaanii keessaa dhaggeeffadhu.



Odeeffannoo kana walga'ii itti aanu irratti galmeessuudhaaf unkaan isin gargaaru edaasa keessa ni jira.

Miseensota garee hirmaanna ho'aa gochuu isaaniitiif galateeffadhu.

WARAQAA QAJEELFAMA BU'UURAA

KOOMPPOOSTII

Koompoostii qopheessuu ilaachissee hirmaattoonni kanaan dura maal akka beekan hubannoo argachuudhaaf gaffiwwan armaan gadii gaafadhu.



- Eenyutu kanaan dura koompoostii qopheessee beeka?
- Koompoostii qopheessudhaaf maal hojjettanii turtan?

Koompoostiii jechuun wantoota uumamaa walitti makamee bososuu/tortorudhaan gara biyyee gurraacha gabbataatti jijiirame jechuu dha. Qabiyyeewan addaa addaa koompoostii hubachuudhaaf akka nu gargaarutti, mee galteewan isaa kanneen ‘magariisaa’ kan naayitiroojiiniidhaan badhaadhee fi kanneen ‘daammii/halluu bunaa’ kan kaarbooniidhaan badhaadhe jechuudhaan bakka lamtti haa goodnu.

■ Kanneen ‘daammii/halluu bunaa’ (kaarboonii baayyee ol'aanaa kan qaban): Baalawan fi marga, citaa, biqiltoota du'an, haftee midhaanii (boqqolloo, qamadii...).


■ Kanneen “magariisa” (naayitiroojiinii baayyee ol'aanaa kan qaban):

qola sootala muduraalee, baaqelaa, bolqee, ataraa, daakuu bunaa, baalota baaqelaa, shumburaa, ataraa kanneen naayitiroojiiniidhaan badhaadhoo ta'an; fakkeenyaf, ‘Gliricidia (Mother of Cacao)’, laatoo, Leucaena yokiin biqiltoota xaa'oo magariisaa kanneen akka jack bean (Canavalia species), niyaamaa (*Piliostigma reticulatum*), sanheempii (sunnhemp) fi kkf. Oomishoonni biroon qabiyyee naayitiroojiinii ol'aanaa qaban rifeensa, dabbasaa horii/bineensotaa akkasumas faltii horii foon hin nyaannee kanneen akka lukkuu, loon, fardeen, hoolota, re'oota, illeettii faa dha. **Koompoostii qopheessuudhaaf baala muka baargamoo fayyadamuun gaarummaa hin qabu.**



- Kanneen magariisa jedhaman hundi halluun isaanii magariisa ta'u dhiisuu ni danda'a.
- Biyyeen asiidawaa yoo ta'e, daaraa fi qola killee/anqaaquu xixiqqeefamee caccabe iti naqaa (Kaalshiyeemiss dabalataan itti naquu ni dandeessu)
- Foon, lafee, oomishoota horii irraa argaman (aannan, baaduu, itittuu, kireemii, dhadhaa) yookiin waan kamiyyuu zayita yookiin cooma qabu itti hin naqinaa.

KOOMPOOSTII QOPHEESSUU/OOMISHUU



Gulantaawwan qophii koompoostii: wantoota jajjaboo jala isaatti, baqqanawantota magarisa, baqqaana biyyee haphii fi bishaan obaasuu (bitaa irraa gara mirgaatti yookiin gajjallaadhaa gara oliitti).

- Suursagalee/viidiyoo: [*Black Gold: The Secrets of Compost*](#), *Garden Africa*
- Iddoo alwaadaatti /bakka nyaatni itti qophaa'u/ dhihaatu fi yoo xiqlaate burqaa bishaanii irraa meetira 10 kan fagaatu addaan baasaa.
- Bakka hanqinni roobaa jirutti, boolla ballina meetira 1 fi gad-fageenya meetira tokko qotaa.
- Kanneen daammii/halluu bunaal/ gogaa saantima 5 (inchii 2) yabbatu/furdaatu jala boollaatti naqaa.
- Baaqqaana kanneen magariisaa saantima 2 haga 3 (inchii 1). Kun gosoota wantoota magariisaa fi daammii yookiin halluubunaa isin fayyadamtan irratti hundaa'uudhaan garaagarummaa qabaachuu ni danda'a, sababiinsaa biyyeen fi biqiltoonni addaa addaa qabiyeye xaa'ummaa addaa waan of keessaa qabaachuu malanuuf. Namoonni qonna manduubee irrtti hojjetan qorannoo adeemsisuudhaan kan isaaniif caalaatti gaarii ta'e addaan baafachuu ni danda'u.
- Baqqaana biyyee haphii/qallaa itti dabalaa.
- Baqqanonni akka jiidhina godhtanutti bishaan gahaa itti naqaa. Biyyeen sirriitti jiidhina qabaachuu qaba; haa ta'u malee, bishaan baayyatee irra ciisuu hin qabu.
- Akkuma makaan daammii (halluu bunaal) fi magariisaa sassaabameen bqqaanawwan kanneen irra deebi'a.
- Yeroo hundumaa guyyaa 3 haga 4 gidduutti, akaafaa yookiin gasoo fayyadamuudhaan kaabii/tuulla sana waliin makaa yookiin soschoosaa. Walakeessa kaabii sanaa gara qarqaraa/moggaatti akkasumas qarqara isaa ammoo gara walakeessatti siqsiisaa. Yeroo yerootti soschoosuun foolii badaa akka hin godhanneef yookiin akka hin ajoofneef ni gargaara; kana malees, adeemsa bososuu/shamuu isaa ni ariifachiisa.
- Biyyeen haga tokko jiidhina isaa eeggatee akka turu godhaa.



**Wantoota
magariisa
harka 1 fi
kanneen
daammii/
halluu
bunaal/
harka 2**

- Yeroo walakkeessi isaa gara biyyee gurraacha wal gadhiisaa akkasumas urgaan gaarii qabutti jijiiramu biyyeen gabbataan/kkotichi uumamuu isaa ni agarsiisa.
- Yeroo biyyeen gabbataan gahaa ta'e qophaa'uu isaa hubattanu, lafa qonaa manduubeetti naquu ni dandeessu. Kutaa kaabii/tuulla isaa guutumaan guutuutti hin bososne yookin hin tortorre achumatti dhiisuudhaan qophii koompoostii marsaa lammataa irratti hojjechuudhaaf itti fayyadamaa.
- Horiin manaa kanneen akka saree yookiin re'ee naanotti ni gadhiifamu yoo ta'e, kaabii sana diiguu waan danda'anuuf dallaa qoraattii qabuu yookiin tooftaa kan biraafayyadamuudhaan irraa ittisaa.



Yaadachiisa eeggannoof ta'u

1. Daaraa abiddaa: baayyee alkaalaawaa fi asiidummaa biyyee kan fooyessu dha. Kanaafuu baayyee xiqqoo kaabii koompoostii sanatti naquudhaan jijjiirama koompoostii sanaa ilaala yoo dabalata barabaachise qofaa itti naquu qabdu. Daaraan ammaan ol baayyatee itti naqamu hojiwwan lubbuu qobeeyyi biyyee keessaa ni xiqqeessa yookiin ammoo ni dhorka. Biyyeen duraan dursee alkaalaawaa yoo ta'e (pii echiin isaa 7 ol yoo ta'e), daaraa mukkeen gubatanii kompoostichatti hin naqinaa.
2. Akkaataa qabaa faltii horii: Faltii horii harka qullaadhaan hin qabinaa. Faltii horii itti naquudhaan booda yeroo hundumaa harka keessaniif huccuu keessan miiccadhaa, sababiinsaa biyyee fi faltii horii keessaa wantoonni dhukkuba fiduu danda'an waan jiraachuu malanuuf.
3. Koompoostiin foolii gadee yoo godhate:
 - Bishaan amma barbaachisuun baayyachuu fi yaa'insi qilelleensaa ammoo baayyee xiqqoo ta'uu isaa agrsiisuu ni danda'a. Shooggaruu/qotuudhaan tuulla/kaabii/ isaa ol gargalchaa. Walakkeessa kaabii sanaa gara qarqaraa/ moggaatti akkasumas wantoota haaraa qarqaraa isaatti argaman ammoo gara walakeessatti siqsiisaa.
 - "Magariisa" yookiin naayitiroojiinii (qola muduraalee fi kuduraalee fi faltii horii) amma barbaachisuun ol baayyachuu isaa fi kaabiin sun wantoota daammii yookiin halluu bunaa qaban kanneen akka baalota du'oo fi kannen biroo barbaaduu isaa ni agrsiisa.
4. Kaabiin/tuullaan sun daddafee tortoruu yoo dide, naayitiroojiiniin lubbu qabeeyyi biyyee keessa jiraatnanuu fi akka inni ariifatee bososu godhaniif barbaachisu xiqlaachuu isaa mul'isa. Kanaafuu wantoota 'magariisa' dabalataan itti naqaa.

BAALOTA BIQITOOTAA BIYYEE IRRA AFUU (MULCH)



Qaamota biqiltootaa haaraa yookiin goggogaa: baala, citkaa, agadaa/jirma akka bososanuuf biyyee irraa naqamana.

- Wanttota haaraa yookiin wantoota du'oo biqiltoota irraa argaman sassaabaa: baalota, jirma/agadaa, citaa, muka ruuzii, muka boqqolloo, agadaa bishingaa
- Akka bososuuf biyyee gubbaa/irra keessa/ kaa'aa.
- Raammooleen biyyee keessaa qaamota boqiltoota afaman kanneen nyachuudhaan wantoonni uumamaa biyyeetti akka dabelman ni taasisu; lubbu qabeeyyiin ijaan hin armamen kanneen biroon ammoo albuuda biqiltootaaf barbaachisuutti ni jijiiru.

FALTII HORII



Faltii horii tortotrfame yookiin kan shame.


- Faltii horii boolla keessatti citaadhaan waliin makaa.
- Ji'a I haga 2 tursaa. Yoo foolii gadhee hin kenu ta'e, sirriitti totoreera jechuu dha. Foolii urgaa haaraa ni qabaata.
- Faltii erga sirriitti tortoree booda, biyyee baqqaana gubbaa waliin makaa. Faltiin yookiin xaa'oon bosose kun nageenya nyaataa mirkaneessudhaaf jecha facaasuudhaan dura torban lama durfamee itti naqamuu akka qabu hin dagatinaa.




Faltiin horii haaraan baayyee cimaa waan ta'eeif biqitoota ni guba, kanaafuu duraan dursee turfamuu yookiin yaalamuu barbaachisa.

MIDHAAN QONNA MANDUUBEE WAL JIJIIRANII FACAASUU

- Biqiltoonni hiddi/hundeen isaanii fi baalli isaanii nyaatamuu baayyeen isaanii qabiyeyee albuuda biyyee xiqqaan kan fayyadaman yomuu ta'an, raafuu maraa, timaatimaa fi boqqolloon naayitiroojiinii fi foosferesii baayyinaan ni fayyadamu.
- Midhaanonni naayitiroojiinii jaallatan (kan fayyadaman) midhaanota kanneen akka baaqelaa/boloqee, ochloonii, kkf yookiin kanneen xaa'oo magariisa oomishanuu beekamaniin durfamanii yookiin ammoo boodaan facafamuu qabu. Biqiltoonni kanneen naayitiroojiinii biyyetti ni dabalu. Qajeelfamoota midhaanota wal jijiiranii facaasuu ilaachisee gabatee armaan gadii ilaala.



Muduraalee fi kuduraalee waqtiiitti hundumaa bakka lafa qonna manduabee haaraa irratti facaasuun ilbiisota farra midhaaniitiin akka hin miidhamnee fi biyyeen gabbataa akka ta'uuf ni fayyada.



Qajeelfamoota Bu'uuraa Midhaan Wal Jijiiranii Facaasuu

Gosa biqilaa	Midhaan wal jijiiranii facaasuu
Shunkurtii, quellubbii	Midhaanota kanneen akka baaqelaa fi ataraa waliin wal jijiiraa facaasaa. Wantoota uumamaa bososuu hin dandeenye waliin facaasuu irraa of qusadhaa.
Kaarotii, urgooftuu, koriyaanderii (coriander) parsiniippii (parsnip)	Facaasuudhaan dura koomopoostii biyyetti naqaa. Biqiltoonni kannen baayyinni soorata isaanii giddu-galeessa ta'e biqiltoota gosa kamiin boodayyuu facaafamuu ni danda'u. Booda isaaniitiin garuu midhaanota kanneen akka baaqelaa fi ataraa facaasaa.
Raafuu maraa, raadishii (biqiltuu hundee diimaadhaan wal fakkaatu), raafuu daraaraa (ababaa goomman), muduraalee baala baayyee qaban	Waqtii duraan dursee dhufu keessatti midhaanota kanneen akka baaqelaa fi ataraa facaasaa. Muduraaleen kunneen soorata baayyee waan barbaadanuuf, facaasuudhaan dura faltii horii turfame yookiin koompoostii biyyeetti naquu abdu.
Meelonii (kuduraa dabaaqula fakkatu) iskuwaashii, dabaaqula, dabaaqula faranjii	Midhaanota kanneen akka baaqelaa fi ataraa booda isaaniitiin facaasaa yookiin xaa'oomagariisa toora gidduu kuduraawwanii irratti facaasaa.
Baaqelaa, atara boloqee adii, shumburaa, xaa'oo magariisa	Midahaanota xaa'oo oomishan kanneen haga danda'ametti midhaanota gosa hundumaan wal jijiiruudhaan facaasaa.
Boqqolloo, bishingaa boobee fi bishingaa	Midhaanota callaa kanneen kuduraalee kanneen akka timaatima, meelonii, iskuwaashii dursitanii facaasuudhaan aramaa too'achuu yookiin jiidhina biyyee eeguu qabdu.

UNKAA HOJJETTOOTA DIRREE:

FIRIWWAN/BU'AAWWAN QORANNOO NAMOOТА
QONNA MANDUUBEE IRRATTI HOJJETANUU

(Odeeffannoo yeroo walgahii garee sassaabbaadhu)

Maqaa	Qorannoo gad-fageenyा baqqaana biyyee isa gubbaa lafaa	Qorannoo amala/ dandeettii bishaan of keessa dabarsuu	Qorannoo ilbiisota lubbu qabeeyyii biyyee keessa jiraatanuu	Qorannoo Sukkuumanii yookiin Cuunfanii ilaaluu

QONNA MANDUUBEE BISHAAN HOBAASUU

Maal akka ta'e: Barumsi kun faayidaa qonna manduubee sirriitti bishaan obaasuu gabaabaatti ni ibsa. Haala ho'ina qilleensaa irratti hundaa'uudhaanis barbaachisummaa bishaan obaasuu ilaachisee gorsa bal'aa ni kenna. Kana malees, bishaan booda itti fayyadamuuf akkamitti kuusuun akka danda'amuu fi yeroo hanqinni roobaa jirutti yookiin waqtii bonaatti seenanutti bishaan muraasa fayyadamuuf filannoowwan jiran (knannen akka harkaan bishaan obaasuu, jallisi okkotee/ottee suphee) ni ibsa.

Maaliif barbaachise: Oomishtummaa guddisuudhaaf bishaan wanta baayyee barbaachisaa ta'ee utuu jiruu rakkinni argama bishaanii garuu gufuu bal'inaan beekamaa ta'e dha. Jijiiramni qilleensaa madda/burqa bishaanii iiddoo (bakka bokkaan itti roobu) fi yeroo (waqtii bokkaan itti roobu) irratti dhiibbaa guddaa geessisaa waan jiruuf, namoonni hojii qonna manduubee irratti bobba'an haala jijiirama qilleensaa kana dandamachuun danda'muun bishaan qonna manduubee isaaniitiif argachuu akkasumas itti fayyadamuu danda'uu isaanii mirkanoeffachuu qabuu.

Akkamitti raawwatama: Kutaan kun marii baayyee, odeeffanno muraasa qoodamuu qabuu fi shaakala of keessatti qabata.

<p>Karoora</p> <ul style="list-style-type: none"> ■ Midhaanonni pirojktichaan deeggaraman bishaan hagama akka barbaadan odeeffanno saassaabi. ■ Jallisii okkoteewwan suphee yoo ni agarsiifta ta'e, suphee hin silaanee biti yookiin ammoo kan tajaajila kennan yoo argaman barbaaduun qopheessi. 	<p>Meeshalee: Suphee hin silaane/gubanne kan bishaan ofitti xuuxuu danda'u, akaafaa, bishaan</p>
<p>Yeroo: Daqiqaa 45</p>	<p>Suursagalee/Viidiyoo: Jallisii Ottee/okkotee suphee: <u>Clay pot irrigation</u></p>

Gaafadhu

Gaaffiwwan armaan gadii yeroo gaafattu, ilaachawwan garaagaraa miseensota hawaasaa keessatti argaman hubachuudhaaf tokkoon tokkoon hirmaattotaa irraa deebii gaafadhu. Dhiiroonni fi dubartoonni loogii malee deebii akka kennanu taasisi. Gaaffiwwan kunneen waa'ee faayidaa qonna manduubee bishaan hobaasuu ilaachisee hubannoo miseensonni hawaasaa qaban beekuudhaaf si fayyada.



Kuduraalee fi muduraalee qonna manduubeetiif bishaan baayyinni isaa sirrii ta'e maaliif barbaachisa?

Deebiiwan bu'aawwan bishaan baay'ina sirrii ta'een wal qabatanu akkasumas miidhaawwan bishaan amma barbaachisuun olii fi amma barbaachisuun gadii dhaggeeffadhu. Fakkeenyaaf faayidaawwan bishaan baayyina sirrii ta'ee biqiltoonni oomisha kuduraalee fi muduraalee eegamu sirriitti kennuu isaanii ti. Miidhaawwan bishaan amma barbaachisuu gadii ammoo biqiltoonni coolliguu fi oomisha gad aanaa kennuu. Karaa biraatiin ammoo miidhaawwan bishaan amma barbaachisuun ol ta'ee, biqiltoota quucarsuu, tortorsuu biqitoonni haaraan akka hin biqillee dhorkuu of keessatti ni qabata.

Gaaffii kana gaafachuu fi marii jajjabeessuun booda, gara kutaa itti aanuutti darbi.

Agarsiisuudhaan Ibsi

Albuudota nyaataa sadrkaa ol'aanaa argachuudhaaf, qonna manduubee qopheessuun, itti fufsiisuu fi bu'aa irraa argachuun bishaan roobaa yookiin kan namtolchee walitti fufiinsa qabu gaafata. Haalli qilleensaa akkasumas gosni biyyee fi midhaanii bishaan hagamii obaasuu akka qabdan ni mурteessu. Haala qilleensaa gammoojjii keessa jitaattu yoo ta'ee fi waqtii roobaa ho'inni qilleensaa 20°C haga 30°C keessa qonna manduubee irratti facaftu yoo ta'e, bishaan saantima 6 haga 9 (inchii 2.5-3.5) ta'u torbanitti obaasuu qabdu. Yeroo qorraal/qabbanaa garuu biqiltoonni bishaan haga saantima 6 yookiin bal'ina quba 3 isaan barbaachisa. Yeroo baayyee ho'aa garuu biqiltoonni tornbanitti bishaan saantima 9 yookiin bal'ina qaba 4 isaan barbaachisa.



Kuduraalee fi muduraaleen qonna manduubee keessanii bishaan gahaa argachaa jiraachuu isaanii akkamitti beekuu dandeessu?

Miseensonni hawaasaa biqiltoonni isaanii bishaan gahaa argachaa jiraachuu isaanii akkamitti akka hubatan sirriitti dhaggeeffadhu. Yaadota muraasa armaan gadii yoo isaan utuu hin caqasin hafan, isaaniif qooduu ni dandeessa:

- *Biqilaan kunis goguu eegaluu isaatiin dura kan coolligu/laabba'u dha.*
- *Bishaan obaasuudhaan dura harka keessanii biyyee qabaa ilaala; jiidhaa yoo ta'e, biqiltuun sun bishaan gahaa qaba jechuu dha. Yoo gogaa ta'e garuu yeroo itti bishaan obaasuu qabnu ta'uu isaa agarsiisa.*

Bishaan gahaa ta'e jiraachuu isaa mirkanoeffachuudhaaf, qonni manduubee keessanii waqtii roobaa keessa ta'uu qaba. Haa ta'u malee, yeroon roobni itti hin argamne yoo jiraate, midhaanota qonna manduubee keessanii bishaan obaasuun barbaachisaa dha.



Roobni yeroo hin jirretti, bishaan qonna manduubee keessaniitiif fayyadamtan eessaa argachuu dandeessu? Bishaan qonna manduubee keessanii irratti fayyadamuudhaaf wanti gufuu isinitti ta'u jira?

Waa'ee itti fayyadama maddawan bishaan nanno kanneen akka malkaa fi bishaan lagaa qonna mandubeetti dhihaatanii argman yookiin ammoo muuxannoo bishaan bokkaa kuusuun itti fayyadamuu isaanii beekuudhaaf sirriitti dhggeeffadu.



Waqtii roobaas ta'ee yeroo roobni hin jirretti qonna manduubee keessanii bishaan obaasuun yoo isin barbaachise, harkaan obaasuudhaaf muuxannoo gaarii dha kan jettanii yaaddan maalfaa dha?


Kanneen armaan gadii dhaggeeffadhu:

- Ganama obaasuu.
- Gingilachaa afaan isaa irra jiru fayyadamuudhaan yookiin ammoo quba keenya afaan isaa irra kaa'uudhaan, bishaan baaldii guute keessaa suuta jechuudhaan hundee biqilaatti naquu.
- Bishaan yeroo corroqa ta'u, biqila sana dhiisaatii biqila biraa darbaa obaasaa. Yeroo xiqqoo booda itti deebi'uudhaan guutumaan guutuutti obaasuun xumuraa.
- Dhabee biqiltootaa hir'isuudhaaf, baala biqiltootaa hin jiisinaa, sababiinsaa dhiveewwan baayyeen jiidhinaan qabatanii waan dhufanuuf. Baala biqiltootaa jiisuun dirqama yoo isin barbachise ammoo ganam obboroo obaasaa.
- Baalota biqiltootaa yookiin marga googgogaa saantima 5 haga 7.5 (inchii 2 haga 3) irra hafuudhaan jiidhinni lafa keessa akka turuu fi hiddi biqila qabbanaa'aa akka ta'u taasisaa.
- Bakka wal hormaata bookee busaa dhabamsiisuuf jecha, bishaan eela/haroo akka hin uumne eeggannoo godhaa.



Fakkii jallisii ottee/okkotee suphee armaan gadii itti agarsiisi. Midhaanota keessaniif bishaan jallisii fayyadmaudhaaf okkotee/ottee suphee fayyadamatani beektuu? Fayyadamtani beektu yoo ta'e, muuxannoo keessan nuuf qoodaa.

JALLISII OKKOTEE SUPHEE



Jal'isii okkotee suphee hin silaa'in yookiin hin gubatin kan biyyee keessa awwalame fayyadamuudhaan raawwatamu.

- Suursagalee/Viidiyoo itti agarsiisi: [Buried terracotta pot irrigation](#). Green Urban Living.

Jal'siin okkotee suphee, okkotee hin siila'in naannotti argamuu danda'u kan naannawaan isaa saantima yookiin seentiimeetira 25 (inchii 10) ta'e fayyadamuudhaan hojjetama. Okkoteen suphee kun lafa keessa erga awwalamee booda bishaan itti guutama. Kana booda suphechi karaa qaawwaa xixiqqoo qaama isaa irratti argamuutiin bishaan suuta suutaan of keessa dabarsuudhaan gara hidda biqiltootaa itti dhihoo jiranii ni deema. Qorannoon akka mul'isutti, tooftaan kun hojii bishaan hobaasuu haga dhibbeentaa 50 hir'isuu ni danda'a. Okkotee suphee fayyadamuudhaaf gulantaawan afurtu jiru. Gulantaawan armaan gadii akka fakkeenyatti bakka agrsiisa dirreetti isaanitti agarsiisi.

Gulantaa 1: Sanyii facasuudhaan dura, suphecha afaan isaa mul'isuudhaan lafa keessa awwalaa. Qaamni okkotee sanaa baayyinaan yoo mul'ate garuu biyyee itti kaabuudhaan biyyeen faayidaa argachuu qabu akka hin dhabne mirkaneessaa.

Gulantaa 2: Suphee sana bishaan qulqulluu yookiin bishaan tajaajila kennee hafeen guutaa. Bishaan tajaajila kennee hafe yoo fayyadamtan qaama biqiltootaa nyaataa of oolan hin tuqsiisinaa.

Gulantaa 3: Hurka ittisuudhaaf, biyyeen yookiin bineensonni xixiqqoon akka keessa hin buune dhorkuudhaaf akkasumas bineensonni bishaan akka keesaa hin dhugne gochuudhaaf, suphecha qadaadaa. Dafee bososuu waan danda'uuf, qadadda muka irraa hojjetame hin fayyadaminaa.

Gulantaa 4: Bishaan saffisa hagamiitiin akka xuuxamaa jiru hordofuudhaaf, ulee mukaatiin fayyadamaa. Bishaan suphecha keessa jiru walakkaa yoo ta'e, irra deebi'aa itti guutaa.

Okkotee suphee naannoona/mudhiin isaa seentiimeetira 25 (inchii 10) bal'atu, keessaa bishaan maddu suphee sana irraa ka'uun haga saantima 45 yookiin inchii 18 gahee biyee jiisuu danda'a. Shaakala agrsiisa dirree irratti qonna manduubee siree olka'aa ni hojenna yoo ta'e garuu ijaarsa manduubee keenyaa keessatti jallisii okkotee suphee ni daballa.



Waqtii qonna manduubee kana keessatti tarkaanfiiwan akkamii fudhachuudhaan qonni manduubee keessan bishaan walitti fufiinsaan akka argatu mirkaneessitu?

Deeggarsa oogummaa yookiin hojii/ifaajjee qindoominaa pirojektiin kun dhiyeessuu danda'u yoo jiraate dhaggeeffadhu. Dhimma saalaa itti fayyadamaa fi too'annaa qabeenyaa akkasumas baayyina hojii fi aangoo murtee kennuu wajjin wal qabatu deebii isaanii keessaa dhaggeeffadhu.

Hirmaanna ho'aa gochuu isaaniitiif miseensota hawaasaa galateeffadhu.

BARNOOTA 5 (KUTAA A FI B)

GOSOOTA QONNA MANDUUBEE FILATAMAN

Maal akka ta'e: Karoorri barumsaa kun hojiwwan qonna manduubee eessatti qopheessuun/ijaaruun akka ta'u murteessuudhaaf akkasumas odeeffannoo waa'ee gosoota qonna manduubee afran gareewan madda galii ittiin jirenyaa keetiif quoduu dandeessu ilaachisee qajeelfama kennuudhaaf si gargaara. Karoorri barumsaa kun kutaa lama qaba. Kutaa 'A' keessatti, miseensonni garee madda galii ittiin jirenyaa waa'ee gosa kamii barachuuf murteessuu akka danda'anuuf jecha, waa'ee bu'aawwanii fi hanqinoota tokkoon tokkoon gosa qonna manduubee irratti xiyyeffanno ni godhama. Kutaa 'B'n ammoo shaakala waa'ee ijaarsa yookiin qophii gosoota qonna manduubee irratti xiyyeffata.

Maaliif barbaachise: Qonnawwan mnduubee gosa baay'eetu jiru. Gosni qonna manduubee filatame argamaa fi qulqullina/gabbina lafaa, argama bishaanii, humna namaa, argama qabeenyawwanii fi meeshaalee akkasumas midhaanota oomishamu malan irratti hundaa'a. Qonna manduubee gosa sirrii filachuun qabeenyawwan jiran akka gaariitti fayyadamuudhaaf akkasumas oomisha/callaa guddisuudhaaf ni gargaara.

Akkamitti raawwatama: Waa'ee bu'aawwanii fi hanqinoota tokkoon tokkoon gosoota qonna manduubee irratti ibsa gabaabaan erga kennamee booda, gareewan madda galii ittiin jirenyaa waa'ee gosa qonna manduubee kamii barachuun akka qaban ni murtessu. Kutaan barumsaa kun dhuma barnoota 3 irratti raawwatamu ni danda'a. Kutaa 'B'n bakka gaarii naannoo mana jirenyaa keessanii keessaa qonna manduubee qopheessuudhaaf kan ta'u murteessuuf qajeelfama isin gragaaru isiniif kenna. Isa booda, miseensonni hawaasichaa qonnawwa manduubee agarsiisaaf ta'an walii wajjin ni ijaaru.

Karoora

Gareewan amadda galii ittiin jirenyaa gosa kamiin akka hojjatanii agrisiisaan murteessuu akka danda'anuuf isaanii waliin hojjechuun waan si barbaachisuuf, karoorri barnootaa kun kutaa lamatti quodamee jira. Kanaafuu galteewan gosoota qonna manduubee kanneen ijaaruuf gargaaran yeroo walghiin godhamuutti qophaa'uu qabu. Kuataa 'A' dhuma barnoota 3 irratti eegaluu danda'u kee yookiin ammoo yeroo walghiin biraa isin barbaachisuuf isaa murtessi.

Kutaa 'A' keessatti hojjettooni misoomaa (Dii'eewan) yookiin dadammaqsitoonni hawaasaa (Sii'eewan) bu'aawwanii fi hanqinoota gosoota qonna manduubee afran beekumsa haalawwan naannoo bu'a qabeessummaa isaanii murteessuu danda'an waliin wal qabsiisuudhaan miseensota garee madda galii ittiin jirenyaatiif dhiheessuu qabu.

Miseensonni hawaasaa qonna manduubee gosa kamiin akka hojjatanii agarsiisanu akkasumas isa kamin ijaaruudhaaf akka gahumsa qaban Dii'ee yookiin Sii'eett ibsuu qabu.

Guyya leenjii yookiin walghiit itti aanu keessatti Dii'ee yookiin Sii'een waa'ee gosoota qonna manduubee miseensota hawaasaatiin filatman qofaa barsiisuu qabu.

Karoora

Bakka hirmaattonni itti qonna manduubee hoijetan qopheessaa. Qonni manduubee gosa addaa addaa akkamitti akka qophaa'an ifatti agarsiisuudhaaf akka ta'utti, meeshaaleen barbaachisoo ta'an leenjii eegaluun dura bakka yaaliitti argamuu qabu.

Guutummaa guyyaa keessatti bakka aduu argatuu fi bakka gaadisa qabu addaan baasuudhaaf, barnoota kana barsiisuu keetiin dura dirree yaaliin ijaarsa qonna manduubee irratti godhamu daawwadhu. aduu eessa akka buufatuufi.

Yoo argame meeshaalee barbaachisoo qindeessuun/qopheessuun suursagalee/viidiyoo/ akka deeggarsaatti yaadamee kenname itti agrsiisaa. Yoo hin mijanne garuu qajeelfamoonni wal duraa duubaan tokkoon tokkoon gosa qonna manduubee akkamitti akka hoijetaman agrsiisanuu fi fakkenyonni qonni manduubee maal akka fakkaatu agrsiisanu dhihaatanii waan jiranuuf, isaan fayyadamuun ni danda'ama.

Yeroo

- Kutaa 'A': Seensa barnootichaatiif, daqiqaa 30.
- Kutaa B: Tokkoon tokkoon qonna manduubee ijaarrudhaaf sa'atii 2 haga 3 fudhachuu akka danda'u tilmaamaa.

Viidiyoo/suursagalee

- [Double Digging](#) (Yeroo lama qotuu). Nicholas Heyming,
- [Double Digging](#) (Yeroo lama qotuu). Peace Corps Senegal.
- [Biointensive planting - The triangle method](#) (Tooftaa bifa rog-sadeen facaasuu). Smilinggardener.com
- [Keyhole garden](#) (Qonna manduubee qaawwaa furtuu). CRS

Meeshaalee

Jallisi akkotee suphee ni fayyadamtu yoo ta'e, yoo xiqlaate okkotee suphee naannoonaanisaanii saantima 25 ta'u qadaadaa isaa wajjin qopheeffadhaa. Miidhanota uumamaan bishaan baayee barbaadanuuf okkotee suphee guddaa fayyadamaa.

Siree/Madabii olka'aa (Raised bed): Waan booca roga-afuree qabu (fakkeenyaaaf waraqa A4) akaafaa, qulqulleessituu ilkaan sibiila qabdu, xaa'oo uumamaa (baalawan, marga/citaa, kompoostii, daaraa, dhoqqee/faltii horii), mukkeen 4, gasoo yeroo lammaffaa shooggaruuf gargaaru. Mukkeen qaqlalla sadii bifa rog-sadeetiin facaasuuudhaaf fayyadan (Δ).

Qonna manduubee boollataa/dhidhimaa (Sunken-bed garden): Akaafaa, xaa'oo uumamaa (baalawan, marga/citaa, kompoostii (daaraa, dhoqqee/faltii horii)), mukkeen 4, gasoo yeroo lammaffaa shooggaruuf gargaaru.

Qonna manduubee qaawwaa furtuu (Keyhole garden):

- Blookkeetii/xuubii dhoqqee irraa hoijetaman (giddu-galeessaa haga gurguddaatti jiru, garuu abooteedhaa gadi ta'uun hin qabu).
- Akaafaa/shooggartuu/gasoo
- Marga/citaa shaatii/kaloo (basket) giddu-galeessaatiif gargaaru
- Dameewan mukaa xixiqqoo
- Faltii/dhoqqee horii—karolloaa (gaarii harkaan hofamu) 10 haga 20 (faltii/dhoqqee horii yoo baayyinaan oomishnis/callaanis haguma sana guddata).
- Daaraa mukaa karolloaa 3 haga 4
- Biyyee, karolloaa 10 haga 20
- Sibaagoo yookiin finyoo meetira 10 (kophee 33).

Qonna manduubee dhaabbataa (Permagarden): Waan booca roga-afuree qabu (fakkeenyaaaf waraqa A4) akaafaa, qulqulleessituu ilkaan sibiila qabdu, xaa'oo uumamaa (baalawan, marga/citaa, kompoostii, daaraa, dhoqqee/faltii horii), funyoo/sibaagoo, mukkeen 4, gasoo yeroo lammaffaa shooggaruuf gargaaru. Mukkeen qaqlalla sadii bifa rog-sadeetiin facaasuuudhaaf fayyadan.

KUTAA A

Gaafadhu

Gaaffiiwan kanneen armaan gadii yeroo gaafattan, qonna manduubee ilaalchisee ilaalchawwan garaagaraa miseensota hawaasa keessa jiran hubachuudhaaf hirmaattota baayyee irraa deebii gaafadhu. Dhiirrii fi dubartooni qonna manduubee irratti hoijetan deebii akka kennanuuf wal qooddaa malee carraa kennaafii. Gaaffiiwan kunneen yeroo ammaa eenyufaan qonna manduubee hojjechaa akka jiranii fi maaliif akka hojjechaa jiran akkasumas namoonni biroon maaliif haga ammaatti akka hojjechuu hin jalqabne hubannoo argchuudhaaf ni gargaaru.



- Kanneen qonna manduubee qabdan, maaliif qonna manduubee irratti hojjechuuf murteessitan?
- Akkasumas, kanneen qonna manduubee hin qabne ammoo maaliif haga ammaatti akka hin qabaanne gaafadhaa?

Deebii isaanii sirriitti dhaggeeffadhu; yoo gufuwwan yookiin rakkowwan isaan kaasan karaa leenjii fi/yookiin deeggarsatiin deebii argachuu ni danda'a ta'e, yaadanno qabachuudhaan kutaa leenjii itti aanu irratti akkamitti akka furmaata kennitu itti yaadi.

Agarsiisuudhaan Ibsi

Qonnawwan mnduubee gosa baay'eetu jiru. Gosni qonna manduubee filatame argamaa fi qulqullina/gabbina lafaa, argama bishaanii, humna namsa, argama qabeenyawwanii fi meeshaalee akkasumas midhaanota oomishamuu malan irratti hundaa'a. Qonna manduubee gosa sirrii filachuun qabeenyawwan jiran akka gaariitti fayyadamuudhaaf akkasumas oomisha/callaa guddisuuudhaaf ni gargaara. Gosa qonna manduubee kamiin barachuu akka qabnu muerteessuuudhaaf, tokkoon tokkoon gosa qonna manduubee sirriitti ilaaluudhaan yeroo barnootaa itti aanutti gosoota kamiin akka ijaaruu qabnu filachuudhaaf sagalee kennuu qabna. Kana malees, gosoota qonna manduubee walii wajjin ijaaruudhaaf, akkamitti meeshaalee ijaarsaaf barbaachisan akka sassaabnu irrattis murteessuu qabna.



Gubbaa harka bitaa: Qonna Manduubee Siree Olka'aa. Suura: [Terrie Schweitzer \[CC BY-NC-SA 2.0\]](#). Gubbaa harka mirgaa: Qonna Manduubee Siree Dhidhima/Boollataa. Suura: Siyaarres Gajjalla harka bitaa: Qonna Manduubee Qaawwaa Furtuu. Suura: Siyaarres Gajjalla harka mirgaa: Qonna Manduubee Dhaababtaa. Suura: Toomaas Kool

 Yeroo waa'ee tokkoon tokkoon qonna manduubee ibsituu, fakeenyota fakkiiidhaan deegarmannii kennaman itti agrsili.

Gabatee: Gosoota Qonna Manduubee

Gosa qonna man-duubee	Haala qilleensaa/bakka / faayidaa	Hoji humnaa barbaachisu	Maddeen/ burqaawwan bishaanii	Midhaanota mijatoo	Meeshaalee	Faayidaawwan	Hanqinoota	Bai'ina Ifafaa
Gonna Manduubee Siree OI Karaa	Ijaaruudhaaf dhammaatti yookiin ifaajjee giddugal-eessa ta'e gaafata. Itti fuusiiuuudhaaf salphaa dha Aramaan baayyee miti.	Amala bishaan of keessa dabarsuu gaarii qaba. Haa ta'u malee, waqtii bonaatti, deddeebisanii bishaan hobiaasuu barbaachis-uu ni mala.	Biqilitoonni baayyeen haala gaariidhaan gud-datu, garuu bi-qittooni hidda baayyee gad hin fageeffanne kanneen akka kuduraa, biqilitoota baalaa fi goraa caalaatti ni filatamu. Biqilitoonni hiddaa hidqaa gur-gud-doon kanneen biqilitoota biroo irratti hirkatan bakka bal'aa fudhatu; haa ta'u ma-lee, muk-keen akka deeggaranuuf jala dhaabaman bakka quasachuudhaaf ni gar-gaaru.	Fireemonni hin barbaachi-sanu. Fireemii fayyada-muun yoo barbaachise garuu, koonkiritii, bi-lookketii, dhagaq keeshaa laayloonii, fi klf irraa ho-jjechuun ni danda'ama. Mukfa fayyadamuu gaarii hin ta'au, sababiinsaa akka salphaatti waan bo-sosuf. Kana malees, summaa aad ta uu waan danda'uuuf gommaa fayyadamuu hin ta'u.	Guddinni yookiin bayyinni huma namaa jiru fi bak-kaa qabachuu akka danda'autti yaadame nama qonna manduubee hoijetu sanaan murtaa'uu qaba.		May be physically appropriate for those with disabilities.	Xiqqaa/giddu-galeessa
Gonna Manduubee Dhidiimaa/Boollataa	Bakka gog-insa qabu, Waqtii bo-naa, bakka biqilituu itti qophees-suudhaan bakka dhaa-ban	Jidhinsa of keessa tursuuf ijaaruudhaaf dhammaatti yookiin ifaajjee giddugaleessa barbaada. Bira gahaanii irratti ojjechuun dirqama waan taleef, namoota hir'in qaamaa yookiin dhuk-kuba cima qaabanuuf rak-kisaa dha.	Midhaanota hundeen isaanii nyaatamu kan-neen sirriitti guddchuudhaaf lafa keessa gadi fagaachuu isaan barbaachisu irraa kan hafe midhaanota hundumaaf mijatataa dha.	Wantoota uumamaa/koompoostii	Fayyummua biyyee iddootti deebisu-udhaaf ni gargaara akkasumas haalaa qilleensaa ho'aa keessatti hidda/hundee biqilitootaa ho'ina irraa ni ittsa.	Iddoowan lolaa fi rooba cimaadhaaf saaxila bahaniif yookiin biyyee amala bishaan of keessa dabar-suu gad aanaa qabuuf mijataa miti	Kana malees, lolaan naamnoo isattti lo'a'u siree sana guutuu ni mala.	Xiqqaa/giddu-galeessa

Gosa qonna man-duubee	Haala qilleensaa/ bakka / faayidaa	Hojii humnaa barbaachisu	Maddeen/ burqaawwan bishaanii	Midhaanota mijato	Meeshaalee	Faayidaawwan	Hanginoota	Bal'ina lataa	
Haala qilleensaa baddadaree; waqtii bona; bakka kattaa/ dhagaa qabuu fi qotuudhaaf ufaataa ta'e, yookiin lafa gabbina hin qabne, Bakka mu-raasa	Meeshaalee baayyee waan barbaachisuuf, ijaaruudhaaf dadhabbii yookiin ifaajjee gidduga-leessaahaga dadhabbii cimaa barbaada. Haa ta'u malee itti fufsuisudhaaf salphaa dha.	Jidhinsa of keessa tursuuf yaadamee kan qophaa'e dha. Bishaan tajaajila ken-nee hafe ni fay-yadama.	Dhagaa, faltii horii, daaraa, marga yookiin baalota gog-aa fi magariisa akkasumas xaa'o'o kanneen biroo guuboo keessatti walitti qabaman.	Namoota hir'ina qaamaa qabanuf mijataa ta'u ni mala.	Fedhiwwan itti fayadama maatii tok-koo giutu-udhaaf qonna manduubee qaaw-waa furtuu baayyee ijhaaruu bar-baachisuu ni mala. Meeshaalee tokko tokko arga-chuudhaaf rak-kisea ta'u ni mala.	Xiqqaa			
Gonna Manduubee Grawwaa Furtuu									
Waqtii hunda, garruu addu-maan waqtii bonaaf ni mijata		Ijaaruudhaaf dadhabbii yookiin ifaajjee gidduga-leessaahaga dadhabbii cimaa barbaada sa-babiinsaa ijaarsa isatti xiyyeef-fannooguddaan waan godhamuut Akkasumas, itti dhiheenyaaan hordoffii go-chuu waan barbaaduuf, itti futsiisuu am-moo dadhabbii giddigaleessaa gaafata.	Jidhinsa of keessa tursuuf fi lola ittisuudhaaf yaadamee kan qophaa'e dha.	Gasoo, meencaa/gaijarr: xaaesa bishaan ittin nobaasan 4, meeshaa faltii horii ittin baatan, daaraa, kkf, qarxiili duuwaa 4 kan sanyiin boqolloo itti naqamu (kiloo-giraama 100), faltii horii, daaraa ibiddaa, daakuu cilee. Jaarkaanii bishaanii 6 haga 8; meeshaa faltii horii fi baalawwan ciccitanii bishaan iratti safaaan qabachuudhaaf ta'u, meeshaalee dallaa/ kelaa ijhaaruf ta'an, mismaara (kiloo giraama 1); gaddu-umii, sibaagoo, ujummoo	Hanginoota bijyee fi bishaaniiif furamaata ta'uudhaaf yaadamee kan qophaa'u dha. Siritti yoo qophaa'e yookiin ijaaame, bakka hanqina roobaa jiruttiyuu itti fayadama bijyee fi bishaanii mijataa ni taasisa.	Giddu-galeessa/bal'aa			

Egaa amma gosoota qonnaa manduubee afur naannawwa kanaaf fayyadan gabaatti barannee jirra. Suura gosa qonna manduubee tokko itti agrasiisuudhaan miseensonni garee harka baasanii yeroo walghaaf fedha isaanii akka ibsanuuf gaafadhu. Lakkoofsa namoota fedhii isaanii ibsanii galmeeffadhu. Tokkoon tokkoon gosoota qonna manduubeetiif akkasuma godhi. Baayyina sagalee kennamee irratti hundaa'uudhaan, yeroo walghaaf itti aanutti gosa qonna manduubee kam ijaaruun akka ta'u murteessi. Qonna manduubee kanneen ijaaruun yeroo dheeraa akka barbaadu hirmaattota yaadachiisi. Yeroo dheeraa itti wal arguun danda'amu addaan baasi beellami.



Akkaataa uumama garee irratti hundaa'uudhaan, miseensonni garee gosa qonna manduubee kamiin kutaa itti aanutti barachuu akka barbaadan filachuudhaaf akkamitti akka isaan raawwachiistu murteessi.

KUATAA B

Barnoota keenya isa darbe keessatti, gosoota qonna manduubee tokko tokko akkamitti akka ijaaruu qabdan barachuudhaaf murtessitanii turtan. Har'a ammo gosoota qonna manduubee kanneen ijaarree agarsiisuudhaaf walii wajjin hojenna.

Agarsiisuudhaan Ibsi

Qonna manduubee tokko ijaaruudhaan dura, iddo man a jirenyaa keessanitti dhiyoo ta'e addaan baafachuudhaan qonna manduubee tokko yookiin isaa ol ijaaruu isin barbaachisa.



Qoanna manduubee keenya essatti akka ijaarru murteessuudhaaf maalfaa xiyyeffanno yookiin ilaalcha keessa galchuu qabna?



Miseensota hawaasaa irraa dhaggeeffachuudhaan akkasumas dhimmoota ijoo irratti mariyachuudhaan booda, Sii'ee/Dii'een hirmaattota gara ooyiruu abbaa warraa tokkoo yookiin lamaatti geessuudhaan lafa sirrii qonna manduubee ijaaruudhaaf ta'u addaan baasuu ni danda'u.

Qabxiwwan armaan gaditti tarreffaman hirmaattonni ni kaasu yoo ta'e, sirriitti qalbeeffachuun dhaggeeffadhu. Miseensota hawaasa kunneeniin yoo caqasaman, waan isaan goodan irratti akkasumas qabiyyeewan armaan gadii irratti hundaa'uudhaan gad fageenyaan ibsaa. Qabxiwwan yoo yeroo marii hin tuqamin hafan, miseensota hawaasaa waliin ta'uudhaan dhuma marii irratti kaasaa.

 **Carraa aduu argachuu:** Biqiltoonni addaa addaa baayyina aduu garaagaraa isaan barbaachisa. Kanaafuu, namni hojii qonna manduubee hojjetu iddoowan addaa addaa filannoo aduu midhaanota garaagaraatiif mijataa ta'e addaan baasuu qaba.

- Aduu guutuu (saatii 6 haga 8): Kuduraan baayyeen keessumaa kanneen free qaban akka barbaree/mixmixxa, timaantimaa fi baaqelaa sirriitti caallaa kennuuf yoo xiqaate aduu sa'atii 6 isaan barbaachisa.
- Aduu gartokkee (aduu ganamaa ganama wajjin): kaarotii fi hunde-diimaa (dindaa)
- Aduu gartokkee: salaxaa

 **Bubbee:** Naannichi bubbee cimaa yoo qabaate, namni qonna manduubee irratti hojjetu iddo uumamaan bubbee ittisuuf mijatu filachu yookiin ammaao tooftaawan ittisa bubbee nam-tolchee ta'an fayyadamuu qaba.

 **Fageenya bishaan irraa:** Bishaan baachuudhaaf/geejjibuudhaaf ulfaataa waan ta'eef, qonna manduubee bishaanitti dhiheenyatti hojjechuun filatamaa dha. Kana malees, qonni manduubee rooba akka argatu gochuunis ni fyyada.

 **Fageenya mana jirenyaa irraa:** Qonni manduubee mana jirenyatti dhiheenyatti argamu supha/eegumsa salphaa ni taasisa, yeroo bishaan barbaachisuu ilaaludhaaf salphaa ni taasisa akkasumas ilbiisota farra midhaanii fi dhukkuboota too'achuu salphaa ni taasisa. Kana malees, guyyaa guyyaatti soorataaf qopheessuu salphaa ni taasisa.

 **Bal'ina:** Miseenonni hawaasaa kunneen yeroo jalqabaatiif qonna manduubee irratti kan hojjetanu yoo ta'e, xiqaas irraa eegaluu qabu. Kunis muuxannoo akka horatan gochuudhaan qonni manduubee isaanii nyaata hagamii akka kennu danda'u fi hojii humnaa fi galteewan hagamii akka barbaachisu hubachuudhaaf isaan gargaara. Ittiin jalqabuudhaaf bal'inni gaariin meetira 4 x meetira 4 (kophee 13 x kophee 13) ti. Dheerina akaafaatti gargaaramuudhaan, hojjetaan misoomaa yookiin dadammaqsituun hawaasaa (CA) lafa xiqaas (meetira 4 x 4) tti mallattoo gochuun addaan baasuu ni danda'u. Qonni manuubechaa sireewan baayyee of keessatti qabachuu kan danda'u yommuu ta'u, sireewan kanneen guutummaa lafa qonna manduubee irratti tamsa'uudhaan iddoowan argaman ni qabatu akkasumas biqiltoota aduu jaallataniif fi biqiltota gaaddisa jaallataniif filannoowan addaa addaa ni kenuu.

SHAAKALA

QONNA MANDUUBEE EESSATTII FI KALLATTII KAM IRRATTI AKKA IJAARTANU ADDAAN BAAFADHAA

Dirree agarsiisa shaakala ijaarsaa irratti, miseensonni hawaasaa gulaantaawwan kanneen armaan gadii tokko tookko hordofuudhaan ijaarsa qonna manduubeetiif akka isaan gargaaru taasisi.



Barnoota kana barsiisuu keetiin dura, bakka agarsiisa ijaarsa qonna manduubeetiif filatame sana ganama sa'aatii 3 haga 4tti akkasumas waaree booda saatii 9 haga 10tti deemtee ilaaluudhaan bakka aduu sa'aatii 6 haga 8 argachuu danda'u, akkasumas bakka gaaddisa argachuu danda'u addaan baasi. Gulanataa 1 booda, bakka aduu yookiin gaaddisa argatu ilaachisee daawwannaa kee irraa maal akka baratte miseensota hawaasaa sanatti beeksisi.

Gulantaa 1: Gaafadhu: *Kutaa lafaa gara kamtu amma aduu yookiin gaaddisa qaba?*

Aduu fi gaaddisni wantoota lafa irratti yookiin cinatti argaman irratti hundaa'uudhaan bifa garaagaraatiin lafa irratti mul'atu. Mukkeen yookiin gamoon dhedheeraan lafa sana irratti yookiin cina isaatti ni argamu yoo ta'e, wantoonni akkasiif lafa sana irratti gaaddisa uumuu ni malu. Naanno qonna manduubee keessaniitti midhaanota jirma/agadaa dhedheeraa qaban kanneen akka boqqolloo yoo facaastan, gara boodaatti gurguddatanii gaaddisa lafa sana irraa buusuu danda'u. Aduu fi gaaddisni guutummaa guyyaa keessatti wal jijiiruudhaan ni mul'atu, kanaafuu, aduun yookiin gaaddisnai akka ganama akkasumas galagala essa akka buufatu addaan baafadhaa. Kuduraa fi muduraan midhaanota aduu jaallatan ta'uun isaanii hin dagatinaa; kanneen gaaddisa jaallatan baayyee xiqqoo dha.

Gulantaa 2: Gaafadhu: *Qonna manduubechaatiif kan ta'u burqaan bishaanii eessatti argama?* Bishaan ofii qabu yoo ta'e, qonna manduubee burqaa bishaan sanaatti dhiheessuudhaan hojjechuun barbaachisaa dha. Ofii ooyiruu isaanii irraa hin qaban yoo ta'e garuu akkamitti akka geejjibuu danda'an dursanii itti yaaduu barbaachisa.

Gulantaa 3: Gaafadhu: *Guutummaa wagga keessatti, bubbee cimaa qonna manduubee keenya irratti dhiibbaa fiduu danda'a jedhamee nama yaaddessuu danda'u ni jira?* Ni jira yoo ta'e, gaafadhu: Qabiyyee lafaaa sana irraa bakki uumamaan bubbee hir'isuudhaaf ta'u ni jira? Hin jiru yoo ta'e garuu namni qonna manduubee hojjechuu fedhu tokko waa'ee kellaayookiin dallaa bubbee ittisuu danda'uu duraandursee itti yaaduu qaba.

Gulantaa 4: Gaafadhu: *Kutaa qabiyyee lafa sanaa kan ta'ee fi horii manaa fi andaaqoon kan seenuu danda'an ni jira?* Ni jira yoo ta'e namni qonna manduubee irratti hojjetu sun akkamitti qonna isaa beellada irraa akka eegu dursee itti yaaduu qaba.

Gulantaa 5: Carraa aduu argachuu, argama bishaanii, haala bineellada manaa, baayyina qabiyyee lafaa, baayyina namoota qonna manduubee irraa bua'aa argachuu malanuu akkasumas argama humna nammaa illaalcha keessa galchuudhaan, akkas jedhii gaafadhu: Qonna manduubee hagamiitu ijaaramuu qaba? Namoonni yeroo jalqabaatiif qonna manduubee irratti bobba'anu xiqaalaa irraa jalqabuudhaan suuta suutan babal'isuu akka qaban hirmaattota yaadachiisi.

Gulantaa 6: Rogawwan ijaarsa qonna manduubeetiif ta'an addaan baasuudhaaf, ulee mukaatiin yookiin chikaalaan mallattoo godhi. Qabiyyee lafaa tokko irratti qonawwan manduubee xixiqqoo baayyeen hojjetamuu akka danda'u hin dagatinaa.

Qonna manduubee keenyaaf eegumsa gochuu

Akkuma ooyiruu qonnaa keenyaa isa kaanii qonni manduubee keenyas eegumsa isa barbaachisa. Qonna manduubee keenya ilbiisota farra midhaanii fi dhukkuboota irraa ittisuu ilaachisee bal'inaan barnoota keenya isa itti aanu keessatti ni baranna; har'a garuu qonna manduubee keenya guyyaa ijaaruu eegallee kaasnee akkamitti eeguu akka dandeenyu kan nu gargaaru qaphxiwwan muraasa irratti mariyanna.



Guyyaa jalqaba ijaarree kaasnee qonna manduubee keenya dhukkuboota/ dhibeewwan irraa eeguudhaaf maal gochuu dandeenyaa?

Odeeffannoowwan kanneen akka meeshaalee biqiltoota ittiin facaafnu qulqulluu yookiin kan dhibeedhaan hin faalamne fayyadamuu, meeshaalee keenya 1) bishaan qulqulluu fi saamunaadhaan miiccuudhaan qilleensaan gogsuu 2) meeshaalee sibiilaab ibiddaan gubuu 3) alkoolii fayyadamuudhaan faalama meeshaalee balleessuu fi kkf isaan irraa dhaggeeffadhu. Yaadawwan biroo miseensota hawaasaatiin utuu hin caqafamin hafan kaasuudhaan irratti mariyadhaa.



GOSA QONNA MANDUUBEE: MADABII/SIREE OLKA'AA

Maal akka ta'e: Qonni manduubee gosa siree olka'aa gubbaan isaa diriiraa ta'ee fi salphaanumatti biyyee fi kompoostii/faltii horii/ bif arog-afureetiin walitti qabuudhaan kan uumamu dha. Gosni qonna manduubee kun freemii godhamuu yookiin godhamuu dhiisuu ni mala.

Maaliif barbaachise: Gosni qonna manduubee kun haala qilleensaa jiidhina qabu keessatti yookiin ammoo waqtii roobaatiif gaarii dha. Gosooni qonna maduubee kanneen yaa'aa bishaanii gaarii ni kenu. Kana malees, biqltoonni lolaa xixiqqaadhaan rooba irraa dhufuun akka hin miidhamnes ni ittisu. Yeroo biyyeen gabbataa ta'utti lafa muraasa irratti callaa guddaa argachuuf nama dandeessisa.



Qonnawan manduubee madabii/siree olka'aa hawaasicha keessatti miseensota tokko tokkoon faayidaa irra oolaa jira yoo ta'e, suura/fakkii gosa qonna manduubee kanaa hawaasa haala wal fakkaataa zoonii pirojktichaa keessatti argamu irraa argame yookiin ammoo suura I isaanitti agarsiisuun gaaffiwwan armaan gadii gaafadhu.



Namni qonna manduubee madabii/siree olka'aa qabu jiraa? Deebiin eeyyee yoo ta'e gaaffiwwan armaan gadii gaafadhu:

- Qonna manduubee madabii/siree ol ka'aa (raised-bed garden) maal akka ta'e ibsuu ni dandeessuu?
- Qonna manduubee madabii/siree (raised-bed garden) irraa bu'aawwan akkamii argattu?
- Rakkoolee akkamitu isin mudataa ture? Rakkoowwan isa/ishee mudateera yoo ta'e akkamitti furmaata itti kenne/nnite?

Qonna manduubee madabii/siree (raised-bed garden) fireemii yookiin keenyan hin qabne ijaaruuf yookiin qopheessuuuf jirra; haa ta'u malee, kan freemii qabuu fi freemiin isaa bilookkeetii/xuubii koonkiriitii, dhagaa, qarxiixii naayiloonii guutamaa irraa hojjetames qopheessuu ni dandeessuu. Kana malees, akaafaa, qulqulleessituu ilkaan sibiilaa qabdu, wantoota uumamaa (baalawwan, marga/citaa, kompoostii (daaraa, dhoqqee/faltii horii)), sibaagool/foo'aa, mukkeen 4, gasoo yeroo lammaffaa shooggaruuf garggaaru. Rog-sadee bifa rog-sadeetiin facaasuuf gargaaru.




Hirmaattonni gommaa keenyanifi yookiin fireemiidhaaf akka itti fayyadamne yaadachiisi, summaa'aa ta'uwaan maluuf.

SHAAKALA

QONNA MANDUUBEE SIREE/MADABII OLKA'AA IJAARUU/ QOPHEESSUU

Yaadachiisa: Haala naannoo keenya irratti bu'uureffchuudhaan qonna manduubee siree ol ka'aa ijaarra; deeggarsa jallisii akka kennuuf ammoo okkotee suphee keessatti fayyadamna.

Qonni manduubee madabii/siree olka'aa bu'uuraan bifa rog-afuree kan qabu dha (booca rog-afuree itti agarsiisi). Bal'inni isaa meetira Itti tilmaamama. Akaafaan dheerinni isaa meetira tokko waan ta'eef, dheerina akaafaa itti agarsiisi. Madabii/siree isaa irra utuu hin korin cina isaa lamaan irraa kaastee walakkeessa isaa qaqqabuu qabda. Walakkeessa qonna manduubichaa yoo hin qaqqabdu ta'e, manduubichi baayyee bal'aa dha jechuu dha. Dheerinni argama lafaa, bishaanii fi humna namaa irratti hundaa'uudhaan addaa addummmaa qabaachuu ni mala. Gosa oomishaa baayyisuufi bifa qindaa'aadhaan oomishuuf, sireewwan baayyee ijaaruu ni dandeessuu.



Gulantaa 1: Dheerinni isaa meetira | waan ta'eef, bal'ina meetira | akkasumas dheerina meetira 2 safaruuf dheerina akaafaa fayyadamaa. Mukkeen 4ran sana fayyadamuun, tokkoon tokkoon mukkeenii roga afuran keessa dhaabaa. Agarsiisa guyya ha'aatiif akka ta'utti bal'inni sirechaa meetira | akkasumas dheerinni isaa meetira 2 ta'uu akka qabu hin dagatinaa. Haa ta'u malee, yeroo bira meetira 2 irra caaluu ni danda'a.

Gulantaa 2: Lafichi ammaan dura faayidaa irra hin oolle yoo ta'e yookiin ammoo gabbinni isaa baayyee gadi bu'aa fi biyyoon isaa walqabataa yoo ta'e, yeroo lama qotuu/ shooggaruu isin barbaachisa.

Yeroo lama shooggaruu/qotuu

Lammaffaa qotuu/shooggaruu jechuun yeroo biyyeen baqqaana irraa keessaa yeroodhaaf siree/madabicha irraa kaafamuu fi baqqaanni biyyee jalaa (kan saantima 30 haga 50 gadi qotuun argamu) laafaa taasisuun baqqaanni biyyee irra keessaa deebi'ee bakka bu'u jechuu dha. Biyyee baqqaana irra keessaa itti naquun dura, wantoota akka koompoostii, baalawwanii fi marga gogaa akkasumas daakuu mukaa itti naquun ni danda'ama: Lammaffaa qotuun/shooggaruun yeroo tokko qofaa raawwatamuun qaba. Lammaffaa qotuu/ shooggaruu caalaatti ifa gochuudhaaf suursagalee (viidiyoo) kana isaanitti agarsiisi:

- [Double Digging](#) (Yeroo lama shooggaruu/qotuu). Nicholas Heyming.
- [Double Digging](#) (Yeroo lama shooggaruu/qotuu). Peace Corps Senegal



Gulantaawan yeroo lama qotuu yookiin shooggaruu: Shooggartuu yookiin gasoo fayyadamuudhaan biyyee gubbaa lafaa qotaa, baqqaana biyyee isa itti aanu laaffisaa, biyyecha koompoostiidhaan waliin makuudhaan baqqaana biyyee isa gubbaa irra naqaa.

Gulantaa 3: Lammaffaa qotuun/ shooggaruun hin barbaachisu yoo ta'e, marga, aramaa, fi wanttota caccabaa/huuba lafa qonna manduubee sana irraa kaasaa.

Gulantaa 4: Biyee fi xaa'oo uumamaa itti naquun dura, okkotee suphee lamaan kanneen qadaada qaban qonna manduubee sana keessa kaa'aa. Yaadachiisa: okkoteen suphee lafa naannoo isaatti argamu haga bal'ina saantima 45 yookiin inchii 18 gahuuf bishaan kennuu ni danda'a. Qonna manduubee meetira 2 dheeratuuf okkotee suphee lama isin barbaachisa. Dheerinni lafa gidduu lamaan okkootee suphee sanaa saantima 90 yookiin inchii 36 ta'u qaba. Midhaanota bishaan jaallatan kanneen akka timaatimaa bishaan argachiisuuuf okkotee suphee akka tooftaa jallisiitti itti fayyadamaa jirtu yoo ta'e, okkotee guddaa fayyadamuu isin barbaachisa. Biyee fi xaa'oowwan uumamaa qonna manduubee irratti duraandurfamanii naqamuudhaan haga morma okkotee jalatti gahuu qabu. Qaamni okkotee suphee baayyinaan biyyeen alatti yoo mul'ate, biyee naannoo okkotee suphee sanatti kaabuudhaan biyyeen sun bishaan barbaadame argachaa jiraachuu isaa mirkanoeffadhaa.

Gulantaa 5: Akaafaa fayyadamuudhaan balfa qonna manduubeetiin alatti walitti qabaa; kana booda gara qonna manduube sanitti darbachuufi irratti firfirsun/bittinneessun dugda isaa ol kaasaa. Idloon isin itti balfa walitti qabuun fuutanii firfirsitanu akka dandii irra adeemsatti gargaara. Daandiiwwan irra adeemsaa seentimeetira 30 haga 60 (inchii 12 haga 24) ta'u qabu. Daandiiwwan irra adeemsaa kanneen baala bososaadhaan huwwisuudhaan aramaan akka hin margine godhaa.

Gulantaa 6: Xaa'oowwan uumamaa kanneen akka baalaa, marga, koompoostii faltii gagaa of keessatti qabatu walitti makuudhaan itti dabaluun sirecha ol guddisaa. Xaa'oo uumamaa yookiin koompoostii harka 1 fi biyee harka 2 ta'u qaba.

Gulantaa 7: Dugda sirechaa meeshaa ilkaan qabuun suuta jettanii shooggaruu fi wal qixxeessun akka bishaa irraa gad hin yaane godhaa.

Gulantaa 8: Bishaan qulqulluu okkotee suphee sanatti naqaa. Kana booda, bishaan okkotee suphee sana keessaa akka hin hurkine, biyee fi ilbiisonni yookiin bineensonni xixiqoon akka keessa hin seenne yookiin akka bishaan keessaa hin dhugne ittisuudhaaf akkasumas bookeen busaa akka keessatti wal hin horre dhorkuudhaaf qadaadaa. Daddafee bososuu waan danda'auuf, bishaanicha qadaaduudhaaf muka hin fyaadaminaa. Kana malees, siree qonna manduubechaatti bishaan naquudhaan sanyii facaasuu/ dhaabuun dura haga inni bishaan ofitti xuuxee fixutti eegaa. Bishaan saffisa ahgamiitiin xuuxamaa akka jiru hordofuudhaaf, ulee mukaa fayyadamaa.

Gulantaa 9: Amma yeroo itti biqiltuu keessan dhaabdan yookiin sanyii keessan itti facaaftanu dha. Kallattiidhaan sanyii facaasuu yookiin biqiltuu bakka biraa irraa buqqisftanii dhaabuu ni dandeessu. Bifa rog-sadeetiin dhaabuun/facaasuu lafa keessan qusannaa fi haala gaariin itti fayyadamuuf akkasumas aramaan akka hin margine gochuudhaaf isin gargaara. Tokkoon tookkoon midhaanii safara wal irraa fageenya mataa isaa qaba.

- Suursagalee/viidiyoo bif arog-sadeetiin facaasuu/dhaabuu agarsiisi: [Biointensive planting - The triangle method](#). Smilinggardener.com.

Biqiltoota gaalee (kanneen biqiltoota biroo irratti hirkachuu isaan barbaachisu) kanneen akka timaantimaa yookiin ataraa yoo oomishtan, mukkeen qaqlalloo ittiin utubdan, muka lafa keessatti hordaman yookiin wantoota wal fakkaataa utubuuf/deeggaruuf isaan gargaaran fayyadamaa. (Barumsa itti aanutti wa'ee sanyii facaasuu/biqiltoota dhaabuu/ bal'inaan ilaalla)



Suura: [Andrew M Butler/Flickr \(CC BY-NC 2.0\)](#)

Eegumsa /Suphaa:

■ **Bishaan obaasuu:** Gosa midhaanii fi sadarkaa ho'ina haala qilleensaa irratti hundaa'un bishaan barbaachisu garaagarummaa qabaachuu ni mala. Waqtii raabaa fi qorraa, sababii bokkaan jiruuf baayyinni bishaan barbaachisu xiqqachuu ni danda'a. Waqtii bonaa/caamaa garuu sireewan/madabiwwan biqiltootaa bishaan baayyee barbaaduu ni malu, guyyatti si'a tokko yookiin lama bishaan obaasuu isin barbaachisu ni mala. Bishaan obaasuudhaaf ganama obboroo fi galgala fayyadamuun baayyee gaarii dha. Yoo okkotee suphee fayyadamtan, yeroo itti fufiinsaan bishaan itti guutuudhaan biqiltooni hidda isaaniitiin isa keessaa akka bishaan harkifatan taasisaa.

■ **Aramaa:** Sababii biyyeen baqqaan irra keessaa/gabbataan gadi fagaatee argamuuf, hiddi biqiltootaa biyyee keessa baayyee gad fagaatu, biqiltoonis walitti dhihaatanii guddatu; kun ammoo morkii aramaa ni xiqqeessa. Bifa rog-sadeetiin biqilchuunis biqiltooni aramaa mo'atanii akka guddatan ni gargaara.

■ **Biyyeen akka walqabatu gochuu:** Yeroo biqiltoota dhaabnu akkasumas siree biqiltoota suphinu, biyyeen akka hin udumamne yookiin walitti hin qabatee hin jabaanneef, yeroo hundumaa sirecha irraa ejjechuu irraa of eeguun barbaachisa dha.

■ **Gabbina biyyee:** Oomisha/sassaabbii booda qarmiin yookiin hafteen biqiltootaa lafa irratti hafuu fi bososuu/tortoruudhaan xaa'oo umamaa ta'uudhaan ni gargaaru. Kana malees, kompoostii dabalataa yeroo oomishaa itti aanu dura itti naquun ni danda'ama.



Ni argama yoo ta'e, erga facaasatnii yookiin dhaabdanii booda, waan aramaa biqilchuu dhowwuu danda'au lafa qonnaa fi xaa'oo uumamaa gidduu seentiimeetira 7 haga 10 (inchii 3 haga 4) fageessuun kaa'uudhaan aramaa ittisuun ni dandeessu.

- Qarxiixiin dhahamee fi kutamee siree irra diriirsamuu ni danda'a; qarxiixii sana huruudhaan biqiltoota dhaabuun guddina aramaa ammoo hir'isuun ni danda'ama.
- Gaazexaa moofaa dirribii sadiin siree irra naannnoo biqiltootaa afuun guddina aramaa hir'isuun ni danda'ama. Kunis waggaa waggaan bakka jijiiruu barbaachisa. Waraqaan akka qilleensaan hin fudhatamneef dhagaa irra kaa'uun yookiin ammoo bishaaniin jiisudhaan ittisuun ni dandeessu

OF EGGANNOO: Fuulota/waraqoota gaazexaa mucucaataa fi bifaa calaqqisaa ta'an hin fayyadaminaa.

Akkas jechuun miseensota hawaasaa yaadachiisi: *Sababii biyyeen gabbataa fi wal gadhiisaa ta'eef midhaan wal duraaa duubaan wal jijiiruun facaasuun/dhaabuun ni danda'ama; kun ammoo waggaa guutuu oomishuuf ni gargaara. Haa ta'u malee, waggaa guutuu oomishuun argama bishaanii fi humna namaa irratti hundaa'a.*



Waqtii dhufu keessatti qonna manduubee siree ol ka'aa ijaaruu fi itti fayyadamuudhaaf maaltu isin daangessuu danda'a?

Hirmaattonni yaaddoo isaanii kana garee isaanii waliin akka waliif qoodanuuf gaafadhu. Akkasumas kanneen biroo yaada furmaataa akka dhiyeessanuuf gaafadhus. Deeggarsa oogummaa yookiin ifaajjee qindoominaa pirojektiin kun dhiyeessuu danda'u yoo jiraate dhaggeeffadhu. Dhimmi saalaa itti fayyadamaa fi too'annaqabeenyaa akkasumas baayyina hojii fi waan kuufamuu qabuu fi akkamitti kuufamuu akka abu irratti aangoo murtee kennuu wajjin wal qabatu dhaggeeffadhu.



Dii'ee (DA) yookiin Sii'ee (CA)n yeroo qonna manduubee hirmaattotaa daawwatanutti ulagaalee too'anno fi hordoffii qulqullinaa edaasa keessatti kenname fayydamuu ni danda'u.

Hirmaanna ho'aa gochuu isaaniitiif miseensota garee galateeffadhu.



GOSA QONNA MANDUUBEE: QONNA MANDUUBEE BOOLLATAA/DHIDHIMAA

Maal akka ta'e: Qanni manduubee boollataan/dhidhimaan lafa naannoo isaa jiru irraa haga tokko gadi bu'aa dha. Qonni manduubee dhidhimaan habaqaalaaf (bakka biqiltuu itti guddisanuuf) yeroo baayyee filatamaa dha.

Maaliif barbaachise: Gosni qonna manduubee kun bishaan waan qusatuuuf/tursuuf, yaa'a bishaanii waan ittisuuf akkasumas haala qilleensaa addaa ta'ee fi mijataa umuuudhaan biqiltooni jiidhina akka qabaatanuu fi bubbee irraa akka eegaman waan goduuf, naannoo gammoojji yookiin bakka roobni baayyee hin argannetti yookiin ammoo waqtii bonaatti baayyee filatamaa dha. Xaa'oowwan uumamaa akka kuufaman gochuudhaan fayyadama bishaanii ni hir'isa akkasumas gabbina biyyaa ni fooyyesa.

Hanqinoota: Qonni manduubee dhidhimaan bishaan yeroo hundumaa obaasuu isa barbaachisa, kanaafuu bishaan yeroo bonaa argamuu ni gaafata yookiin ammoo jallisiin jiraachu ni gaafata. Qonna manduubee dhidhimaan iirratti biqiltoota/midhaanota hiddaa fi qocee (kannen akka hundee diimaa) oomishuu hin dandeessanu.



Miseensota hawaasicha keessaa tokko tokko gosa qonna manduubee dhidhimaa duraan dursanii fayyadamaa jiru yoo ta'e, suura qonna manduubee dhidhimaa hawaasa wal fakkaataa zoonii pirojektichaa keessatti argaman irraa argame yookiin suuraa armaan olii itti agarsiisuun gaaffiiwwan armaan gadii gaafadhu.



Namni qonna manduubee dhidhimaa/boollataa ijaaree qabu jiraa? Deebiin eeyyee yoo ta'e gaaffiiwwan armaan gadii gaafadhu:

- Qonna manduubee dhidhimaa/boollataa (a sunken-bed garden) maal akka ta'e ibsuu ni dandeessuu?
- Qonna manduubee dhidhimaa/boollataa irraa bu'aawwan akkamii argattu?
- Rakkoolee akkamiiitu isin mudataa ture? Rakkoowwan isa/ishee mudateera yoo ta'e akkamitti furmaata itti kenne/nnite?

Meeshaalee: Siree qonna manduubee dhidhimaa ijaaruudhaaf meeshaalee kanneen akka akaafaa, xaa'oo uumamaa (baalawwan, marga, kompoostii (faltii/biqiltoota tortotran), mukkeen 4, gasoo lammaffaa shooggaruuf gargaaru isin barbaachisa.

GOSA QONNA MANDUUBEE MADABII YIOOKIIN SIREE DHIDHIMAA IJAARUU

Qonni manduubee dhidhimaan bifa rog-afuree qabaachuudhaan beekama (rog-afuree itti agarsiisi). Bal'inni isaa meetira Itti tilmaamama (dheerina akaafaa itti agarsiisi). Madabii/siree isaa irra utuu hin korin cina isaa lamaan irraa kaatanii walakkeessa isaa qaqqabuu qabdu. Walakkeessa qonna manduubichaa yoo hin qaqqabdani ta'e, manduubichi baayyee bal'aa dha jechuu dha. Dheerinni qonna manduubee, bal'ina lafaa, bishaanii fi humna namaa irratti hundaa'uudhaan addaa addummmaa qabaachuu ni mala. Gosa midhaanii/boqiltootaa baayyisuufi bifa qindaa'aadhaan oomishuuf, sireewwan baayyee ijaaru ni dandeessuu.

Gulantaa 1: Bal'ina meetira 1 akkasumas dheerina meetira 2 safaruuf dheerina akaafaa fayyadamaa. Mukkeen 4ran sana fayyadamuuun, tokkoon tokkoon mukkeenii roga afuran keessa dhaabaa. Agarsiisa guyya ha'aatiif akka ta'utti bal'inni sirechaa meetira 1 akkasumas dheerinni isaa meetira 2 ta'uu akka qabu hin dagatinaa. Dheerinni qonna manduubechaa meetira 2 irra caaluu akka danda'u hin dagatinaa. Guutummaan gadi fageenya qonna manduubechaa keenyan dabalatee seentimeetira 60 haga 75 (inchii 24 haga 30) ta'uu qaba.



Dheerinni akaafaa fayyadamtanuu meetira 1 ta'uu isaa mirkanoeffachuudhaaf safaraa ilaala.



Gulantaa 2: Qonni manduubee kun dirra lafaa irraa gadi bu'aa waan ta'eef, yeroo lama shooggaruu isin barbaachisa. Suursagaleewan/vidiyoowan kanneen akka fakkeenyaatti itti agarsiis:

- [Double Digging](#). Nicholas Heyming.
- [Double Digging](#). Peace Corps Senegal.

Vidiyoo erga agarsiistee booda, hirmaattonni baaqqana biyyee irra keessaa/gubbaa lafaa/akka shoogaran gaafadhu (tilmaamaan seentimeetira 20 yookiin inchii 8); baqqaanni kun shoogaruuf/soquuf salphaa dha. Biyyee isaa baaldii/shenkelloo, karoollaa, keeshaa midhaaniitti naqaa yookiin ammoo bakka qonna manduubee dhidhimaatti geessuuf mijatutti walitti qabaa.

Gulantaa 3: Gasoo fayyadamuudhaan baqqaana biyyee itti aanu tilmaamaan seentimeetira 30 haga 45 (inchii 12 haga 18) gad fagaatu shoogaruudhaan laaffisaa. Balfaan siree irratti walmakuun laafe bishaan baayyinaan argachuufis ta'ee gara hidda biqiltootaatti gad seenuuuf carraa gaarii kenna.

Gulantaa 4: Biyyee xaa'oo hin qabne gad fageenya irraa argame qofaatti kaa'uudhaan siree olka'aadhaaf yookiin keenyan gabaabaa naannoo sirechaa ijaaruudhaaf fayyadamaa 40 (inchii 12) yookiin isaa ol lafa irraa olka'uu qaba. Lafichi dhundhula yoo ta'e garuu keenyan karaa gajjallaa dhundhula sanaa dheeressuu barbaachisa.

Gulantaa 5: Baaqqaana xaa'oo uumamaa kanneen akka baalawwanii, hookaa, yookiin margaa of keessatti qabatu itti dabaluudhaan gabbina biyyee caalmaatti guddisuu ni dandeessu.

Gulantaa 6: Biyyee koompoostiidhaan waliin makuudhaan gubbaa xaa'oo uumamaa sana irra akka baqqaana irra keessaatti kaa'aa. Koompoostii harka 1 fi biyyee harka 2 ta'u qaba.

Gulantaa 7: Faceasuun yookiin dhaabuun dura lafa qonna manduubechaa bishaan obaasuudhaan biyyeen bishaan akka of keessatti dhugu godhaa.

Gulantaa 8: Amma yeroo facaasuu yookiin biqiltuu dhaabuu ti. Midhaan gaalee (kanneen kan biroo irratti hirkachuu isaan barbaachisu) facaafuu yoo ta'e, iddo qusachuudhaaf utubaa jala dhaabaa.

Gulantaa 9: Biqiltoota haaraa kanneen eeguudhaaf, baalota gurguddaa summaa'aa hin taane itti naannoo isaanii kaa'uu qabdu.

Eegumsa/Suphaa

■ **Bishaan obaasuu:** Bishaan yeroo yerootti obaasuu barbaachisa (gosa midhaanii fi haala qilleensaa irratti hundaa'uudhaan)

■ **Gabbina biyyee:** Xaa'oon uumamaa yeroo yerootti itti naamuu qaba, yeroo biqiltuun biqilu irra deebi'uun itti naquu barbaachisa.

■ **Biyyeen akka walqabatu gochuu:** Biyyeen akka hin udumamne yookiin walitti hin qabatee hin jabaanneef, sirecha irra ejjechuu irraa of eegun barbaachisaa dha.

■ **Keenyan:** Naannoo sirechaatti keenyan ijaaruudhaan lolaa dhiheenyarrraa dhufuu akkasumas horii fi namoonni irra ejjechuudhaan akka biyyee hin jabeessine ittisaa.

YAADACHIISA: Waqtiiwan baayyeedhaaf qonni manduubee dhidhimaan itti naquunis ta'eer irratti hambisuun giddu-galeessa waqtiiwwanitti akka tortoru gochuun xaa'oo uumamaatiin guutamuu qaba. Yeroo qonni manduubee dhidhimaan guutu, irra deebitanii qotuu/shooggaruu isin hin barbaachisu sababiinsaa biyyeen sun fayyalessa ta'u waan qabuuf. Biyyecha irratti biqiltuu dhaabuu yookiin facasuu ni dandeessu.

Qonna manduubee siree dhidhimaa ijaaruu fi itti fayyadamuudhaaf, fedhii fi dandeettii hirmaattotaa hubachuudhaaf, gaaffii armaan gadii gaafadu.



Waqtii dhufu keessatti qonna manduubee siree dhidhimaa ijaaruu fi itti fayyadamuudhaaf maaltu isin daangessuu danda'a?

Hirmaattonni yaaddoo isaanii kana garee isaanii waliin akka waliif qoodanuuf gaafadhu.
Akkasumas kanneen biroo yaada furmaataa akka dhiyeessanuuf gaafadhu.

Deeggarsa oogummaa yookiin ifaajjee qindoominaa pirojektiin kun dhiyeessuu danda'u yoo jiraate dhaggeeffadhu. Dhimmi saalaa itti fayyadamaa fi too'annaa qabeenyaa akkasumas baayyina hojii fi waan kuufamuu qabuu fi akkamitti kuufamuu akka abu irratti aangoo murtee kennuu wajjin wal qabatu dhaggeeffadhu.



Dii'ee (DA) yookiin Sii'ee (CA) n yeroo qonna manduubee hirmaattotaa daawwatu/ttu, ulagaalee too'anno fi hordoffii qulqullinaa edaasa keessatti kenname fayydamuu ni danda'a/eessis.

Hirmaanna ho'aa gochuu isaaniitiif miseensota garee galateeefadhu.



GOSA QONNA MANDUUBEE: QONNA MANDUUBEE QAAWWAA FURTUU

Maal akka ta'e: Qonni manduubee qaawwaa furtuu biyyee walqabachuun akka sireetti olka'e, yeroo baayyee dheerina mudhii namaatiin walqixxaatu qabuu fi baaqqaanota biyyee xaa'oo uumamaatiin ijaaramuun cimmisa bishaanii fi gabbina biyyee fooyyessuuf keenyan dhagaa keessatti qophaa'u dha.

Qonna manduubee Qaawwaa furtuu fi Namoota rakkina hir'ina qaamaa qaban

Qonna manduubee qaawwaa furtuu namoota rakkina hir'ina qaamaa qabanuuf jecha jajjabeessuu barbaaddu yoo ta'e, namoota akkasii akka tajaajiluu danda'u gochuun, (fakkeenyaaf bal'ina akka qabaatu yookiin ammoo namni itti fayyadamu wiilcheerii fayyadama yoo ta'e, gabaabaa qopheessuu) isin barbaachisa.

Maaliif barbaachise: Qonni manduubee qaawwaa furtuu kan qophaa'e namoota iddoodhaa gara iddootti socho'uuf hin dandeenye (fakkeenyaaf, maanguddoota, namoota rakkina hir'ina qaamaa qaban, namoota dhibee ech aayi vii (HIV) waliin jiraatan) bu'uura godhachuudhaan ture. Sababiin kana ta'eefis, si'a tokko ijaaramnaan itti fayyadamuufs ta'ee too'achuudhaaf salphaa akkasumas kan hin jajallannee fi suphaa hagas mara kan hin barbaachisne waan ta'eefi dha.

Hanqinoota: Qonni manduubee qaawwaa furtuu qopheessuudhaaf humna namaa hedduminaan ni barbaada akkasumas argama meeshaalee irratti hundaa'uun gatii guddaa gaafachuu ni mala. Midhaanonni tokko tokko kanneen akka timaantimaa, qaaraa, barbaree, atara, dinnicha/mosee, raafuu maraa, midhaan killee fakkaatu (eggplant), boqqolloo, baaqelaa fi iskuuwaashii (squash) as irratti hojechuun hin deeggaramu.



Miseensota hawaasichaa gosa qonna manduubee qaawwaa furtuu duraan
dursanii fayyadamaa jiru yoo ta'e, suura qonna manduubee qaawwaa furtuu
hawaasa wal fakkaataa zoonii pirojktichaa keessatti argaman irraa argame itti
agarsiisun gaaffiwwwan armaan gadii gaafadhu. Bakka leenjiin kennamutti
dhiyaatee argama yoo ta'e, qonna manduubee qaawwa fiurtuu deemaa
daawwadhaa.



Namni qonna manduubee qaawwaa furtuu ijaaree qabu jiraa? Deebiin eeyyee
yoo ta'e, gaaffiwwwan armaan gadii gaafadhu:

- **Qonna manduubee qaawwaa furtuu (a keyhole garden) maal akka ta'e ibsuu ni dandeessuu?**
- **Qonna manduubee qaawwaa furtuu irraa bu'aawan akkamii argattu?**
- **Rakkoolee akkamitu isin mudataa ture? Rakkoowwan isa/ishee mudateera yoo ta'e akkamitti furmaata itti kenne/nnite?**

Meeshaalee

- 2 meter x 2 meter space to build the keyhole
- Qonna manduubee furtuu ijaaruuf/qopheessuuf, lafa dalgeen isaa meetira 2 fi dheerinni isaa meetira 2 ta'e.
- Dhagaawan giddu-galeea haga guddaatti, garuu aboottee harkaa caaluu kan hin qabne.
- Akaafaa
- Hookaa/citaa margaa guuboo (basket) walakkeessaatiif kan ta'u
- Dameewwan mukaa xixiqqoo
- Faltii horii/biqiltoota tortoraa—karoollaa 10 haga 20 (faltii horii boqiltoota tortoran/bososan baayyee fayyadamuu jechuun callaa baayyee argachuu jechuu dha)
- Daaraa/daakuu mukaa, karoollaa 3 haga 4
- Biyyee, karoollaa 10 haga 20
- Foo'aa/funyoo meetira 10 ta'u



Agarsiisa yookiin leenjiwwan duraan dursuun hirmaattonni meeshaalee akka walitti
qaban gochuun yeroo qusachuudhaaf gaarii dha. Meeshaalee armaan olii keessaa
muraasni hawaasa naannoo xiyyeffannoo keessatti waan argmau irratti hundaa'uun
meeshaalee biroon bakka bu'uu ni danda'u. Citaan shomboqqoo/leemmana,
meexxiidhaan, keeshaa/jooniyyaa qilleensa galchu gagaaramun ni danda'ama.

QONNA MANDUUBEE QAAWWAА FURTUU IJAARUU²




Suura: Hassen Mohammed/MCS

Meeshalee ittiin agrisiisuu dandeessu yoo argame, suursagalee/viidiyoo kana isaanitti agarsiisi:

■ [The keyhole garden: A simple key to better nutrition.](#) Catholic Relief Services.

Gulantaa 1: Lafa naannoo mana jireenyaa diriiraa fi wal qixxaataa ta'ee dalgee fi gadeen isaa 2×2 barbaadaa.



Gulantaa 2: Dhagaawwan, dameewwan mukaa, dikee horii, marga yookiin baalota biqiltootaa sassaabaa, akkasumas guuboo wantootaa kanneen akka citaa garbuu, qamadii, xaafii itti naqaa hojjedhaa, (qarmii boqqolloo garuu hin fayyadaminaa, bishaan of keessa dabarsuu waan dhorkuuf).

Gulantaa 3: Qonna manduubechaatiif lafa qopheessaa. Walakkeessi qonna manduabee sanaa essa akka ta'uun qabu murteessaa. Akaafaa fyyadadamuudhaan walakkeessa irraa ka'uun meetira I kallattii afuriin safaruudhaan iddoowan kanneenitti mallattoo godhaa. Isa booda, fakkii geengoo kaasuudhaan mallattoowwan afuran kunneen wal qabsiisaa; kana jechuun diyaameetiriin isaa meetira lama (akaafaa lama) ta'a jechuu dha.

Gulantaa 4: Guuboo hojjetame/dhahame walakkeessa geengoo kaa'aa. Mukkeen gurguddaa afuriin yookiin sadiin fireemii yookiin keenyan naannoo guuboo sanaatti hojjedhaa; akka hin kufnetti iddo tokkotti jabeessaa qabaa sababiinsaa baqqaanni biyyee xaa'oo uumamaa waan itti dabalamuuuf.

2. Tarreeffamni meeshalee, suurawan, fakkii fi shaakalli waa'ee ijaarsa qonna manduabee qaawwaа furtuu qajeelfama hojii qonaa manduabee kan naannoo mana jireenyaa Dhaabbata Gargaarsaa Kaatoliikii (CRS) irraa fudhatame [Homestead gardening: A manual for program managers, implementers, and practitioners](#). 2008. CRS.

Gulantaa 5: Dirra biyyee gubbaa qotuun/shooggaruun lallaaffisaa.


Gulantaa 6: Dhgaawan naannoo golee geengoo sanaatiin naqaa. Bbaqqaanawwan biyyee fi xaa'oo uumamaa keessan ijaaru walii, guuboo sana walakkeessa manduubeetti sirriitti ol dhaabudhaan, keenyan dhagaa sanatti naqaa. Guuboo sana tokkoon tokkoon baqqaanaa waliin ol kaasaa/butaa deemuu qabdu.

Gulantaa 7: Baaqqaana keessan isa jalqabaa baalaawwan, dameewwanmukaa, kirtaasii/kaartoonii, yookiin xaasaa haphiidhaan eegalaa.

Gulantaa 8: Baala sana irratti baqqaana biyyee naqaa (kurrukurruu yookiinbaarolla 4), isa booda ammoo daaraa xiqqoo ishaa irra firfirma (kurrukurruu yookiinbaarolla 1).

Gulantaa 9: Baaqqaana biyyee kan biroo itti dabala (kurrukurruu yookiinbaarolla 4), isa booda ammoo baqqaana furdaa faltii/baala bososaa (kurrukurruu yookiinbaarolla 2) itti dabala

Gulantaa 10: Makaa biyyee fayyalessaa (kurrukurruu yookiinbaarolla 4), daaraa (kurrukurruu yookiinbaarolla 1) fi faltii (kurrukurruu yookiinbaarolla 2) irraa uumame yookiin kompoostii (timaamaan baayyina wal qixaa qabu) fayyadamuun, baqqaan biyyee isa gubbaa lafaa bakka sanyiin iraatti facaafamuu/dhaabamuu qabu itti dabala.




Gulantaa 11: Gara walakkeessa boolla furtuu sanaatti akka gadi hin dhidhimneef, baqqaana biyyee isa gubbaa lafaa akka gardaffoo manaatti (roof) xiqqoo ishee dhundhula taasisaa.

Gulantaa 12: Amma yeroon yeroo sanyii facaasuu/biqiltuu dhaabuuti!

Gos-heddumina nyaataa jajjabeessuf akkasumas ilbiisota farra midhaanii too'achuudhaaf, yoo xiqqaate midhaanota gosa afur ta'an facaasuun/dhaabuun filatamaa dha. Toorawwan afuran sana midhaanota hiddaa tiin jalqabnee midhaanota baalaa yoo itti daballe, iddo qusachuudhaaf akkasumas dhiibbaa gabbina biyyee irratti mudatu hir'isuu danda'a. Kana malees, miidhaanota toorawwan irratti wal jijiiruun facaasuun ilbiisota farra midhaanii kanneen midhaan gosa tokko miidhuu malan midhaan kan biraa garuu miidhuu hin dandeenye too'achuudhaaf nu gargaara.

Qonna manduabee qaawwaa furtuu keessatti kallaattii sanyiin itti facaafamu yookiin biqiltuun itti dhaabamu



Midhaanonni walakkeessa irraa ka'uun akkasmas fuullee keenyan manduubeetti bifa geengootiin facaafamuu qabu. Toorawwan bifa geengoo irra jireessaan kan filataman gidduu toorawanii aramuudhaaf akka mijatuufi dha. Sanyiwwan/biqiltuuwan bifa geengoo yookiin golbootiin facasuun baqqaana biyyee gubbaa lafaa yeroo qonna manduabee bishaan obaasan dhiqamuu irraa ni ittisa.

Midhaanota waliin makaa fayyadamaa, toorawwan midhaanota baalaa fi hiddaa kanneen akka kaarotii fi hundee diimaa wal cina facaasaa.

Suphaa / Qabxiwwan ijoo dabarsuun barbaachisu

Jallisii fi Bishaan hobaasuu: Qonni manduubee kun yeroo hundumaa bishaan hobaafamuu qaba. Baaqqaan isa jala jiru hobaasuudhaaf, bishaan tajaajila kennee hafe guuboo sanatti gad naquu ni dandeessu. Bishaan qulqulluu garuu akkataadhuma kanaan dura beekamuun biyee baqqaana lafa gubbaa irratti naquun ni danda'ama.



- Bishaan tajaajila kennee hafe jechuun maal jechuu dha?
- Bishaan tajaajila kennee hafe fayyadamuu ilaachisee yaaddoon qabdani jira?

Deebiwwan kanneen dahggeeffadhaa: Bishaan balfaa qaama dhiqannaa, nyaata bilcheessuu, bishaan huccuu miiccuu irra hafee fi kan hin faalamini dha. Bisaanichi balfawwan caccabaa kanneen akka nyaataa, giraasoo, rifeensa qabaachuu ni mala. Bishaanichi qulqulleessituu amooniyaa jedhamu yoo qabaate, nageenyi isaa mirkana'a ni ta'a. Bishaanichi meeshaalee qulqullinaa kanneen akka keemikaala addeessuu, soogidda (ssodiyeemii) dhiqannaa, wantoota halluu namtolchee kennan, qulqulleessitoota kilooriinii, acidii ciccimoo fi keemikaalota bulbulaa of keessatti wabachuu hin qabu.

- Bishaanoni tajaajila kennanii hafan baayyinaan wantoota dhukkuba fidan ni qabaatu jedhamnii yaadamuu qabu. Kanaafuu eeggannoohdaaf qaama keenya akka hin tuqne gochuu qabdu. Namni tokko bishaan tajaajila kennee hafe erga biqiltootatti naqee booda harka isaa saamunaadhaan gaarii godhee dhiqachuu qaba.
- Bishaanoni wantoota balfaa akka daayipparii miiccanii hafan qonna manduubeetiif fayyadamuu hin qabanu.
- Yeroo qilleensa ol fudhannu gara qaama keenyaaa seenuu waan danda'uuf akkasumas biqiltoota faaluu waan danda'uuf, bishaan tajaajila kennee hafe kallattiidhaan itti naqama malee itti biifamuu hi qabu. Kuduraa fi muduraan bishaan ytajaajila kennee hafeen faalaman yoo sirriitti utuu hin bilcheessin, yookiin hin miiccamin nyaataman dhukkuba fiduu ni danda'u.
- Bishaan tajaajila kennee hafe amma barbaachisu qofaa biqiltoota hobaasaa; Bishaan garmalee baayyistanii hin hobaasinaa. Bishaan tajaajila kennee hafe lafa keessa akka gad seenu taasisaa malee akka lafa irratti kkuufamu yookiin lola'u hin godhinaa. Kun bookeen busaa akka irratti wal hortuuf haala mijeesudhaan namoota dhukkuba qabsiisuu waan danda'uuf.
- Ciincaa yookiin foolii gadhee uumuu waan danda'uuf, bishaan tajaajila kennee hafe sa'atii 24 caalaa kuusatanii lafa hin tursinaa.

Gabbina biyyee

- Qabiyyee albuuda biyyee haareessudhaaf akka gargaarutti, hafteen nyaataa fi xaa'oon/faltiin bososaan walakkeessa guuboo sanaa keessa kaa'amuu qabu
- Faltii/Baalli bososaan biyyee baqqan lafa gubbaa iratti naqamuudhaan albuuda biyyee haareessuu qabu. Faltiin/baalli bososaan yoo lafa irratti in argamne yeroon dabalataan itti naquu qabnu gahuu isaa agarsiisa.
- Kompoostiin faltii/baala bososaa bakka bu'un yookiin ammoo toorawwan gidduutti akka baala biqiltoota goggogani hafamaniitti (mulch) naqamuu ni danda'a.
- Sababii xaa'oon uumamaa caccabee gara biyootti jijiiramaa adeemuuf, olka'insi qonna manduubechaa suuta suutaan gad bu'aa adeema. Kanaafuu biyyee muraasa yeroo yeroon itti dabaluudhaan olka'insa manduubechaa iddo Isaatti eeguun barbaachisaa dha.

Haphisuu: Guudachudhaaf bakka gahaa akka argatanutti, biqiltooni erga biqilanii booda haphifamuu qabu. Toorawwan biqiltootaa haphisuun jiidhinaa fi albuudota akka gaariitti guddachuuf isaan gargaaru wal saamuu isaanii ni hir'isa.

Guuboo: Wagga I haga 2 gidduutti guuboon jijiiramuu/bakka bu'u qaba. Guubocha bakka buusuudhaaf, dhgaawan karaa adeemsaa miilaa irraa kaasuudhaan guubocha jijjiraa. Meeshaan inni duraanii gara hundeeb yookiin gajjallaatti gad dhiibamuu qaba; sababiinsaa wanttooni uumamaa achi keessatti bososan biyyee gabbataa uumuudhaan albuuda nyaataa barbaachisaa ta'e biyyeetti waan dabalanuuf.

Hirmaattonni waqtii oomishaa dhufutti qonna manduubee kanneen keessaa tokko ijaaruufi itti fufiinsaan irratti hojjechuudhaaf fedhii fi dandeettii qabachuu isaanii bekuudhaaf gaaffii armaan gadii gaafadhu.



Qonna manduubee kanneen keessaa tokko waqtii oomishaa dhufutti ijaaruu fi itti fayyadmuudhaaf maaltu isin daangessuu danda'a?

Hirmaattonni yaaddoowanisaanii kana garee isaaniitiif akka qoodanuuf gaafadhu. Akkasumas kanneen biroo ammoo yaada furmaata akka kennanuuf gaafadhu.

Deeggarsa oogummaa yookiin ifaaajjee qindoominaa pirojektiin kun dhiyeessuu danda'u yoo jiraate dhaggeeffadhu. Dhimmi saalaa itti fayyadamaa fi too'annaa qabeenyaan akkasumas baayyina hojii fi waan kuufamuu qabuu fi akkamitti kuufamuu akka abu irratti aangoo murtee kennuu wajjin wal qabatu dhaggeeffadhu.



Unki hordoffii qulqullinaa hojjetaan misoomaa (DA) yookiin dadammaqsituun hawaasaa (CA) yeroo qonna manduubee fayyadamtootaa daawwatanu fayydamuu malan edaasa (annex) jalatti dhihaatee jira.

Hirmaanna ho'aa gochuu isaaniitiif miseensota garee galateeffadhu.



GOSA QONNA MANDUUBEE: QONNA MANDUUBEE DHAABBATAA (PERMAGARDEN)

Maal akka ta'e: Qonni manduubee dhaabbataan, siree ol ka'aa yookiin siree dhidhimaa, dachaa, fi galoo bishaaniifi dallaadhaaf gargaaru of keessatti ni qabata.

Maaliif barbaachise: Waqtii roobaa fi bonaatiif tajaajiluu akka danda'utti kan qophaa'e dha. Tooftaa qonna manduubee gabbina biyyee fi itti fayyadama bishaanii fooyyessuudhaadhaan midhaanota albuuda nyaataatiin badhaadhan oomishuuf fayyadu dha.

Hanqinoota: Gosoota qonna manduubee haga ammaatti ibsame caalaa qonni manduubee kun eegaluudhaaf qophii bal'aa fi gadi fageenya qabu gaafata. Haaluma wal fakkaatuun, suphuu fi itti fuksiisuun yeroo, kunuunsaa fi xiyyeffannoo caalaa hojjettoota gosa qonna kanaa irraa ni gaafta.



Namni qonna manduubee dhaabbataa ijaaree qabu jiraa? Deebiin eeyyee yoo ta'e, gaaffiwwan armaan gadii gaafadhu:

- Qonni manduubee dhaabbataa (permagarden) maal akka ta'e ibsuu ni dandeessuu?
- Qonna manduubee dhaabbataa irraa bu'aawwan akkamii argattu?
- Rakkoolee akkamitu isin mudataa ture? Rakkoowwan isa/ishee mudateera yoo ta'e akkamitti furmaata itti kenne/nnite?



Miseensonni hawaasaa waa'ee qonna manduubee dhaabbataa barachuu ni barbaadu yoo ta'e, Itoophiyaa keessa leenjiwwan baayyeen kennamanii waan jiranuuf, namoota kanaan dura leenji'an irraa gorsa gaafachuu yookiin ammoo barruu leenjii qonna manduubee dhaabbataa Dhaabbata Gargaarsa Misoomaa Idil-Addunyaa Mootummaa Ameerikaa (USAID) tiin qopha'a'e kan [Permagarden Technical Manual](#) (fuula 11-14) fayyadamuu ni dandeessu.

Hirmaattonni waqtii oomishaa dhufutti qonna manduubee kanneen keessaa tokko ijaaruufi itti fufiinsaan irratti hojjechuudhaaf fedhii fi dandeettii qabachuu isaanii beekuudhaaf gaaffii armaan gadii gaafadhu.



Qonna manduubee kanneen keessaa tokko waqtii oomishaa dhufutti ijaaruu fi itti fayyadmuudhaaf maaltu isin daangessuu danda'a?

Hirmaattonni yaaddoowwan isaanii kana garee isaaniitiif akka qoodanuuf gaafadhu. Akkasumas kanneen biroo ammoo yaada furmaata akka kennanuuf gaafadhu.

Deeggarsa oogummaa yookiin ifaajjee qindoominaa pirojektiin kun dhiyeessuu danda'u yoo jiraate dhaggeeffadhu. Dhimmi saalaa itti fayyadamaa fi too'annaa qabeenyaa akkasumas baayyina hojii fi waan kuufamuu qabuu fi akkamitti kuufamuu akka abu irratti aangoo murtee kennuu wajjin wal qabatu dhaggeeffadhu.



Unki hordoffii qulqullinaa hojjetaan misoomaa (DA) yookiin dadammaqsituun hawaasaa (CA) yeroo qonna manduubee fayyadamatootaa daawwatanu fayydamuu malan edasa (annex) jalatti dhihaatee jira.

Hirmaanna ho'aa gochuu isaaniitiif miseensota garee galateeffadhu.

UNKA HORDOFFII QONNA MANDUUBEE

Maqaa Hpjjetaa Dirree: _____

Maqaa Abbaa Qonna Manduubee /Lakkoofsa Eenyummaa: _____

Saala Abbaa Qonna Manduubee (deebii itti maraa): Dhiira Dhalaa

Naannoo itti Argaman: _____

Guyyaa: _____

Unka Hordoffii Too'annoo Qulqullinaa– Amalawwan Qonna Manduubee Waliigalaa

Ulaagaalee	Daawwannaa Hojjetaa Dirree	Yaada gorsaa Hojjetaan Dirree Abbaa Qonna Manduubeef kenne	Sadarkaa daawwannaa hordoffii
Midhaanonni facaafaman rakkoo malee waliin jiraatu			
Midhaanonni waan sirriitti bishaan argatan fakkaatu			
Biyyeen xaa'oo uumamaatiin kan gabbate dha			
Ilbiisonni farra midhaanii kees- satti argamanii jiruu? Yoo jiraatan ilbiisota sana addaan baasaa			
Dhibeewan midhaanii keessatti argamanii jiruu? Yoo jiraatan dhibeewan sana addaan baasaa			
Biqilttooni mallattoowwan hir'ina albuuda nyaataa hin agrsi-isanu			
Aramaan too'atameera			
Hafteen biqiltootaa lafa irratti ni dhiifammee jira			

Qonna Manduubee Siree Olka'aa

Ulaagaalee	Sadrkaa	Daawwannaah Hojjetaa Dir-ree	Yaada gorsaa Hojjetaan Dirree Abbaa Qonna Manduubeef kenne	Sadarkaa daawwannaah hordoffii
Haala qilleensaa / Qilleensa baramaa	Waqtiin roobaa bar- baada, waqtii bonaa bishaanitti fayyada-muun rakkisaa dha			
Booca	Filannoon boocaa rog- afuree dha			
Bal'ina	Hojjetaan qonna man- duubee biyyee irra utuu hin ejjetin sal-phaatti bira gahuu ni danda'a (tilmaamaan meetira I)			
Dheerina	Sadarkaan safaraa beekamaan hin jiru			
Gad fageenya	Inni xiqqaan saantima 16 haga 20 ti			
Biyyeen xaa'oo uumaatiin kan gabbate dha	Eeyyee, baalota, marga, hafteewwan biqilootaa fi faltii horii gara koompoostiitti jij- jiirame; biyyee baqqana lafa gubbaa			
Dheerina Keen- yanii/Fireemii	Biyyee fi bishaan deeggaree qabuu dan- da'a			
Huwwisa daandii adeem-sa miilaa	Baalota biqilootaatiin (mulch) huwwifameera			
Bal'ina daandii adeemsaa miilaa	Bal'ina gahaan waan qabuuf namni qonna manduubee hojjetu utuu sireewwan hin jeeqin deemuu ni dan-da'a (saantima 60-90)			
Walitti maxxanuu/ udumamuu biyyee	Hin jiru			

Ulaagaalee	Sadrkaa	Daawwannaah Hojjetaa Dir-ree	Yaada gorsaa Hojjetaan Dirree Abbaa Qonna Manduubeef kenne	Sadarkaa daawwannaah hordoffii
Lafa qotamaa	Hin jiru			
Midhaanota oomishuun isaanii hin deeggaramne	Gurguddoo, kanneen hirkachuu barbaadan (jechuunis gosa midhaanii dabaaqulaa fi kkf) yoo utubaa jala dhaabne malee			
Booca ittiin facaafamu	Rog-sadee			
Facaasuu	Wal duraa duubaan fa- caasuu			
Bishaan	Dhyeenyatti kan ar-gamu madda uumamaa yookiin nam-tolchee (jallisii) keessumaa im-moo waqtii bonaa keessa			

Qonna Manduubee Siree Dhidhimaa/Gad-lixaa

Ulaagaalee	Sadrkaa	Daawwannaa Hojjetaa Dir-ree	Yaada gorsaa Hojjetaan Dirree Abbaa Qonna Manduubeeef kenne	Sadarkaa daaw-wannaa hordoffii
Haala qilleensaa/ qilleensa baramaa (gogi-insa/jiidhaa)	Gogiinsa, naannoo gam- moojji, naannoowwan lolaa qaban yookiin waq-tii roobaa miti			
Ijaarsa siree	<p>Yeroo lammaffaa qotuun/shooggaruun siree ijaaruu qofaadhaafi dha</p> <p>Dheerinni keenyanii yoo xiqqaate saantima 30 yookiin inchii 12. Dhundhula irratti yoo ta'e garuu keenyan kana caalaa dheerachuu qaba.</p>			
Bal'ina	Hojjetaan qonna man- duubee biyyee irra tarkaanfachuudhaan sal-phaatti bira gahuu ni danda'a (tilmaamaan meetira I)			
Dheerina	Sadarkaan safaraa beekamaan hin jirru			
Gad-fageenya	Saantima 45 haga 60 (inchii 18-24)			
Biyyeen xaa'oo uumamaatiin kan gabbate dha	Eeyyee (marga, hokaa; biyyee baqqaana gubbaa lafaa)			
Daandii adeemsa miillaa	OI ka'aa; biyyee albuuda nyaataa hin qabneen kan hojjetame			

Ulaagaalee	Sadrkaa	Daawwannaa Hojjetaa Dir-ree	Yaada gorsaa Hojjetaan Dirree Abbaa Qonna Manduubeef kenne	Sadarkaa daaw-wannaa hordoffii
Bal'ina daandii adeemsa miilaa	Bal'ina gahaa waan qabuuf hojjetaan qonna manduubee meeshaalee qabatee utuu siree qonna manduubee sanaa hin diigin adeemuu ni dan-da'a (saantima 60 haga 90)			
Walitti maxxanuu/ udumamuu biyyee	Hin jiru (wal gadhiisa/ qilleensa salphaatti kan galchu; milaan irra hin deemamne			
Sadarkaa dhiqama biyyee naanoo siree	Keenyan itti fufee jira			
Midhaanota oomishuun isaanii hin deeggaramne	Midhaanota hun-dee/ hiddaa fi jirma			
Facaasuu	Biqiltooni gaalee (kan-neen biqiltoota biroo irratti hirkachuu isaan barbaachisu) utubamanii jiru			
Bishaan hobaasuu	Walitti fufi-insaan/ idileedhaan hobaasuu			

Qonna Manduubee Qaawwaa Furtuu

Ulaagaalee	Sadrkaa	Daawwanna Hojjetaa Dirree	Yaada gorsaa Ho- jjetaan Dirree Ab- baa Qonna Man- duubeef kenne	Sadarkaa daawwanna hordoffii
Haala qilleensaa (gogiinsa/ jiidhinsa)	Gogiinsa			
Ijaarsa siree	Qonni manduubee Qaawwaa furtuu lafa diriiraa irra jira			
Ijaarsa siree	Keenyan qonna man- duubeef qaawwa fur-tuu jabaataa dha			
Ijaarsa siree	Qabiyyeen baqqaanota biyyee kanneen akka faltii horii, wantoota tortoraa, daaraa, marga gogaa fi magariisa yookin baalotaa fi xaa'oo uumamaa argaman biroo of keessatti qabata. Gubbaan qonna manduubee qaawwa furtuu dhundhula Guuboon margaa wa-lakkeessatti argamu sadarkaa gaarii irra jira			
Bal'ina	Naannoon isaa meetira 2			
Gad-fageenya	Mudhii namaa bira gaha; hir'ina qaamaa ilaalcha keessa gal-chuun kan hojjetame dha			
Gabbina biyyee	Xaa'oon uumamaa maatiirraa hafe (kan akka hafftee mana nyataa) guuboo wa-lakkeessatti argamu keessatti naqamuun biyyee ni gabbisa; faltiinis kan ture dha			

Ulaagaalee	Sadrkaa	Daawwanna Hojjetaa Dirree	Yaada gorsaa Ho- jjetaan Dirree Ab- baa Qonna Man- duubeef kenne	Sadarkaa daawwanna hordoffii
Daandii adeemsa miilaa	Qaawwaan furtuu guuboo dhaqqabuudhaaf guddina gahaa qaba			
Midhaanota oomishuun isaanii hin deeggaramne	Mimmixa, gosa bi-qiltuu affeelamee nyaatamu (egg-plant), boqqolloo, fi biqiltoota gaalee kanneen biroo irratti hirkachuu isaan bar-baachisu(vining plants) baaqelaa, gosoota midhaanii dabaaqulan walfak-katan, dabaaqula, atara, timaatima)			
Boca ittin facaasan	Geengoo			
Bishaan	Bishaan tajaajila kenne hafe guuboo keessatti naqama, yeroo roobni hin jirre daddafaee bishaan hobaafamuu qaba			

Qajeelfama qulqullina sadarkaaf barruu USAID ilaala [Permagarden Technical Manual](#).

SANYII FACAAASUU/BIQILTUU DHAABUU

Maal akka ta'e: Karoorri barumsaa kun midhaanонни kuduraa fi muduraa sirriitti facaafamuу/dhaabamuу isaanii mirkanessuuf wantoota barbaachisan of keessatti qabata.

Maaliif barbaachise: Midhaanонни kuuduraa fi muduraa caalaatti oomisha kennuu kan danda'an yoo gad fageenya sirrii ta'een, wal-rraa fageenya sirrii ta'een, baayyina aduu sirrii ta'ee, ho'inaa fi dilalla'a'ina (temperture) sirrii ta'een akkasumas biqiltoota kanneen biroo isaan gargaaruу malan waliin yoo facaafaman/dhaabamani dha.

Akkamitti raawwatama: Wantoota ijoo midhaan facaasuu irratti dhiibbaa fiduu malan ilaachissee ibsa gabaabaa karaa marii gochuudhaan booda sanyiwwan gosa tokko tokko manduabee irratti facaasuu shaakalaa.

Karoora: Akkakaattaa sanyii itti facaasuun danda'amu itti agrsiisuuf sanyii akkamitti akka ragattan murteessaa.

Yeroo: Marii gochuudhaaf daqiiqaa 45, sanyii facaasuudhaaf daqiiqaa 30

Meeshaalee: Sanyiwwan, akaafaa, danaa rog-sadee sanyii facaasuudhaaf gargaaru, yoo jiraate.



Agarsiisni akkaataa ijaarsa gosoota qonna manduabee yeroo sanyiin itti faca'uу yookiin biqiltuun itti dhaabamuу qabu dursee raawwate yoo ta'e, akkasumas bishaan jallisiif ta'us yoo hin jiru ta'e yookiin qilleensi mijataa yoo hin ta'in, maal akka godhamuu qabu irratti mariyadhaa malee seeraan guddachuu dhiisuu waan maluuf hin facaasinaa yookiin hin dhaabinaa.

Gaafadhu

Gaaffii armaan gadii yeroo gaafattan, ilaachawan garaagaraa miseensota hawaasaa keessatti argaman hubachuudhaaf tokkoon tokkoon hirmaattotaa irraa deebii gaafadhaa. Dhiiroonii fi dubartoonni loogii malee deebii akka kennanu godhaa. Gaaffiin kun shaakala sanyii facaasuu ilaachissee hubannoo fayyadamtoonni amma qaban beekuuf si gargaara.



Yoom, eessattii fi biqiltoota akkamii waliin kuduraa fi muduraa keessan facaasuu akka qabdan akkamitti murteessitu?

Qalbiidhaan dhaggeeffachuudhaan deebiiwan armaan gadii irratti yaadannoo qabadhu. Sadarkaan beekumasa isaanii yeroo ammaa kun kutaa itti aanu keessatti gad-fageenya akkamiin akka ibsuu qabudanuuf isin qajeelcha.

1. Tokkoon tokkoon midhaaniitiif sadarkaa aduu/gaaddisa argachuu isaanii
2. Wal-irraa fageenya biqiltoota gidduu jiraachuu maluu fi gad-fageenya sanyiwwan midhaanii
3. Ho'inaa fi dilalla biyyee fi qilleensaa
4. Midhaanota kanneen wal deeggaranii fi rakkoo malee waliin jiraatan (wal-ta'insa) yookiin midhaanota sirriitti waliin guddachuu hin dandeenye (wal-dhabiinsa)
5. Wal dura-duubaan facaasuu



Gosoota midhaanii pirojektichi jajjabeessuuf, amalawan yookiin haalawan kanneen biroo hunda ilaachisee gabateen odeeffannoo kennu fuula 80 irratti argama.



Yoo danda'ame sanyiwwan kanaan dura madaqan yookiin kanneen mirkanaa'an fayyadamuun hongee yookiin hanqina roobaa dandamachuudhaaf waan gargaaruuf caalaatti jajjabeeffamuu qabu jennee yaadna.

Gaaffii kana gaafachuu fi marii jajjabeessuun booda, gara kutaa itti aanuutti darbi.

Agarsiisuudhaan Ibsi

Yoom, eessatti akkasumas biqiltoota akkamii waliin biqiltoota qonna manduubee keenya facaasuu akka qabnu murteessuu ilaachisee wantoota ijo 5 ilaacha keessa galuu qabanatu jiru (tarreffama armaan olitti kennname irraa dubbisaa). Yeroo marii keenyaa yaadawan kanneen keessaa tokko tokko kaafamanii turan. Waa'ee tokkoon tokkoon isaanii hubannoo barbaachisaa argachuudhaaf yeroo muraasa fudhanna, isa booda ammoo gara sanyiwwan filataman manduubee ijaaraman irratti facaasutti ni deemna.



Walgayiwwan muraasa dura, biqiltooni humna aduu sadarkaa garaagaraaakkka isaan barbaachisu mariyannee turre. Tokkoon tokkoon midhaanii aduu hagam akka barbaadu hubachuun maaliif barbaachisa?

Sirriitti dhaggeeffachuudhaan deebii isaanii keessaa kanneen qaphxiwwan armaan gadiitiin wal-fakkaatan yaadannoo qabadhu. Marii kana keessatti kan hin caqasamin yoo jiraate isaaniif caqasi.

- Guddina isaaniif waan isaan barbaachisuuf, biqiltooni hundinuu ifa aduu ni barbaadu
- Biqiltooni ifa aduu sadarkaa garaa garaa barbaadu:
 - Aduu guutuu: guyyaa guutuu humna aduu kallttiin itti bahu sa'aatii 6 haga 8.
 - Aduu gar-tokkee/gaaddisa gar-tokkee: aduu sa'aatii 6 gadii akkasumas biqiltuu gubuu waan danda'uuf, waaree booda aduu kallattiidhaan bahu kan hin barbaanne.
 - Gaaddisa: aduu kallattiidhaan bahu kan hin barbaanne.



Wal-irraa fageenya sirrii qabaachuun midhaanotaaf maaliif barbaachisa?

Qalbiidhaan dhaggeeffachuudhaan deebiiwwan armaan gadii irratti yaadannoo qabadhu. Qabxiwwan armaan gadii keessaa kanneen yeroo marii hin tuqamin hafan caqasaa.

- Biqiltoota aduu jaallatanuuf ifa argachuuf dorgommii/morkii isaan godhan ni hir'isa.
- Dorgommii/morkii albuudota biyyee irratti godhamu ni hir'isa. Lafichi aramaa irraa bilisa ta'u akka qabu hin dagatinaa, sababiinsaa armaanis albuudota saamuudhaaf dorgomii waan gochuu danda'uuf.
- Hiddooni yoo gobbatan/walitti tuuta'an, guddinni isaanii ni daangeffama.



Dii'eewan naannoo walirraa fageenya biqiltootaa sirrii ta'e kan qonna makaanaayizeeshinii hin ta'in addaan baasanii isinitti himuu qabu.



Sadrkaan o'aa fi diliialla'aa biyyee fi qilleensaa sanyii facaasuu fi guddina midhaanii irratti dhiibbaa akkamii fiduu danda'a?

Qalbiidhaan dhaggeeffachuudhaan deebiiwwan armaan gadii irratti yaadannoo qabadhu. Qabxiwwan armaan gadii keessaa kanneen yeroo marii hin tuqamin hafan caqasaa.

- Sanyiwwan midhaanii biqiluudhaaf sadrkaa o'aa fi diilalla garaagaraa barbaadu
- Biqiltun tokko yoo ho'a baayyee yookiin ammoo yoo dilalla/qorra baayyee godhate sirriitti firii kennuu dhiisuu ni mala.
- Biqiltun waqtii qoraa barbaadu yoo ho'a baayyee argate, gara sanyii/firiitti demu ni danda'a.
- Haalli qilleensaa sirrii hin taane dhandhama oomisha sanaa irratti dhiibbaa fiduu ni danda'a.

Fakkeenyaaaf, raafuu maraan sadrkaa ho'aa digrii ceentigireedii 15°C haga 18°C yookiin digrii faaraanaayitii 60°F haga 65°F keessatti sirriitti ni guddata; haa ta'u malee, sadarkaa ho'aa gad'aanaa haga 7°C (45°F) gahu keessatti akkasumas sadarkaa ho'aa ol'aanaa haga 26°C (80°F) gahu keessatti guddachuu ni danda'a. Sadarkaan ho'aa 26°C (80°F) caalu raafuu maraan akka daran saffisuu yookiin daraaruu ni mala.



Waa'ee biqiltoota kanneen wal deeggaranuu fi rakkoo malee waliin jiraatanuu (firummaa/wal-ta'insa), yookiin midhaanota sirriitti waliin guddachuu hin dandeenye (diinummaa/wal-dhabiinsaa) maal beektu?

Sirriitti dhaggeeffachuudhaan deebiwwan armaan gadii irratti yaadannoo qabadhu. Qabxiwwan armaan gadii keessaa kanneen yeroo marii hin tuqamin hafan caqasaa.

■ Biqiltooni rakkoo malee waliin jiraatanu oomishtummaa ni dbalu, sababiinsaa biqiltooni kanneen karaawwan armaan gdadii wal ni deeggaru:

- Ilbiisota farra midhaanii ittisuudhaan (ifakkeenyaaaf, quellubbii adii)
- Poolineessuu (sanyii daraaraa biqiltu tokko irrraa ka birootti geejjibuun wal hormaatni akka milkaa'u gochuu)
- Ilbiisota faayida-qabeessa hawwachuu
- Wal irraa fageenya/bakka guddisuu/bal'isuu

■ Biqitooni wal-dhabiinsa qaban:

- Fedhiwwan haala qilleensa naannoo kanneen akka fedhii bishaanii addaa addaa qabaachuu ni danda'u
- Albuudota nyaataa wal fakkaataa fi ifa aduu irratti wal dorgomuu ni malu.
- Ilbiisota kanneen biqiltoota biroo irratti miidhaa geessisuu danda'an ni harkisu/ni hawwatu.



Wal duraa duubaan facaasuu jechuu maal jechuu dha; yookiin waa'ee wal duraa duubaan facaasuu maal beektu? Yoo biqiltoota wal duraa duubaan facaftanii beektu ta'e maaliif akkas gootu?

Suura fakkeenya biqiltoota wal duraa duubaan facaasuu



Sirriitti dhaggeeffachuudhaan deebiwwan armaan gadii irratti yaadannoo qabadhu. Qabxiwwan armaan gadii keessaa kanneen yeroo marii hin tuqamin hafan caqasaa.

- Sanyiwwan kuduraa fi muduraa torban muraasa keessatti irra deddeebi'uun facaasuudhaan sassaabbii gosa baayyee qabaachuu
- Midhaan daddafee bilchaatu midhaan dafee hin bilchaanne cinatti facaasuu
- Guutummaa waqtichaa keessatti gos-hedдуммаа yookiin addaa addummaa nyaataa mirkaneessuu



Yeroo sanyii facaasnu yookiin ammoo biqiltuu dhaabnutti qonna manduubee keenya irraa dhibeewwanii fi ilbiisota farra midhaanii ittisuuf kan nu gargaaru maal gochuu dandeenyaa?

Sirriitti dhaggeeffachuudhaan deebiwwan armaan gadii irratti yaadannoo qabadhu. Qabxiwwan armaan gadii keessaa kanneen yeroo marii hin tuqamin hafan caqasaa.

- Meeshaalee sanyii ittiin facaasnu yookiin biqiltuu ittiin dhaabnu dhukubaa fi ibiisota irraa bilisa ta'an fayyadamuu
- Bishaan qulqulluu fi saamunaadhaan miiccuudhaan qilleensaan gogsuu; meeshaalee sibiilaa ibiddaan gubuu yookiin alkoolii fayyadamuudhaan faalama meeshaalee balleessuu
- Biqiltoota gidduutti walirraa fageenya sirrii fayyadamaa
- Midhaan wal jijiiruudhaan facaasaa
- Biqiltoota waliin michoomina qaban yookiin hariroo wal-ta'insaa qaban waliin facaasaa
- Biqiltoota gaalee (kanneen biqiltoota biroo irratti hirkachuu isaan barbaachisu) kanneen akka timaantimaa utubuudhaan sosochii qilleensaa dabaluudhaan dhukkubootaa akka hin mijanne taasisaa

Amma dhimmoota ijo yeroo sanyii facaasnu yookiin biqiltuu dhaabnu ilaalacha keessa galchuu qabnu gabaabaatti ilaalleerra. Dabalataanis sanyiin nuti fayyadamnu saffisa biqiluu gaarii qabchuu isaa mirkaneessuu qabna. Sanyii yeroo dhihootti kan bittan yoo ta'eyyuu akkasumas yeroon inni itti tajaajila isaa fixuu gara fuula duraatti fagoo haa ta'uyyuu malee, bakka baayyee mijataa ta'etti kuufamuu dhiisuu waan danda'uuf, sadrkaa biqiluu sanyii qoratanii ilaaluun gaarii dha. Mee amma akkamitti saffisa biqiluu sanyii keessanii mana keessanitti qorachuu akka dandeessan ilaalla.



Adeemsa kana yeroo miseensota hawaasaa waliin agarsiistu, sanyichi guyyaa sadii keessatti akkasumas guyyaa 7-10 gidduutti maal akka fakkaatu kan ittiin agarsiiftu of harkatti qabchuu si barbaachisa. Sababiinsaa, jijiirama isaa ilaaluudhaaf guyyaa 3 yookiin guyyaa 7 haga 10 gidduutti deebitee agarsiisuu waan hin dandeenyef.

- Sanyii qarxiixii keessatti waliin makaa, sababiinsaa sanyiin kutaa meeshaa qabiyee sanaa garaagaraa keessatti argamu sadarkaa ho'aa fi jiidhinsa garaagaraa qabaachuu waan danda'uuf.
- Sanyii laccoofsa guutuu kanneen akka 100 (baayyee filatamaa), 50 (gaarii) yookiin 10 (dansa) lakkaa'aa addaan baasaa.
- Waraqaa, citaa moofaa qulqulluu yookiin calaltuu bunaajisaa. Gaazexaanis ta'uun ni mala garuu sanyii ilaaluudhaaf rakkisaa waan ta'ee fa hagas mara filatamaa miti.
- Sanyii sana walakkaa meeshaawwan kanneen irratti wal qixxeessitanii naquudhaan of eeggannoodhaan jabeessaa dachaasaa yookiin walitti maraatii cufaa.
- Meeshaa sanyii of keessaa qabu sana (kan armaan gaditti 'qorannoo' jedhamuudhaan waamame sana jechuu dha) bakka fayyummaan issaan eegamee, bulluqaa yookiin ho'aa fi ilbiisota irraa fagaate kaa'aa.
- Bishaan itti biifuudhaan yookiin ammoo laastikii keessa kaa'uudhaan jiidhaa ta'ee akka turu godhaa.
- Guyyaa 3 booda qorannoo sana banaa. Sanyii biqile yookiin boqqoltii baafate lakkaa'uudhaan keessaa baasaa yookiin buqqisaa. Sanyii hunduma bifaa wal fakkaataadhaan ilaaluudhaan akkasuma godhaa. Sanyiwwan rakkina guddaa qaban carraa qonna manduubee irratti hafuu qabaachuu dhiisuu ni malu. Qorannocha deebisaa cufaa.
- Guyoota 7 fi 10 giddutti, meeshaa sana banaatii baayyina ija sanyii midhaanii sanaa lakkaa'aa. Deebii waliigalaa argattan laccoofsa isa gaafa guyyaa 3ffaa argattan irratti ida'aa. Kun kutaa sanyii sanaa isa biqile yookiin muttuu baase dha. Laccoofsa argattan kana lakkofsa waliigalaa qorannocha keessatti hammatameef hiruudhaan dhibbeentaa biqiluu isaa herregaa.
- Sanyiwwan yeroo garaagaraa keessatti madda tokko irraa dhufan qorachuudhaan baayyeen issanii biqiluuf yeroo dheeraa fudhachuu issanii yoo hubattan, sun mallattoo hir'ina ciminaa fi fayyummaa akkasumas saffisa biqiluu gad-aanaa ti.

Fakkeenyi salphaan qorannoo saffisa biqiluu sanyii manatti raawwatamuu danda'u kan ijoolleef qophaa'e barruu 'Agricorps' [school garden curriculum](#) jedhamu keessatti argama. Kana malees, qajeelfamni suurawwan gaarii ta'anii fi tooftaawwan biroo of keessatti qabatu ammoo baruu Southern Exposure Seed Exchange's [How to Test Germination](#) jedhamu keessatti argama.



- Barumsa guyyaa har'aa keessaa yaadni haaraan qonna manduubee keessanii irratti yaaluu dandeessan jiraa?
- Yaada argattan kana hojii irra oolchuuf wanti gufuu isinitti ta'uun danda'u jiraa?

Deeggarsa oogummaa yookiin ifaajjee qindoominaa pirojektiin kun dhiyeessuu danda'u yoo jiraate dhaggeeffadhu. Dhimmi saalaa itti fayyadamaa fi too'anna qabeenyaa akkasumas baayyina hojii fi waan kuufamuu qabuu fi akkamitti kuufamuu akka abu irratti aangoo murtee kennuu wajjin wal qabatu dhaggeeffadhu. Yaadanno qabachuudhaan garee pirojektiitti deebisii fidi.

Cuunfaa amalawwan ijoon midhaanota pirojetichaan jajabeesfamanuu

Midhaan	Ho'ina qilleensaa	Fageenyi bi-qiltoota gidduu	Aduu saa-xil batumsa	Kanneen walii facasuu hin qabne	Biratti kan facasuu qabdani	Gosa Biy-yeey	Sadrkaa pii echii (PH)	Sayii quashuu/ol kaatu	Wal duraa duubaan facasuu	Albuudota nyaataa ijoon ta'an
Raafiu maraa	Qilleensa baayyee mija'aan: 15° - 18°C (60° - 65°F) 7°-26°C (45° - 80°F) gidduutti ni guddatu After 26°C (80°F) oiliti arif'atanii ni guddatu dafanis ni daraarau	Saantima 30-60 (inchii 12-24) toora irratti wal irraa fagaachuu qabu. Baayyee yoo walitti dhihaatan, mataan isaanii ni xiqaata	Aduu guutuu	Tinaatima, Goraa (strawberry) Raafiu daraaraa (abbaa gooman) fi abraangoo (midhaanota maati) tolkoo waan ta'anif tolkoon tolkoon isaanii albuudota nyaataa wa fakkartaan t'aan baayyee barbaadu, dhukkubootaa fi ilbiisotaa ni ofitti ni hawwatu	Hundee diimaa, salaaxaa, shunkurtii, din-nicha/mosee	Cirracha kootichaa hagabiyyee suphee	6.0 - 7.0 Asilidis taalee beeziikan hin taane giddu galeessa (imbabasa)	Ulfataa dha	Graagaruummaa guyyaa 2!	Vaayitaammin K, Vaayitaammin B (fo-late)
Kaarotii	Hiddi saffisaan kan guddatu 15 - 18 °C gidduutti Guddina kichuurif ho'innni qilleensa xiqqoo ol kaaluu qaba Sanyiin biqiliuudhaaf yoo xiqqaate 10°C barbaachisa	Saantima 7.5-10 (inchii 3-4) wal irraa fagaatuu; Toorri saan-tima 30 (inchii 12) wal irraa fagaatu	Aduu guutuu	Insi-laala/kamunii Basla mi'eessituu ittoo (Dill) Urgoottuu (Parsley)	Raafiu maraa shunkurtii, Barbaree, timtaatima, baaqelaa	Biyyee cirracha/kooticha	5.5 - 7.0	Gid-dugaleessaa	Graagaruummaa guyyaa 2!	Vaayitaammin A, H, K, poortashiyemii, vaayitaamin B6
Raafuu	Biyyee mijataa ho'innni isaa 15° - 18°C (60° - 65°F) Qilleensa qabbanaa'aa waan flatanuf, dilalla cimaa keessatti mi'aaynni isaanii ni dabala	Saantima 20-30 (inchii 8-12)	Aduu guutuu	Goraa (strawberry), timtaatima	Hundee diimaa, salaaxaa, shunkurtii, din-nicha/mosee, qullubbi	Kan sirriitti jiid-hinni keessaa bah; biyyee bayyee/kooticha barbada	6.0-7.5 dan-damchuu dandaa; 6.5 - 6.8 filata	Gid-dugaleessaa/ulfataa	Biyyeen ji-idhinaaf qab-baanaa'attii yoo eegame walitti fufi-insaan ni oomishama	Vaayitaammin A, C, K, pirootinii, faayiberi, vaayitaamin B (folate)
Dimincha mi'awaa yookiin mix-aaxisa gogaa bifaa burrukaanaa qabu (Orange-fleshed sweet potato)*	Ho'ina qilleensaa mijaata: 20° - 25°C. Kan guddachuu danduu: 15° - 35°C. Hundeef hidda gaarii qabaachuudhaaf; ho'ina qilleensa 25°-30°C ta'u qaba Ho'ina qilleensaa halkanii 15°-20°C	Bigiltoota gidduutti saantima 25-30 (inchii 8-12) fi tulubbee/borborii gidduu saantima 60-100	Aduu guutuu	Baaqelaa, tamtsa 'na OFSP irraa kan ka'egaruu midhaanota baayyee walii	Boloqeewwan, baaqelaa fi atara (kan wal-keessa facafame)	Biyyee bayyee Cirracha xikiqaa 'kootticha yookiin suphee gobbataa bishaan sirriicti xuuxxate ni filata	4.5 - 7.5 ni dandamata 5.8 - 6.2 ni filata	VPC	Hiddi isanii yeroo dheeraad-haaf soorataaf ooolu waan danda auuf, hojjiin wal-duraa duubaan facaa-suu asitti hin fayyadu	Vaayitaammin A, C, B6, B5, ootashiyemii, maanganzii
Salaaaxaa	Sanyiin salaaxaa 21°C (70°F) keessatti sirriitti bigilu Ho'ina biyyee 10°C (50°F) yookiin 26 °C (80°F) gelitti wal qixaatee hin bigilu Guddina fayyaalessa ta'eef ho'inni qilleensa mijaataan: 15°C (60°F)	Inchii 6 haga 12 wal-irraa fageessuun facasaa; torri inchii 18 wal-irraa fagaata; gad-fageenyi inchii walakkaa	Waqii qorra aduu guutuu/ waqtii ho'aa aduu gar-tokkee	Biqiltoota baalaa, din-nicha, boqgolloo, dabaaqulaa fi haab-haab	Hundee diimaa, gosa rafuu maraa, karotii, shunkurtii, qu-lubbii adi	Biyyee cirracha	6.0-7.0	Gid-dugalees-saw	Garaagaru-mama guyyota 10 walitti fuifinsaan ni oomishama (balawwan i-r-raa kan hafu')	Vaayitaammin A, K, C, maagnizyeemii, maangaanezi, aayiranii, pootaashiyemii

* For details on OFSP, read [Everything you ever wanted to know about sweetpotato](#).

Midhaan	Ho'ina qilleensa	Fageeyenabi-qiltoota gjiduu	Aduufsa-xil ba'uumsa	Kanneen waliin facaausu hin qabne	Biratii kan facaa-suu qabdan	Gosa Biy'-yee	Sadrkaa pii echii (PH)	Sanyii quqa-chau/ ol kaa'uu	Wal duraa duubaan facaasuu	Albuudotta nyataa ijoo ta'an
Tirma atim a	Ho'ina qilleensa guyyaa keessatti siriitti guddatu: 18° -29°C (65° -89°F). Kan keessatti guddachuu dhaabu: 35°C (95°F) ol. Ho'ina qilleensa halkanii 85° ol yoo ta, iji/firii tsaa hin diimatuu	Saantima 60 (inchii 24)	Aduu guutuu	Noqkolloo, baala mi'eessitu ettoo, shunkurtii	Raafuu daraaraa (babaa gooman), Gosa raafuu maraa, kaarotii raafuu maraa, abraangoo, boqqolloo, raaifu, shunkurtii, barbaree shunkurtii, dinnicha	Kootichas and cirra-cha Kootichas.	5.5 - 7.5 ni danda-mata6.0 - 6.8 ni filata	Gidduga-leessa/ ulfaataa	Garaagarmmaa guyyaa 14tiin	Vaayitaamin C, KI, pootaashi-yeenii, vaayitaammin B (folute)
Qaraa gubaa	Haala bishaan roobaa qabu keessatti (1400-2000M)	-	-	Baaqelaa, Gosa kaa-booliis/shaanaa soomayyoo furdaa qabu (kan nyastamu)	Kaarotii, shunkurtii tomato	-	-	-	-	Vaayitaamin C fi A, akkasumas aayiranii
Shunkurtii	Kan siriitti guddatu: 13-25°C (55-75°F). Hundee qilqillina o'anaana god-hachuuhaaf yeroo xiqlummaa qilleensa qabbanaa'aan barbaada, isabooda sirttii bidchachuuhaaf ho'ina dabalataa barbaachisa.	Toora irratii Saantima 10-[12.5 (inchii 4-5)] wal irraa fagaata.	Aduu guutuu	Baaqelaa, atara, biqiluu akka urgoofuutti fayyadu (sage)	Hundee diimaa, gosa raafuu maraa, kaarotii, raaifu faran-jii, salaxxa, barbaee, goraa (straw-berry), timatima.	Cirratha biyee	5.5 - 6.8	Ulfataa	-	Vaayitaamin C, B6, pootaashiyeemii, vaayitaamin B (fo-late)
Qullubbii (adjii)	4°C (40°F) fi isaa gaditti sanyiin fa-caasuu duuraa dura guyyota 40 bar-baada	Saantima 15-20 (inchii 6-8)	Aduu guutuu	Ataraa fi baaqelaa	-	Cirracha biyee	5.5 - 8.0	Sanyii waaggaa lama kees-satti yeroo tokko	-	Magniziyeemii vaayitaamin B6 fi C
Hundee diimaa	Qorraa/ ho'aan	Toora irratii Saantima 2.5cm (inchii 1) wal irraa fagaatu, saan-tima 30-45 (inchii 12-18) wal irraa fagaatu	Guutuu/gartokke	Sanaafica/shinfaa dirree, baaqelaa	Qullubbii adii bush beans, raafuu maraa, lettuce shunkurtii	Kooticha biyees or cirracha biyees	6.0 - 7.5	Ulfataa	Graagarmmaa guyyoota 14	Wantoota magariisa: Vaayitaammin A, C, Prootini
Dabaadqula	Sadarkaan ho'ina biyee 18°C (65°F) fi no'inni qilleensa halkanii 12°C (55°F) oli dha ho'ina qilleensa 10° - 32°C (50° - 90°F) keessatti sirititi ni	Gaar/tulluu irratii saantima 5-7.5 (inchii 2-3) Kophee 8-12 wal irraa fagaata	Dinnicha/mosee	Bogqolloo, luxxeel/ habaaba, gosoota kuduraa dabaaqula falkkaatan kanneneen akka zukunii, dabaaqula xixiqqaak kf (squash).	Kooticha/ Cirracha biyee	5.5-7.5	Giddugaleessa	-	-	Vaayitaamin A fi C, faayiberii
Midhaan boloqee falk-katuu (atara gugee) (Pigeon Pea)	Prefers 18-30°C, but can grow in >35°C with good soil moisture and fertility	Inchii 12 wal irraa fagaachu Inchii 1 gad fagaachu	Aduu yookiin gaddisa	Qullubbii adii, shunkurtii, kuduraa shunkurtii fakkatu (shallots)	biiyee gosa hunda	5.0-7.0	Jirma muruud-haan salpiaa dha	jä'sadii ol	Jirma muruud-haan salpiaa dha	Prootini, faayiberii, fooleetii (yaayitaammin B)

BARNOOTA 7

QONNA MANDUUBEE KEESSAN ILBIISOTA FARRA MIDHAANII FI DHIBEEWWAN/ DHUKKUBOUTA IRRAA EEGUU

Maal akka ta'e: Too'annaa dhibee fi ilbiisa farra midhaanii qindaa'aan (integrated pest management) tooftaa eegumsa midhaanii bal'aa hojiwwan too'annaa aadaa, baayooloojikaalaa, kan qaamaa fi keemikaalawaa walitti qindeessuun ilbiisonni baayyina barbaadamuun ol akka hin taane fi dhibeewwan midhaanii ammoo akka hin babal'anne kan too'atu dha.

Maaliif barbaachise: Ilbiisonni farra midhaanii fi dhukkuboonti manca'insa/harca'insa fiduudhaan hojii qonnaa manduubee kamiin irrattiyyuu miidhaa ni geessisu. Kana jechuun ammoo baayyinni nyaataa maatii keessatti sooratamu ni xiqlaata. Kana malees, rakkolee keemilkaalota miidhaa guddaa fiduu malanii kanneen akka keemikaala farra ilbisotaatiif saaxilamuu jechuu dha.

Akkamitti raawwatama: Gaaffiwwan marii wal duraa duubaan dhiyaatanuu fi odeeffannoo wal jijiiruudhaan.

Karoora

Tarreffama midhaanii naannawa kana keessatti deeggaramanii fi qonna manduubee irratti tajaaila kennuu malan bu'uura godhachuudhaan, ilbiisota farra midhaanii fi dhibeewwan biqiltoota naannoo pirojetiidhaan deeggaramuu addaan baasuudhaan akkamitti ittisuun yookiin too'achuun akka danda'amu odeeffannoo sassaabaa.

Gosa midhaanii pirojetiidhaan deeggaramu tokko ilbiisota farra midhaanii irraa eeguudhaaf akka ta'utti, tarreffama midhaanota wal-ta'insa qabanii qopheessaa

Yeroo: Sa'atii I fi daqiiqaa 15

Meeshaalee

Ilbiisota farra midhaanii fi dhibeewwan dursanii addaan baafamanii kanneen garuu barnoota kana keessatti hin dabalamin hafan, odeeffannoo waa'ee isaanii akkasumas fakkii isaanii sassaabuu isin barbaachisa. Fakkeenyawwan ilbiisota farra midhaanii fi dhukkubootaa ilaachisee odeeffannoo dabalataaf toora [interneetii](#) kana daawwachuu dandeessu.

Gaafadhu

Gaaffii armaan gadii yeroo gaafattu, ilaachawwan garaagaraa miseensota hawaasaa keessatti argaman hubachuudhaaf tokkoon tokkoon hirmaattotaa irraa deebii gaafadhu. Dhiiroonni fi dubartoonni loogii malee deebii akka kennanu taasisi. Gaaffiin kun dhibeewwan yookiin ilbiisota farra midhaanii kamfaan akka miseensota hawaasaa kanneen akka mudatan yookiin mudachaa jiran beekuuf si gargaara.



Ilbiisota farra midhaanii fi dhibeewwan biqiltootaa kamfaatu ooyiruu fi manduubee keessan keessatti argama?

Ilbiisota farra midhaanii fi dhibeewwan yeroo ammaa hawaasicha dararaa jiiran ilaachisee deebii isaan kennan sirriitti dhaggeeffachuudhaan yaadannoo qabadhu. Kanneen caqafama keessaa isaan kamfaan akka midhaanota isaan pirojktichaan deeggaramuun amma oomishaa jiranii irratti rakkina fidaa akka jiran murteessi; kana maleess, amma hin beekaman yoo ta'an, leenjiwwan gara fuula duraatti adeemsifamu irratti qooduudhaaf, odeeffannoo sassaabi.

Gaaffii kana gaafachuu fi marii jajjabeessuun booda, gara kutaa itti aanuutti darbi.

Agarsiisuudhaan Ibsi

Ilbiisota farra midhaanii fi dhukkuboota/dhibeewwan too'achuudhaaf tooftaa too'annaa dhibee fi ilbiisa farra midhaanii qindaa'aa (IPM) jedhamu fayyadamanuu ni dandeeny. Too'annaa dhibee fi ilbiisa farra midhaanii qindaa'aa keessatti ilbiisa farra midhaanii fi dhukkuba too'achuudhaaf gulantaawwan/tarkaanfiwwan 5 fudhachuu ni dandeessu.



Waa'ee too'annaa dhibee fi ilbiisa farra midhaanii qindaa'aa maal beektu?

Waa'ee too'annaa dhibee fi ilbiisa farra midhaanii qindaa'aa ilaachisee hubannnoo/beekumsa miseesnonni hawaasaa qaban sirriitti dhaggeeffadhu. Sadrkaan hubannaamiseensota hawaasaa wal fakkaataa ta'uun isaa addaan baafadhu. Sadrkaan hubannaawal fakkaataa yoo ta'e, barumsa kanatti fayyadamuudhaan odeeffannoo qoodame keessaa kan sirrii hin taane sirreessi, akkasumas bakka odeeffannoongahaa hin taane miseensota hawaasaatiin kennametti gulantaawwan hir'atan itti dabali.



Gulantaawwan 1 haga 5 jiran tooftaawwan walii galaa ti. Odeeffannoontokkoon tokkoon ilbiisota farra midhaanii fi dhibeewwanii edaasa 5 (annex) keessaatti argama. Odeeffanno kana ilbiisa farra midhaanii fi dhibee hawaasicha miidhaajiru bu'uura godhachuudhaan fayyadami.

Gulantaawwan 5 too'annaa dhibee fi ilbiisa farra midhaanii qindaa'aa kanneen armaan gadiiti:

- Gulantaa 1: Ittisuu
- Gulantaa 2: Qorannaa gochuu yookiin sakatta'uun
- Gulantaa 3: Addaan baasuu
- Gulantaa 4: Miidhaa midhaan irra gahe gamaggamuudhaan yoom akka tarkaanfin fudhatamuu qabu murteessuu
- Gulantaa 5: Tarsiimoowwan too'annaa ilbiisota farra midhaanii fi dhukkubootaa hojii irra oolchuu



Gulantaawan kanneen hunda isaanii ibsuun barbaachisaa akka hin taane yaadadhu. Marii darbee keessatti hubannoo qabatamaan addan baafattan irratti hundaa'uudhaan gulantaawan filattee ibsuu ni dandeessa.

Gulantaa I: Ittisuu Ilbiisota farra midhaanii fi dhibeewwan jalqabumaa kaafnee ittisuu akka dandeenyutti qonna manduubee keenya haa ijaarru.



Qonna manduubee keessan ilbiisoat farra midhaanii fi dhibeewwan irraa ittisuuf maal maal raawwattu?

Deebii isaan kennan sirriitti dhaggeeffadhu. Gochaawanisaan ilbiisota farra midhaanii fi dhibeewwan ittisuudhaaf fayyadamaniiif beekkamtii ketti; odeeefannoosirrii hin taane yoo jiraate sirreessi akkasumas muuxannoowwan/shaakalawwan barbaachisaa kanneen isaan hin caqasin hafan yoo jiraatan isaaniif qoodi:

- Meeshaalee sanyii ittiin facaastanu yookiin biqiltuu ittiin dhaabdanu dhukubaa fi ibiisota farra midhaanii irraa bilisa ta'an fayyadamaa
- Hordaa fi meeshaalee biroo bishaan qulqulluu fi saamunaan miiccuudhaan qilleensa keessatti akka gogu taasisaa. Kana malees, meeshaleen kunneen abiddaan gubuun yookiin alkooliidhaan haxaa'uudhaan qulqulla'u ni danda'u.
- Aramaan akka hin biqilleetti baala biqilootaa goggogaa lafa irra afaa (mulching)
- Biqiltoota gidduutti walirraa fageenya sirrii fayyadamaa
- Midhaan wal jijiiruudhaan facaasaa
- Biqiltoota waliin michoomina qaban yookiin hariroo wal-ta'insaa qaban waliin facaasaa
- Biqiltoota gidduutti walirraa fageenya sirrii hambisaa
- Midhaan wal jijiiruudhaan facaasaa
- Biqiltoota waliin michoomina qaban yookiin hariroo wal-ta'insaa qaban waliin facaasaa
- Baala biqilootaa goggogaa lafa irra afuudhaan akkasumas bishaan amma barbaachisuun ol hobaasuu dhiisuudhaan biyyeen dhukkuba qabu gara baala biqiltootaatti akka hin facaane eggannoogodhaa
- Aramaa utuu wal hin horin buqqisuudhaan keessaa gataa
- Biqiltoota deeggarsa barbaadan kanneen akka timaatimaa jala utubaa dhaabudhaan akka qilleensi salphaatti keessa naanna'u akkasumas dhibee fiduuf mijataa akka hin taane gdodhaa
- Aramaan wal horuu isaatin dura keessaa buqqisaa gataa
- Biqiltoota gaalee (kanneen biqiltoota biroo irratti hirkachuu isaan barbaachisu) kanneen akka timaatimaa utubuudhaan sosochii qilleensaa dabaluudhaan dhukkubootaaf akka hin mijanne taasisaa
- Biqiltooni fayaaleessa ta'anii fi jajjaboon ilbiisota farra mdiahanii fi dhibeewwan dandamachuuf/ofirra ittisuu/ waan danda'anuuf, tooftaawwan qonaa gaarii/ fooyya'aa gabbina biyyee fi itti fayyadama bishaanii of keessatti qabatu hordofaa

- Ilbiisota tokko tokko waan hawwachuu/harkisuu danda'uuf, xaa'oo naayitiroojiinii amma barbaadamuun ol fayyadamuu irraa of qusadhaa

Gulantaa 2: Qorannaa gochuu



Ilbiisota farra midhaanii if dhibeewwan ittisuudhaaf waan dandeessan hundumaa erga raawwattanii booda, waa'ee ilbiisota farra midhaanii fi dhibeewwan kanneenii xiinxaluu yookiin qorannoo adeemsisuutu isin irraa eegama. Kun ammoo qorachuu jedhamuudhaan beekama. Mee amma tapha tokko haa taphannu. Taphi kun waa'ee ilbiisota farra midhaanii fi dhibeewwanii beekumsa waliagalaa qabnu akka waliif qoodnuuf akkasumas walii keenya irraa akka barannuuf nu gargaara.

Meeshaalee barbaachisan: waan wal harkaa butamu (citaa moofaa/huccuu bittinnaa'aa, meeshaalee qonna manduubee, kkf), tarreeffama gaaffiwwanii

- Garee lama uumaa
- Hoijetaan misoomaa yookiin dadammaqsituun hawaasaa (CA) tokkoon tokkoon gaaffii gareewwan kanneeniif haa dubbisu
- Gareen deebii kenu wanta sanatti figuudhaan ol fuudhee harkatti baatee deebii isaa kennuu qaba
 - Deebiin sirrii yoo ta'e, gareen sun qabxii | argata
 - Deebiin sirrii yoo hin taane, gareen biraa deebii kennuu ni danda'a. Deebiin sirrii yoo ta'e, gareen inni kun ammoo qabxii | argata

Tapha kana fayyadamuudhaan waa'ee qorannaq qooduuf akkasumas barachuuf carraaqqii gareewwan godhaniif galteeffachuuudhaan gara gaaffii isa itti aanuutti darbi.



- Ilbiisota farra midhaanii deddeebii hagamiitiin qoranna yookiin ilaalla?
Deebii: *Torbanitti guyyaa lama*
- Ilbiisonni farra midhaanii jiraachuu isaanii beekuuf guyyaa keessaa yeroo akkamii qorachuu qabna? Maaliifi?
Deebii: *Yeroo baayyee ganama obboroo, sababiinsaa yeroon kun yeroo ilbiisonni halkanii bakkeetti mul'atan akkasumas yeroo ilbiisonni guyyaa hiriba isaanii keessaa dammaqana waan ta'eef. Haa ta'u malee, ilbiisota tokko tokko qabuu danda'auudhaaf yeroo biraq isin gaafachuu ni mala*
- Ilbsota eessa keessa barbaaduu qabdu?
Deebii: *Yeroo baayyee jala baala isaanii, sababiinsaa bakki kun iddo ilbiisonni baayyeen jiraatan waan ta'eef*
- Gaaffii Dabalataa: Sababii saffisa isaanii yookiin ammoo baayyee xixiqqoo ta'uu isaanii irraa kan ka'e, ilbiisota arguun rakkisaa yoo ta'e, akkamitti arguu/ilaaluu dandeessu?
Deebii: *Iddoon tokko tokko mucucaataa ta'uu ni mala, haa ta'u malee iddoowwan akkasii miseensota hawaasaa kunneen keessatti argamuu dhiisuu ni malu, kanaafuu beekumsaa fi muuxannoowwan naannootti hojji irra oolan dhaggeeffadhu*



Ilbiisonni lafa manduubee keessaniitiif faayidaa qaban jiru jettanii ni yaadduu?
Yoo akkasitti ni yaaddu ta'e, isaa kamfaatu faayidaa qaba?

Deebiwwan fudhatama qaban sirriitti dhaggeeffadhu- Ilbiisonni faayidaa qaban yoo caqafaman, miseensonni kunneen isaan kamfaan faayidaa qabeessa jedhanii akka amanan akkasuas maaliif akka ta'e addaan baafadhu.

Fakkeenyawwan muraasni:

- Kanniisa: poolineeshiinii dhaaf gargaaruu ishee (kana jechuunis qaama kormaa fi dhalaa biqiltootaa walitti fiduudhaan wal hormaata biqiltootaa dhugoomsuu)
- Sinbirrootaa fi goondaa: afidotaa fi ilbiisota biroo nyaachudhaan

Gulantaa 3: Ilbiisota farra midhaanii fi dhibeewwan addaan baasuu

Qonna manduubee keessatti ilbiisa farra midhaanii yookiin dukkuba yoo argitan, akkamitti yaaluu akka dandeessan beekuudhaaf duraan dursitanii addaan baafachuu qabdu. Ilbiisa farra midhaanii yookiin dhibee isin beekuu hin dandeenye yoo jiraate, hojjetaa misoomaa yookiin ogeessota biqiltootaa sadarkaa aanaa irratti argaman gaafadhaa.

Gulantaa 4: Miidhaan miidhaan irra gahe qorachuudhaan yoom akka tarkaanfiin fudhatamuu qabu murteessuu

Amma ilbiisa farra midhaanii yookiin dhibee argitanii addaan baafattaniittu; kanaafuu, tarkaanfiin fudhachuu barbaachisuu isaa irratti murteessuu qabdu.

- Miidhaan salphaa yookiin xiqqaa (baalawwan biqiltootaa dhibeentaa 20-30 (20-30%) harca'uu yookiin halluu keellootti jijiiramuu isaanii). Miidhaan sadarkaa kana irra jiru oomisha irratti miidhaa hagas mara waan hin geessifneef tarkaanfii fudhachuu irra too'annaa gochuu qabdu.
- Midhaanonne bilchaatoo fi fayalessa ta'an caalaatti miidhaa dandamachuu waan danda'anuuf, duraan dursitanii biqiltoota haaraa fi hin bilchaanne irratti tarkaanfii fudhachuu qabdu.

Gulantaa 5: Tarsiimoowwan too'annaa ilbiisota farra midhaanii fi dhukkubootaa hojii irra oolchuu

Tarsiimoowwan too'annaa gosa afurtu jiru: Isaanis, tooa'nnaa aadaa, kan baayolojikaalaa, kan qaamaa fi kan keemikaalaa til:

- **Too'annaa Aadaa:** Kunneen gochaawan ittisa ilbiisota farra midhaanii fi dhukkubootaa jalqaba barumsa keenyaa guyyaa har'aa keessatti irratti haasofne kanneen akka meeshaalee qulqullinaan qabachuu, midhaan wal jijiiranii facaasuu, biqiltoota wal-irraa fageenya sirrii ta'een facaasuu fi kannneen kana fakkaatan of keessatti qabatu.
- **Too'annaa Baayolojikaalaa:** Jalqaba barumsa keenyaa guyyaa har'aa keessatti akkuma maryanne uumamaan diinota ilbiisota farra midhaanii kan ta'an yookiin bineenonni/ilbiisonni faayidaa-qabeessa ta'an fi ilbiisota miidhaa geessisan kanneen akka rimmaa fi ilbiisota farra midhaanii biroo mancaasan ni jiru.
- **Too'annaa Qaamaa/Fiizikaalaa:** Tooftaan kun biqiltota ilbiisota farra midhaanii fi dhukkubootaan faalaman/miidhaman baasanii gatuudhaan miidhaa gahu malu hambisu yookiin akka qonna manduubee irratti hin babal'anne ittisu dha. Tarsiimoon kun hojiwwan armaan gadii of keessatti qabachuu ni danda'ae:
 - Ilbiisota suuta deeman kanneen nama hin hiddine, hin ciniinne yookiin hin qimmiidne harkaan funaunuun keessaa baasanii gatuu. Ilbiisota kanneen harkaan funaantan finjaala/kubbaayyaa bishaaniif saamunaa wal-makaa qabu keessa buusuudhaan dafanii akka isaan du'an godhaa.
 - Wantoota gara qonna manduubee seenuu danda'an ittisuudhaaf, naannoo manduubeetti yookiin ammoo naannoo tokkoon tokkoon biqiltootaatti dallaa/ kellaajaa. Gocha kana yeroo sanyii biqiltootaa biqilchitan yoo raawwattan caalaatti faayidaa qaba.



Ilbiisonni farra midhaanii akka hin seenne dhorkuudhaaf yeroo ammaa maal fayyadamaa jirtu?

Galoo/keellaa isaan yeroo amma gargaaraman sirriitti dhagggeeffadhu. Saaphana, sibiila yookiin waraqaan gad itti haguugamu fayyadamuun akka filannoo tokkootti ni tajaajila ture; garuu meeshaaleen kanneen naannootti argamuu dhiisuu ni malu.

■ **To'o'anna Keemikaala:** Kanneen haga ammaatti irratti maryanne hunda yaalii gootanii tarii ilbiisota tokko tokko too'achuun yoo isiniif dadhabame, too'anna keemikaala fayyadamuun diraqama isinitti ta'uun ni mala. Amma illee, filannoon tokko qoricha farra ilbiisotaa uumamaa/baayolojikaala meeshaalee uumamaa kanneen akka biqiltootaa fi bineensotaa irraa hoijetame fayyadamuun dha. Baayyeen isaanii manatti hoijetamuun ni dand'u. Fakkeenyaa, ilbiisota farra midhaanii harkaan funaantan sana finjaala tokko guutuu walitti cuunfuudhaan, haphee/cuunfaa hoijechuu ni dandeessu. Cuunfaan farra ilbiisotaa kun lafa qonna manduubee irratti facaafama. Kun ammoo bineensota kanneen bineensota biroo sooratan hawwachuudhaan akkasumas wantoota dhukkuba fidan facaasuudhaan ilbiisota gara fuula duraatti dhufuu malan balleessuu ni danda'a.



Qoricha farra ilbiisotaa uumamaa/baayolojikaala gosa akkamii faayyadamtu?

Waa'ee qoricha farra ilbiisotaa uumamaa/baayolojikaala naannootti qophaa'anuu akkamitti akka hoijetaman dhaggeeffadhu. Zayita niimii utuu hin ta'in baala niimii (neem leaves) akkasumas saamunaa farra ilbiisotaa caqasuu/maqaa waamuu/ isaanii dhaggeeffadhu. Argama qoricha farra ilbiisotaa uumamaa/baayolojikaala naannoottiif beekkamti kenuudhaan yookiin galateeffachuudhaan gara 'keemikaala farra ilbiisotaatti' darbi.



Edaasni (annex) qoricha farra ilbiisotaa uumamaa/ baayolojikaala baayyee akkamitti akka qopheessun danda'amu qajeelfamoota of keessatti qaba.

Keemikaalonni farra ilbiisotaa fayyaa nama fi bineensotaa akkasumas qulqullina biyyee fi bishaanii irratti miidhaa geessisuun ni danda'u. Kanaafuu, qorannoo sirrii ta'e hordofuudhaan akkasumas miidhaan ilbiisonni farra midhaanii geessisan too'annaadhaan ol yoo ta'e qofaa of eeggannooguddaadhaan fayyadamuun barbaachisa. Sababii tokkoon tokkoon qoricha farra ilbiisotaa garaagarummaa qabuu fi qajeelfama sirriitti ittiin raawwatan kan mataa mataa isaa qabaatuuf, nama qoricha farra ilbiisota itti naquudhaan leenjii fudhate qacaruudhaan akka hoijechiiftaniif isin gorsina. Qoricha farra ilbiisotaa keemikaala yoo fayyadamtan, tokkoon tokkoon oomishaa bu'uura godhachuudhaan addaa addummaa kan qaban seeronni of-eeggannooguddaadhaan waa jiranuuf, qorichi sun gosa akkamii akka ta'e dursanii beekuun barbaachisaa dha.

Qajeelfamoota Of-eeggannoo

- **Yeroo deebi'anii seenuu:** Kana jechuun yeroo erga qorichi itti biifamee booda lafa manduubee yookiin oyiruu deebi'anii seenuun danda'amu jechuu dha. Kun ammoo gosoota qoricha farra ilbiisotaa irratti hundaa'uudhaan garaagarummaa waan qabuuf, yeroo sirrii qaama qoricha sana isinitti gurgure gaafadhaa. Lafa qonnaa keessaniitti deebitanii kan seentanu miila qullaa/duwwaa yoo ta'e, yeroo itti seenamuu malu irratti dabalataan turtanii seenuu qabdu. Waa'ee kanaa miseensota maatii keessaniitti himuudhaan akka isaan dafanii oyiruu hin seenne taasisuun barbaachisaa dha.
- **Jechoota hubannoo kennans:** Qorichi sun meeshaa jalqaba ittiin oomishamee dhufe keessa yoo jiraate, jechoota 3 sadrkaa summaa'ina isaa odeeffannoo kennan keessaa tokko of irraa qabachuu ni mala. Isaanis, 'Caution' yookiin 'Of Eeggannoo' (jechuunis xiqqoo summaa'aa), 'Warning' yookiin 'Akekkachiisa'- (jechuunis giddugaleessaan summaa'aa), 'Danger and Danger-Poison' yookiin 'Balaa fi Balaa Summii' (jeschuunis, baayyee summaa'aa). Qorichi xiqqoo summaa'aa ta'e iyuu yoo baayyinaan itti saaxilamne miidhaa fiduu akka danda'u hubachuu qabdu.
- **Sirriitti waliin makuun itti naquu:** Sumaa'inni qoricha farra ilbiisotaa furdina bulbulaa isaa irratti hundaa'a. Kanaafuu, sirriitti waliin makuuf/bulbuluudhaaf akkasumas itti naquudhaaf qajeelfama hordofuun barbaachisaa dha.
- **Meeshaalee of eeggannoo huffachuu:** Keemikaalota miidhaa fidaniif akka hin saaxilaneef eeggannoo gochuudhaaf, meeshaalee nageenya eeaguuf gargaaran huffachuun barbaachisaa dha. Qorichooni farra ilbiisotaa qaama yookiin ija tuquudhaan, liqimfamuudhaan, qilleensa qorichichaan faalame ol fudhachuudhaan miidhaa fiduu ni danda'u.
- **Kuufama:** Qoricha farra ilbiisotaa yeroo hundumaa meeshaa adda ba'e beekame fi kan meeshaa biroo waliin wal hin fakkaanne keessatti kuusudhaan bakka daa'imman bira gahuu hin dandeenye ol kaa'aa. Isa booda bakka daa'imman dhaqqabuu hin dandeenye ol kaa'aa.
- **Yeroo sadii miiccuu:** Meeshaa qorichaa duwwaa yeroo qulqulleessitanu, yeroo sadii irra deddeebi'aa miiccaa, garuu irra deebitanii meeshaa sanatti hin fayyadaminaa. Akkaataa meeshaa sana irratti barreeffameen keemikaalli tajaajila kennee hafe akkasumas meeshaan isaa sirriitti gatamuu isaa mirkaneeffadhaa.
- **Oomishoota sobaa yookiin kan fakkeeffamuun oomishamanii fi qulqullina gad-aanaa qaban:** Sababii hanqina mankuusa sirrii, too'annaa gad aanaa akkasumas hanqina xiyyeefanna irraa kan ka'e, oomishoonni kijibaa, kannneen fakkeeffamanii oomishamanii fi kanneen faayidaan isaanii gad-bu'aa ta'e bal'inaan gabaa keessatti ni argamu.
- **Qoricha farra ilbiisotaa itti naquun booda:** Harka keessanii fi guutummaa qaama keessanii sirriitti dhiqachuun baayyee barbaachisaa dha.





**Muuxannoowwan ittisaa fi too'annaa ilbiisota farra miidhaanii fi
dhibeewwaniitiif fayyadan keessaa kamiinfaa fayyadamuu barbaaddu?
Muuxannoowwan kanneen akka hojii irra hin oolchineef maalfaatu gufuu isintti
ta'a?**

Deeggarsa oogummaa yookiin hojiawan haala mijeessuu/qindeessuu pirojektichi kennuu danda'u yoo jiraate dhaggeeffadhu. Itti fayyadamaa fi too'annaa qabeenyaa, baayyina hojii fi muuxannoowwan kanneen fayyadamuu irratti aangoo murtee kennun wal qabatee dhimmoonni saalaa yoo jiraatan dhaggeeffadhu.

MEESHAALEE/WANTOOTA WAA'EE ILBIISOTA FARRA MIDHAANII FI DHIBEEWWANII ILAALCHISEEE HOJJETTOOTA DIRREETIIF BARBAACHISAN

Fakkeenyaawwan ilbiisota farra midhaanii fi dhukkubootaa ilaachisee odee effannoo dabalataaf toora [interneetii](#) kana daawwachuu dandeessu.

ILBIISOTA FARRA MIDHAANII

RAAMMOO MURTUU/ BUNQURSAAN

Midhaanota: Baaqelaa asheeta, raafuu maraa, firii boqqolloo fi salaaxaa

Yoom akka arguun danda'amu: Galgala, sababiinsaa guyyaa ni dhokatu waan ta'eef

Miidhaa: Baalawwan ni nyaata; jirma ammoo lafarratti yookiin lafarratti dhiyessee ni mura.

Raammoor Ittisuu

- Bineensota uumamaan raammoor sooratanu: Ilbiisa dukkana keessa dhqni ishee iftuu (fireflies) fi simbirroota.
- Dhuma waqtii irratti bunqursaan yoo jiraate, lafa manduubee keessanii keessa deddeebi'uudhaan qotaa.
- Aramaa fi marga keessatti aragmu facaasuun dura torban sadii dursuudhaan keessaa balleessaa.
- Mormee yookiin kullittaa biqiltootaa fayyadamaa.

Bunqursaa/Raammoor Too'achuu

- Halkan harkaan funaanuu. Raammoowwan kanneen funaanuudhaan bishaan saamunaa qabu keessa buusaa; gochaa kanas halkanoota 2 haga 3f irra deddeebi'uun raawwadhaa.
- Daakuu bunaan itti hin fayyadamne yookiin qola buphaa/killee yoo jiraate naannoo biqiltoota keessaniitti firfirsaa/facaasaa.
- Ganama ganama bishaan hobaasaa.

AFIIDOTA (ILBIISOTA BIQILTOOTA XUUXANU) (APHIDS)

Midhaanota: Dabaaqulaa fi kuduraalee daabaaqula fakkaatan, dabaaqula faranji, luxxee/habaaba (melon), baaqelaa, dinnicha/mosee, salaaxaa, hundee diimaa, raafuu faranjii fi raafuu gurraacha.

Eessa barbaaduun/ilaaluun akka barbaachisu: Baala biqiltootaa jala.

Miidhaa isaan geessisan: Gosa biqiltootaa irratti hundaa'uudhaan, cuunfaa biqiltoota keessaa ni xuuxu, baalota biqiltootaa, jirma, kichuu, daraaraa/abaaboo, firii, akkasumas hidda biqiltoota haaraa ni miidhu. Baqa qaamaa jajaallaa, dadacha'uu, qancarummaa, baala bifaa keellootti jijiirame, baala yookiin jirma biqilaa haphee godhate, dameewwanii fi baalota gurraacha'an, abaaboo fi ija bifaa fi bocni isaanii fokkise ilaala.

Afiidota Ittisuu

- Ija/firii midhaanii fi mukeen gaaddisa qabaniif, cuunfaa zayita biqiltootaa itti biifuudhaan killee afiidotaa aijeesaa.
- Ilbiisoonni faayidaa-qabeessa ta'an kanneen akka boombii dhala, leeswiingii (lacewings), soonsa afiidota nyaachuudhaan ni tajaajilu.
- Biqiltoota michoomina qaban yookiin kanneen wal ta'insaan waliin jiraatan: suufii, quellubbii, fi kkf.
- Afiidonni shinfaa/sanaafica ofitti ni harkisu/hawwatu.

Affidota Ittisuu

- Biqiltoota afiidota qaban afiidota irraa balleessuudhaaf bishaan dilalla'a'aa biqiltootatti biifaa
- Biqilaa sanaa yookiin ilbiisa sanatti kaneen armaan gadii itti naqaa:
 - Daakuu
 - Saamunaa farra ilbiisotaa guyyaa 2 haga sadii giddutti torban lamaaf
 - Zayita niimii
 - Saamunaa farra ilbiisotaa
 - Zayita daaraa biqiltootaa irraa cuunfame

ILBIISOTA GOGAA HUFFATAN (SCALE INSECTS)

Midhaanota: Kuduraawan utuu hin ta'in muduraawan yookiin firii/ija mukkeenii.

Eessa barbaaduun/ilaaluun akka barbaachisu: Jirma biqiltootaa, damee, soomayyoo, baala yookiin ija.

Miidhaa: Jirmootaa fi dameewan biqiltootaatti qabachuudhaan dhangala'aa biqiltoota keessatti argamu kan nyaata biqiltoota kaneenii baate deemu ni nyaatu.

Ilbiisota gogaa huffatan ittisuu

- Dameewan ilbiisota kenneeniin miidhaman gamashuu/qeexxa'uudhaan harkaan irraa gataa.

Ilbiisota gogaa huffatan too'achuu

- Bineensota ilbiisota kanneen nyaatan: Boombii hojjetaa, boombii haadhoo, fi soonsa maxxantuu.
- Dameewwan ilbiisota kenneeniin miidhaman gamashuu/qeexxa'uudhaan irraa gataa.
- Baayyina yoo hin qaban ta'e, harkaan funaanuudhaan irraa gataa.
- Cuunfaa zayitaa biqiltoota irraa hojjetame killee isaaniitti yookiin qaama isaaniitti sirriitti naqaa.
- Saamunaa farra ilbiisotaa irra deddeebi'uudhaan killee yookiin laarvaa isaaniitti naqaa.

RAAMMOOWWAN MIDHAANII GOSA ADDAA ADDAA (NEMATODES)

Midhaanota: Timaatima, barbaree/mixmixxa/, dabaaqula faranjii, dabaaqula, ookiraa (okra), hundee diimaa, kaarotii, atara salaaxaa, dinnicha/mosee, raadishii.

Raammoowwan kunneen eessatti akka argaman: Hidda biqiltooataa, haa ta'u malee, isaan sirriitti arguudhaf maayikirooskooppi yookiin meeshaa wantoota ijaan hin argamne guddisee mul'isu fayyadamuu barbaachisa. Kanaafuu, mallaattoowwan armaan gaditti ibsaman biqiltoota irra barbaadaa.

Miidhaa: Dhidhiita'u hidda biqiltootaa, bishaanii fi albuudota nyaataa biqiltootaa ni xuuxu; biqiltooni coolliguu yookiin laabba'u ni malu; baalota bifaa keeloo qabaachuu, guddina guutuu guddachuu dhabuu yookiin yoo baayyee miidhaman du'u ni danda'u.

Raammoowwan midhaanii gosa addaa addaa Ittisuu

- Midhaan wal jijiiruudhaan facaasuutti fayyadamuu.
- Gosoota midhaannii ilbiisota farra midhaanii dandamachuu danda'an facaasuu.
- Biqiltootaa fi biyyee qulqulluu fayyadamaa; biqiltoota lafa ilbiisota kanneeniin qabaman irraa buqqisuudhaan bakka bilisa ta'e irratti hin dhaabinaa.
- Lafa ilbiisota kanneeniin qabaman irraa bishaan yaa'uu gara lafa qulqulluutti jallisii hin fayyadaminaa.

Raammoowwan midhaanii gosa addaa addaa Too'achuu: Too'achuun baayyee ulfaataa waan ta'eef tooftaawwan armaan olitti ibsaman fayyadamuudhaan ittisuu irratti xiyyeffachuu barbaachisa.

Qoricha biifamu kan uumamaa qopheessuu

Baalota Niimii Qopheessuu

Baalli niimii gogfamuudhaan ija midhaanotaa waliin walitti makamuu ni danda'a. Baala niimiitti kan fayyadamuu qabnu utuu ilbiisonni midhaan keenya irraan miidhaa hin geessisin ta'u qaba. Ooyiruu irratti yoo fayyadamne, niimii yeroo biifnu kanneen armaan gadii duraa duubaan raawwachuu qabna:

- Baala damee irraa ciruudhaan xixiqqeessaa kukkutaa
- Baala kiiogiraama I bishaan liitira 5niin waliin makaa
- Makaa baalaa fi bishaanichaa guyyaa tokkof tursaa
- Caccabaa keessatti argamu malu calaluudhaan dhangagla'aa isaa qofa fayyadamaa

Saamunaa Farra Ilbiisotaa

1. Biifuudhaaf xaarmushii/qoruuraa qulqulluu fayyadamaa. Kan kanaan dura tajaajila kenne yoo ta'e ammoo sirriitti qulqulleeffamuu qaba.
2. Saamunaa dhangan'aa fallaana 4 haga 5 ta'u bishaan liitira 3.7 yookiin gaaloonii I ta'utti naqaa waliin makaa (keemikaalota adddeessuuf, urgaa (fooolii gaarii) kennuuf yookiin jiidhina kennuuf gargaaran fayyadamuun hin barbaachisu).
3. Duraan dursitanii, biqiltoota muraasatti naquudhaan yaalii gochuu barbaachisa.
4. Saamunaa harka wllakkaa xiqqoo caalu bishaan liitira Itti naqaa waliin maka.

DHIBEEWWAN/DHUKKUBOOTA

DHIBEEWWN LIGIDEESSAA (RUST DISEASES)

Midhaanota: Timaatimaa fi bolqqeewan gosa addaa addaa yookiin baaqelaa.

Ibsa: Dhukkuba maxxantuu fangasii ti.

Miidhaha: Garaa baalaa isa gubbaa irratti waan akka tuqaa/godaannisaa bifaa keeloo yookiin addii qabtu mul'ata. Dugda/jala baalaatti ammoo waan dhidhiita'aa bifaa diimaa haga burtukaanaatu mul'ata.

Daddarbuu: Dhukkeen/daakuun biqiltoota dhukkubichaan qabaman irraa gara biqiltoota fayyaatti qilleensaan yookiin bishaaniin daddarbuu ni mala.

Dhukkuba Ligideessaa Too'achu (Too'achuun baayyee ulfaataa dha)

- Kutaa/qaama miidhame hundumaa irraa muraa gataa.
- Daandii gidduu biqiltoota qulqulleessuudhaan babal'ina dhukkubichaan ittisaa.
- Bishaan yeroo obaftanu baalatti hin facaasinaa.

Dhibee Ligideessaa Ittisuu

- Yeroo dhibeen kun xiqqoo jalqabeeutti, saalfariidhaan fayyadamuudhan biqiltoota irraa awwaara/dhukkee qulqulleessaa.
- Qilleensi akka gaariitti akka gidduu naanna'uuf biqiltoota keessan wal irraa fageenya sirrii ta'een facaasaa/dhaabaa.
- Bishaan yeroo obaftanu hiddatti naqaa malee baalatti hin facaasinaa.

DHIBEE GOGGOGSAA (BLIGHT)

Midhaanota inni miidhuu danda'u: Timaatimaa fi dinnicha/mosee.

Ibsa: Jalqaba baalota biqiltootaa angafa (dura uumamanii) fi kanneen lafatti dhiyaatan irraa eegala. Tuttuqqaawwan yookiin goodannisawwan booca addaa addaa qabanii fi bifa qubeelaatiin tuuta'uun mul'atanutu biqiltoota irratti mul'ata; akkasumas tuqaan tokkichi walakkeessa baala biqitootaa irratti mul'achuu ni mala.

Miidhaa: Dhiveen kun baala biqilaa walakkaadhaa olii irratti babal'atera yoo ta'e, biqiltoota kanneen baayyee ni dadhabsiisa. Haa ta'u malee biqiltoota kanneen hin ajeesu.

Daddarbuu: Dhukkeen/daakuun biqiltoota dhukkubichaan qabaman irraa gara biqiltoota fayaatti qilleensaan yookiin bishaaniin daddarbuu ni mala.

Dhיבee Goggogsaa Ittisuu

- Midhaanota/biqiltoota dhivee kana dandamachuu danda'an facaasaa.
- Midhaan wal jijiiranii facaasuutti fayyadamaa.
- Biqiltoota wal irraa fageenya sirriidhaan facaasuu yookiin dhaabuudhaan aduu guutuu aragachuu isaanii akkasumas baaloni sirriitti goguu isaanii mirkaneessaa.
- Baala biqilaa jalqaba dhivee kanaan qabame irraa muraa.
- Timaatima bakka wal irraa fageenya bal'aa ta'ee fi aduu guutuu qabu irratti facaasuudhaan baalli isaa ganamaa fi rooba booda akka gogu taasisaa.
- Baalota biqiltootaa goggogaa lafa irra afuudhaan (mulch) yeroo bishaan obaafatan yookiin yeroo roobaa biyyeen dhivee qabu akka baalatti hin facaane ittisaa.
- Erga biqiltooni firii kennu eegalani booda, dameewwan baalaa 3 haga 4 ta'an kanneen gajjallaatti argaman irraa muraa gataa.
- Biqiltoota dhivee kanaan miidhaman dhuma waqtii oomishaa booda ooyiruu keessaa balleessaa.

Too'annaa Dhivee Goggogsaa

- Baalota gara gajjallaatti argamanu gamashuu/muruudhaan baayyina dhukkee hir'isuudhaan dhiveen sun saffisaan akka hin babal'anne taasisaa.
- Baalota biqiltootaa dhivee kanaan miidhaman muraa gataa.

WAAGII/ARAMAAMOO

Midhaanota: Baaqelaa yookiin boloqqeewan gosa garaagaraa, hundee diimaa, kaarotii, dabaaqula faranjii, salaaxaa, luxxee/habaaba, atara, barbaree, dabaaqulaa fi timaatimaa.

Ibsa: Jalqaba daakuu adii fakkaatutu dugdaa fi garaa baalotaa, kichuuwwanii fi darbee darbee ammoo daraaraa akkasumas firii irratti mul'ata. Bifuma kanaan suuta suutaan guutummaa baalotaa fi jirma/agadaa biqiltootaa irratti ni babal'ata. Shunkurtii, barbaree fi timaatima irratti godaannisa bifa keeloo qabu baala isaanii irratti ni uuma. Biyyeewan jidhina gad-aanaa qabanuu fi jiidhina qilleensaa ol'aanaa keessatti baayyinaan ni babal'ata.

Miidhaa: Firii/ija midhaanii aduudhaaf ni saaxiluudhaan baalonni bifa akka badan yookiin akka du'an ni taasisa.

Daddarbuu: Dhukkeen/daakuun qilleensaan bishaaniin daddarbuu.

Waagii Ittisuu

- Midhaanota dhibee kana dandamachuun danda'n facaasuu.
- Bakka aduun baayyinaan argmutti facaasuu.
- Baalonni giguudhaaf yeroo akka argatanuuf bishaan ganama ganama obaasaa.
- Qilleensi akka gaariitti akka biqiltoota keessa naanna'u mirkaneessaa.
- Waqtii oomishaa sanaan booda haftee midhaanota dhibee kanaan miidhamanii hunda funaananaa gataa.
- Baalota biqiltootaa goggogaa lafa irra afuudhaan (mulch) yeroo bishaan obaafatan yookiin yeroo roobaa dhukkeen dhibee qabu akka baalatti hin facaane ittisaa.

Waagii Ittisuu Too'achuu

- Cuunfaa yookiin zayita biqitoota irraa hojjetame (niimii) fayyadamaa.
- Baalota biqiltootaa dhibee kanaan miidhaman muraa gataa.

HOJIIWWAN YAROO SASSAABBII FI SASSAABBII BOODAA

Maal akka ta'e: Karoorri barumsaa kun hojii sassaabbii, kunuunsa sassaabbii boodaa, gogsuu fi qorrisiisuu/diilalleessuu midhaanota kuduraa fi muduraa ilaachisee muuxannoo gaarii ni qoodaa.

Maaliif barbaachise: Gosootni nyaataa albuudaan badhaadhan, keessumaa ammoo muduraa fi kuduraan carraan dafanii baduu/shamuu isaanii baayyee ol'aanaa dha. Kanaafuu, muuxannoowwan gaarii fi hojiiwwan kuusuu salphaa ta'an fayyadamuudhaan harca'ina sassaabbii boodaa hir'isuu akkasumas argama nyaata nageenya qabuu mirkaneessuu ni dandeensa.

Akkamitti raawwatama: Gaaffiiwwan marii walitti fufiinsa qaban yookiin wal duraa duubaan dhiyatani gaafachuu fi muuxannoowwan gaarii wal jijiiruu.

Karoora: Meeshaalee akka agarsiisa suphee bishaaniin waraabamuu/okkotee/ottee tiif gargaaran walitti sassaabaa; Meeshaa midhaan itti naqamu waanuma naannoo jiru irraa hojjedhaa.	Meeshaalee <ul style="list-style-type: none">• 2 Ottee/okkotee suphee irraa hojjetame 2 kan hin gubanne yookiin hin silaane, cirrachaa fi bishaan• Meeshaalee keeshaa/jooniyaa ittiin hojjetamu (kana yoo agarsiisuu barbaaddan)
Yeroo: Daqiiqaa 60 haga 75	Viidiyoo/Suursagalee: Meeshaa qabbaneessituu okkotee-okkotee-keessaa: Pot-in-Pot Refrigeration

Gaafadhu

Gaaffii armaan gadii yeroo gaafattu, ilaachawwan garaagaraa miseensota hawaasaa keessatti argaman hubachuudhaaf tokkoon tokkoon hirmaattotaa irraa deebii gaafadhu. Dhiiroonni fi dubartoonni loogii malee deebii akka kennanu taasisi. Gaaffiiwwan kunneen harca'ina sassaabbii boodaa ilaachisee hubannoo fayyadamtooni qaban beekuuf si gargaaraa.



Rakoowwan sassaabbii booda mudatan ilaajhisee muuxannoo nuu qooduu dandeessuu; akkasumas maal hojjechuudhaan rakkina sanaaf furmaata kennitan?

Gosoota rakkowwan sassaabbii boodaa isaan irra gahaa jiru sirriitti dhaggeeffadhu. Gabteen armaan gadii odeeffannoo akka argattanuuf, rakkowwan harca'ina sassaabbii boodaa gosoota addaa addaal0 ni tarreessa. Gabtee kana hirmaattota waliin ilaaluun/hojjechuun barbaachisaa miti.

Rakkoowwan addaa addaa 10 sassaabbii boodaa mudatan

Rakkoowwan sassaabbii boodaa	Ibsa waa'ee rakkoowwan kanneenii
Hi'rina bishaanii (hir'ina ulfaatinaa)	Shuntuuruu fi coolliguu kudaurraa fi muduraa
Hir'ina bishaanii (hir'ina lallaafina yookiin jajjabina barabaachisaa ta'ee) (loss of textural quality)	Lallaafuu, jabeenya dhabuu, cuunfaa dhabuu
Miidhama mekaanikaalaa (kan meeshaalee garaagaraa yookiin maash-inniidhaan wal qabatu)	Dirmammaa'u, mammadaa'u, cicciitu, caccabuu
Hir'ina qaama midhanii yookiin hir'ina fiizikaalaa	Dhibeewan, ilbisotaan miidhamuu
Faalama	Biyyee, baakteeriyya dhibee fidan (kanneen biyyoo keessaa dhufan), haftee qoricha farra ilbiisotaa fi keemikaalotaa
Sadarkaa ho'inaa	Miidhaa qorraa, miidhaa dilallaainaa, miidhaa ho'aa, aduudhaan gubachuu
Qabiyyeen nyaataa wal maddaluu dhiisuu	Hir'ina kaalshiyeemii (guddiinni jirma/hiddawan biqiltoot-aa miidhamuu, baalawwan biqiltotaa fajajuu, mamma-ramuu fi guggubachuu). Summaa'ina Boroonii (bifa keellootti jijiiramuu yookiin daa-lachaa'u baalaa). Fiixeen baalaa goguu, jirma yookiin damee irraa waan akka haphee yaa'aau, qancaruu
Gaasii qilleensa naannoo lafaa	Miidhaa eetiliinii (ethylene) (mallattoo birtee diimaa, lal-laafina, daammii/daalacha ta'u)
Sassaabbii booda biqiluu	Hidda yaasuu, marguu/mutuu, kichuu baasuu, magariisatti jijiiramuu midhaanota kannen akka mosee, foo'aa/kirrii baasuu, halluu jijiirrachuu, dhandhama dhabuu, jajjabaachuu
Hir'ina qabiyyee albuudaa	Kuufamakaarboohaayidireetii dhabuu, hir'ina vaayitaamin sii (C)

Agarsiisuudhaan Ibsi

Harca'insi sassaabbi boodaa kenneen keessaa baayyeen isaanii hojiwwan sirrii waqtii sassaabbi fi sassaabbi boodaa gargaaramuuun too'atamuun akkasumas ittisamuun ni danda'u. Rakkina hir'ina qabiyee albuuda nyaataatiif illee midhaanota sassaabbi booda sirriitti qabuudhaan akkasumas qorriisuu/diilalleessuudhaan furmaata kennuun ni danda'ama. Baayyee itti dadhabuun miidhanota fayyalessa, mi'aawaa, kan nageenya qaban, kenneen albuuda nyaataan badhaadhan erga oomishnee booda akka inni harca'ee baduu isaa arguu hin barbaannu. Harca'ina kana hir'isuuf hojiwwan/shaakalawwan yeroo sassaabbi fi sassaabbi boodaa baayyeetu jiru. Har'a baayyee isaanii irratti marii ni taasifna.



Kudauraalee fi muduraalee keessaan sassaabuudhaaf shaakalawwani akkamii fayyadamtu?

Shaakalawwan armaan gadii isaan irraa dhaggeeffadhu. Hirmaattota irraa dhaggeeffachuudhaan booda, muuxannoowwan isaan hin caqasin hafan yoo jiraatan isaaniif qoodi, dogoggorti yoo jiraates sirreessi.

Hojiwwan garaagaraa harca'ina yeroo sassaabbi fi sassaabbi boodaa hir'isuudhaaf isin gargaaran caqastanii jirtu; animmoo amma shaakalawwan yookiin hojiwwan dabalataa isiniif nan qooda.

Muuxannoowwan gaarii kuduraa fi muduraa sassabuuf gargaaran

- Ganama obboroo yeroo qorraa sassaabuu.
- Midhaanota dhibee fangasiitiif saaxila bahuu malan (fakkeenyaaaf, baaqelaa asheeta, mimmixa) yeroo sassaabnu, fixeensi arga gogee booda sassaabuu qabna.
- Meeshaalee qara qabeeyyi fi qulqulluu ta'an sassaabbi fi baayyina barbaadametti kukkutuuf garggaran fayyadamuu qabna.
- Kudauraalee fi muduraalee dhibee qaban yookiin miidhaman addaan baasuun nannoo qonna manduubee irraa fageessuudhaan gatuu qabna. Kudauraalee fi muduraalee dhibee qaban koompoostiidhaaf hin fayyadamnu.
- Kudauraalee fi muduraalee eeggannoodhaan qabuu qabna malee lafa buusuu, meeshaalee tokko keessaa kan birootti yeroo dabarsinu darbachuun akka isaan daddafanii tortoran taasisa.
- Sassaabbi booda, kudauraalee fi muduraalee sassaabaman akka qabbanaa'inni isaanie eegamaa ta'uuf, gaaddisa hojjedhaafii.
- Korojoo qaama irratti uffatamu yookiin keeshaa sassaabbiif ta'u fayyadamuudhaan miidhaa yeroo sassaabbi kudauraalee fi muduraalee haaraa irra gahu hir'isuun ni danda'ama (suura itti agrsiisi).

Korojoo Qaama Irratti huffatamu

Meeshaaleen deeggarsa sassaabbi akkasii kenneen korojookaraa lachuun afaan qabu hodhuudhaa, shanqaqoo gateettiitti ka'amu itti gochuudhaan akasumas baaldii qabachuu akka danda'utti hojjetamu. Korojoon/borsaawwan morma irratti fannifaman kenneen miiccamuudhaan qulqullinni isaanii eegamuu qabu. *Suraa kan Siiyaarressiif (CRS) gumaache Lisa Kitinoja*



Harca'ina hirisuufi nyaata albuudaan badhaadhe gara fuula duraatti argachuuf, sassaabbi booda kudauraalee fi muduraalee kuusuu qabna.



Kuduraa fi muduraa kuusuudhaaf maal maalfaa raawwattu?

Shaakalawwan armaan gaditti tarreeffaman ni caqasu yoo ta'eef sirriitti dhaggeeffadhu. Hirmaattota irraa erga dhaggeeffattee booda, shaakalawwan hin caqafamin hafan yoo jiraatan isaaniif goodi yookiin dogoggorti yoo jiraate sirreessi.

Shaakalawwan kuduraa kuusuudhaaf kan isin gargaaran caqstanii turtan; an ammoo amma shaakalawwan dabalataan isiniif qooda.

Kuduraalee fi muduraalee kuusuudhaaf muuxannoowan gaarii

- Kuduraalee fi muduraaleen kuufaman qulqullina ol'aanaa qabaachuu qabu.
- Sassaabbi booda kuduraalee fi muduraalee bifa qorradhaan tursuudhaaf, gaaddisa gargaramaa.
- Kanneen miidhamanii fi dhibee qaban kuusuudhaan dura keessaa baasaa.
 - Shunkurtii/qullubbii adiin bakka qilleensi salphaatti keessa naanna'u danda'utti kuufamuu qabu.
 - Kuduraalee fi muduraalee baayyee biroon ammoo bakka jiidhina qabutti kuusuun turfamuu qabu. Nannoo jiidhinsa qabu uumuudhaaf, meeshaalee midhaan itti kuustan moofaa/carqii jiidhaadhaan qadaadaa yookiin ammoo teekinoolojii suphee-suphee-keessaa jedhamu kan nuti booda isiniif qoodnu fayyadamuu ni dandeessu.
- Miidhanonni wal faana kuufaman sadarkaa ho'innaa wal fakkaataa, jiidhinaa fi sadarkaa itilinii (ethylene level)- (gaasii kuduraalee bilchaataa keessaa bahu) naannoo itti kuufamanitti argaman dandamachuu qabu.
 - Kuduraalee fi muduraaleen itilinii ol'aanaa qaban kanneen akka muuzii, maangoo fi timaatima bilchaataa faa dha.
 - Kuduraalee fi muduraaleen kanneen akka baala magariisa qaban, dabaqaula faranjii, kaarotii, dinnicha/mosee fi maxaaxisha/dinnicha shukkaaraa itiliniidhaan salphaatti miidhamuu danda'u. Kuduraalee fi muduraalee bilchaatan kanneen akka muuzii, maangoo fi timaatima waliin yoo kuufaman, midhaanonni kenneen halluu, dhandhamaa fi bifa/boca hin barbaadamne uumuu ni malu.

- Meeshaalee midhaan itti kuuftan gidduutti fageenya gahaa hambisuudhaan qilleensi akka gaariitti akka keessa naanna'u godhaa.
- Meeshaaleen itti kuufaman yeroo wal irraa tuulan miidhamuu akka hin daneenyetti jajjaboo ta'uu qabu.

MEESHA KUUSAA OKKOTEE-OKKOTEE-KEESSAA



Suura: [wikiHow \(Creative Commons\)](#)



Sassaabbii booda kuduraalee fi muduraalee akkamitti kuustu?

Muuxannoowwan kuufama qorraa/jiidhaa fi gogaa kuduraalee fi muduraaleen naannootti itti fayyadaman dhaggeeffadhu.

Kuduraalee fi muduraalee haaraa kuusuudhaaf kan gargaaran tooftaawwan baayyeetu jiru, haa ta'u malee tooftaa kuufamaa baayyee salphaa, kan gatiin isaa xiqqoo ta'e fi manatti bifa qorraan/qabbanaa'aadhaan kuusuudhaaf isin gargaaru tokkon isnitti agarsiisa. Toofataan kun Suphee-Suphee-keessaa kan jedhamu yommuu ta'u, bakka jiighinsi gad'aanaan jiru yookiin o'aa fi waqtii bonaatti caalaatti bu'a-qabeessa dha.



- Fakkiiwwan tooftaa Suphee-Suphee-keessaa agarsiisan akkasumas gulantaawwan armaan gaditti tarreeffaman toora interneetii kana irratti argama: [How to make a pot in a pot refrigerator](#). Wikihow.
- Suursagaleen/viidiyoon Suphee-Suphee-keessaa hojjechuuf nama gargaaru: [Homemade pot-in-pot refrigerator “off grid fridge” cools air up to 40F](#) irratti argama.

Supheen-Suphee-keessaa yookiin okkoteen-okkotee-keessaa akkamitti akka hojjetamu

- Suphee yookiin okkotee/ottee hin siilofne/yookiin gubanne lama qopheessaa. Okkoteen tokko okkotee isa biroo irra xiqqa ta'uu qaba. Boca akkamiyyuu yoo ta'an rakkina hin qabu. Supheen inni xiqqaan suphee isa guddaa keessa seenuu danda'uu qaba; kana malees, suphee isa guddaa fi isa xiqqa gidduu bakka duwwaa/balleensa /saantima I haga 3 (inchii 0.4 haga 1.2) jiraachuu qaba.
- Ottee/okkoteewan kanneen jala bishaan akka hin dhimmisneef huraan/qaawwaan yoo jiraate duuchaa. Qaawwaan yoo qabaatan, meeshaalee naannootti argaman keesaa kanneen akka suphee, qacaaculle, qoorkii, haphee daakuu fi bishaan iraa tolfamu, istuukkoo yookiin shaandaa gargaaramuu duuchuu ni dandeessu. Qaawwaan jira taanaan kudauraan fi muduraalee keenya nuuf qorriisiisuun/diilaleessuun tursuu hin danda'u.
- Hundee/jala suphee isa guddaa cirrachaan guutaa. Tilmaamaan saantima 2.5 (inchii I) kan gad fagaatu guutuu qabdu, haa ta'u malee, haga supheen inni xiqqaan isa guddaadhaan qixxaatu qofaatti guutuu qabdu.
- Okkotee suphee isa xiqqa isa guddaa keessa kaa'aa. Cirracha hundee jalatti naqame wal qixxeessuudhaan sireessaati irra kaa'aa.
- Bakka duwwaa nannoo suphee isa xiqqa jiru yookiin suphee isa xiqqa fi isa guddaa gidduu jiru gutumaan guutuutti cirraachaan duuchaa. Bakka duwwaa xiqqoo gara afaaniitti hafuun ala hunda isaatti guutuu qabdu.
- Cirracha sana keessatti bishaan naqaa. Haga cirrachi sun quufee bishaan fudhachuu didutti itti naquu qabdu. Bishaan suphee keessa seenuuf yeroo akka argatutti suutaan itti naqaa.
- Huccuu bittinnaa'aa/moofaa, fooxaa, uffata sharaa jiidhina qabu yookiin kanneen kana fakkaatan bishaan keessa gad seensisaa. Guutumaan guutuutti akka qadaaduuf ta'utti suphee isa xiqqa gubbaa kaa'aa.
- Okkoteen inni keessaa akka inni qorru/diilalla'u taasisaa. Ho'ina isaa harka seensisuudhaan ilaala.
- Bishaan keessaa gara alaatti sirriitti hurkuu akka danda'utti suphee-suphee-keessaa bakka gogaa fi qilleensa gahaa argatu kaa'aa.
- Kuduraa fi muduraa yookiin midhaan biraa okkotee isa xiqqa keessatti kuusaa. Jiidhina cirrachichaa yeroo yerootti ilaalu qabdu. Akkuma inni gogiinsa agarsiiseen bishaan dabalataa itti naquun jiidhina isaa eeguu qabdu. Kun yeroo baayyee guyyaatti yeroo lama itti naquu gaafta.

Guutummaa barumsa qonna manduubee keenya kana keessaatti, muuxannoowwanii fi tooftaawan midhaanonni nuti qonna manduubee keenya irratti oomishnuu fi sassaabnu maatiawan keenya akka soorataniif nageenyi isaanii eegamaa ta'uu isaa mirkaneesson irratti maryannee jirra. Mee amma kanneen gabaabaatti irra deebinee haa ilaallu.

Qajeelfamoota bu'uraa nageenya nyaataa: Biyyee qulqulluu, bishaan qulqulluu, meeshaalee qulqulluu, fi harka qulqulluu.



Biyyee qulqulluu qabaachuu keenya karaan ittiin mirakaneessuu dandeenyu maalfaa ?

- Dikeen koompoostii guutumaan guutuutti akka bososu/tortoru gochuudhaan wantoota dhukkuba fidan ajeesaa; facaasuun dura yoo xiqqaate torban lamaaf biyyeedhaan waliin makaa.
- Rakkina faalamaan dhufuu danda'u hir'isuudhaaf bineeldota manaa fi bineenota qonna manduubee keessan irraa eegaa.
- Yaa'a yookiin kosii horii irraa dhufu lafa qonna manduubee akka hin seenne dhorkaa.



Bishaan qulqulluu qabaachuu keenya karaan ittiin mirakaneessuu dandeenyu maalfaa dha?

- Bishaan boollaa akka jallisiitti itti gargaaramtan horii manaa fi keemikaala irraa eegaa.
- Bishaan ja'lisi biyyee naannoo biqiltuu jiru irratti naqaa malee baala yookiin firii irratti hin naqinaa.
- Itti fayyadama keemikaala farra ilbiisotaa fi dhukkubootaa hir'isuudhaaf, muuxannoo too'annaa dhibee fi ilbiisa farra midhaanii qindaa'aa (integrated pest management) fayyadamaa.



Meshaalee qulqulluu qabaachuu keenya akkamitti mirkanessuu dandeensa?

- Meeshaalee addaa addaa erga itti fayyadamtanii booda yeroo hundaa miiccuudhaan qulqullinatti qabadhaa. Saamunaadhaan miiccuu, bishaan qulqulluudhaan lolla'uu akkasumas qilleensaan gogsuu ni dandeessu.



Qulqullina harka keenya akkamitti mirkanessuu dandeensa?

- Hojjettooni oomisha sassaabanu yeroo hundumaa mana boolii erga fayyadamanii booda yookiin daayipparii daa'immanii erga jijiiranii booda harka isaanii dhiqachuu qabu.



Muuxannoowwan/shaakalawwan sassaabbii boodaa kamfaa waqtii qonna

manduubee yeroo ammaa kana keessatti fayyadamuuf yaaluu feetu?

Muuxannoowwan kana yaalii gochuudhaaf wanti isin daangessuu malu maali dha?

Deeggarsa oogummaa yookiin hojii/ifaajjee qindoominaa pirojektiin kun dhiyeessuu danda'u yoo jiraate dhaggeeffadhu. Dhimma saalaa itti fayyadamaa fi too'annaa qabeenyaan akkasumas baayyina hojii fi aangoo murtee kennuu wajjin wal qabatu deebii isaanii keessaa dhaggeeffadhu.

Hirmaanna h'oaa/cimaa gochuu isaaniitiif hirmaattota galateeffadhu.

RAKKOOWWAN SASSAABBII BOODAA FI MALLATTOOWWAN BILCHAATINAA

Midhaan	Rakkoowwan harca'inaa ol'aanaa 3 sassaabbii booda mudatan	Mallatoo bilchaatinaa
Raafuu maraa	Jiadhina bishaanii dhabuu (coolliguu), bif/a/ halluu magariisaa dhabuu (keeloo ta'u), miidhaawan qaamaa	Jabaatina mataa Amma barbaadamuun ol yoo bilachaate: Mataan ni jabaata
Raafuu	Jiadhina bishaanii dhabuu (coolliguu), bif/a/ halluu magariisaa dhabuu (keeloo ta'u), miidhaawan qaamaa	Daraaruun dura guddina gahaa qabaachuu
Dinnicha mi'aawaa yookiin mixaaxisa gogaa halluu burtukaa-naa qabu	Miidhama qaamaa (yeroo sassaabbii cac-cabuu, lal-laafuu, tortoru, jiadhina dhabuu	Mataan goggoguu fi gad jallachu yookiin goopha'uu eegaluu
Timaatima	Mammadaa'u, garmalee bilchaachuu fi baayee lallaafuu, jidhina dhabuu	Yeroo muran iji/firiin keessaa gad ni dhanga-la'a; yookiin qolli magariisni gara diimneetti jijiiramuu
Qaaraa	Yeroo sassaabbii bilchaatee yoo irra darbuu, jiadhina dhabuu (shuntuuruu, mammaddaa'u fi miidhama qaamaa garaagarea)	Guddina guutuu (ammamtaan guddina isaa gosoota isaa irratti hundaa'a)
Shunkurtii	Miidhama qaamaa (dirmammaa'u, cicciuu, bu-ruquu); tooftaa gogsuu sirrii hin taane, biqiluu yooki-in boqqoltii baasuu yookiin am-moo hidda yaasuu	Mataan goggoguu fi gad jallachu yookiin goopha'uu eegaluu
Qullubbii adii	Shuntuuruu, lallaafuu. Miidhama cacciinsaa (dirmammaa'u, cicciuu, buruquu); tooftaa gogsuu sirrii hin taane, biqiluu yookiin boqqoltii baasuu yookiin am-moo hidda yaasuu	Mataan goggoguu fi gad jallachu yookiin goopha'uu eegaluu
Hundee diimaa	Miidhama cacciinsaa (dirmammaa'u, cicciuu, buruquu); tooftaa gogsuu sirrii hin taane, biqiluu yookiin boqqoltii baasuu yookiin am-moo hidda yaasuu	Baalli magariisni saantima 15 yookiin inchii 6 caaluu hin qabu. Hundeen yeroo kamiin iyuu sassaabamuun ni danda'a
Dabaaqula	Yeroo sassaabbii bilchaatee yoo irra darbuu, jiadhina dhabuu (shuntuuruu, mammaddaa'u fi miidhama qaamaa garaagarea)	Qola yookiin gogaa jabaataa fi kan qeensaan cituu hin dandeenye; jirmi isaa bif/a daammii (brown) ta'u
Raafuu faranjii (Swiss chard)	Bishaan dhabuu (coolliguu), bif/a magariisaa dhabuu (keelootti jijiiramuu), miidhama cacciinsaa.	Yeroo inni baayye hin bilchaatin sassaabuu; yeroo dheerinni isaa saantima 10 yookiin inchii 4 hin caalletti, yookiin akkuma bi-lachhateen

SHUNKURTII FI QULLUBBII ADII GOGSUU

Miseensonni maatii shunkurtii fi qullubbii oomishaa jiru yoo ta'e, odeeffannoo armaan gadii kenniif.

Shaakalawwan gogsu

- Gogsuun salphaa fi gatii baayyee kan nama hin gaafanne dha.
- Tortoruu, bishaan/jiidhina dhabuu fi ulfaatina dhabuu ni ittisa
- Biqiltoota/midhaanota boca ampoolii qaban (bulb crops) kanneen akka shunkurtii fi qullubbii adii akkasumas midhaanota hiddaatiif hojiwwan/shaakalawwan gogsuu ni jiru.

Shunkurtii fi Qullubbii

- Kuusuudhaan dura akkuma sassaabdabiin booda kallattiidhaan gogsuun qolli isaanii fi mataan/kichuun isaanii akka gogu taasisaa.
- Roobni hin jiru taanaan midhaanonni kunneen biyyee keessaa gara gubbaa lafaatti baafamanuun mul'ifamuu fi tooraan walitti qabamudhaan akka karaa uumamaatiin gogantuuf achumatti guyyaa 5 haga guyyaa 10 turfamuu qabu. Gogaan/qolli yeroo gogu hundee isaanitti huwwisuudhaan yeroo aftanii gogsitanutti ho'a cimaa yookiin aduudhaan gubachuu irraa eeaguun ni danda'ama.
- Haalli qilleensa kan jiidhinsa qabu yoo ta'e yookiin ammoo yeroo raabaa yoo ta'e, midhaanonni kunneen ooyiruu irraa guuramuudhaan lafa gaaddisa qabu jalatti gogfamuu qabu. Kana booda, qolli isaanii inni goggogaan yeroo manatti kuusnu yookiin gabaatti dhiyeessuuf qopheessinu jiidhina baayyee akka of keessaa hin baafneef ni ittisa.



Adeemsi gogsuu erga raawwatee
booda, Shunkurtii mataan isaa
jabaataa, cufamaa fi gogaa. Suura
kan gumaacha Lisa Kitinoja irraa
kan Siyyarressiif (CRS) kennamee

Midhaanota hiddaa gogsuu (fakkeenyaaaf Maxaaxisa yookiin dinnicha shukkaaraa)

- Midhaanota hiddaa kanneen akka mixaaxisaa gogsuun madaa isaanii ni fayysa.
- Gogsuudhaaf midhaanicha xixiqqeeyaan walitti tuulaa.
- Baala yookiin jirma biqiltootaa gogaadhaan huwwisaa/haguugaa; isa booda huccuu bittinnaa'aa guddaadhaan huwwisa/haguugaa. Huccuun isin ittii haguugadan gonkumaa pilaastika ta'uun hin qabu.
- Guyyaa 4 haga 7tti haguuggii san jalatti dhiisuun tursaa. Sadrkaan ho'inaa naannoo sanaa digrii ceentigireedii 30°C haga 32°C (Digrii faaraanaayitii 86°F haga 90°F) ta'uun qaba.



FEED^T THE FUTURE

The U.S. Government's Global Hunger & Food Security Initiative



FEED^T_E FUTURE

The U.S. Government's Global Hunger & Food Security Initiative

www.feedthefuture.gov